

**NATIONAL ASSEMBLY OF
SEYCHELLES**

Wednesday 05th November

2025

The Assembly met at 0900am

National Anthem

Moment of Reflection

Madam Speaker in the Chair

MADAM SPEAKER

Mon ava dir bonzour tou bann Manm dan Lasanble, avek tou bann dimoun ki pe ekout nou bomaten, E osi sa ki dan Galeri.

Avan nou komans nou program ozordi, si zot a permet mwan en pti letan pou fer en pti refleksyon.

Depi ki nou'n komans nou travay mon'n obzerve, mon'n ekoute e mon kontinyen aprann.

Mon *quote* prefere aktyelman i, "*The path forward is only revealed when we begin walking*". E mwan mon'n konmanse par asiz dan en sez ki gro e osi enkonfortab. I enkonfortab dan 2 fason.

1) I literalman enkonfortab. Sa sez in ganny fer pour en dimoun bokou pli gran ki mwan. E konman en

madanm ki pa sitan gran, sa sez i en *challenge*.

E mon pran sa loportinite pou remersye bann *staff* Servis Lasanble pour tou sa ki zot in fer pou ed mwan kapab pli konfortab letan mon dan *Chamber*.

2) Sa sez i vin ek en pozisyon ki enkli responsabilite pour deroulman bann deba e kestyon dan Lasanble. E souvandfwa, nou anvi en desizyon ouswa en reaksyon imedyat.

Si zot in remarke, mon pa enn ki reakte souvan. Reaksyon i enportan letan i nesaser. E *à mon avis* personnel, nou pa bezwen reakte ek absoliman tou keksoz. Mon obzerve. Mon kontinyen analize. E mon kontinyen aprann.

Mon refleksyon bomaten i osi annan pou fer avek sa ki nou pe konsidere kouraman. E sa se bann endividi pour bann pozisyon Minis.

Mon anvi fer tou nou bann Manm rapel ki i enportan pour nou *focus* lo egzaktaman sa. Kapasite sa bann endividi pou deservi sa pozisyon ki zot pou posibleman pran.

E vi ki sa bann pozisyon i bann ki a lafen ditan i lye avek en program e dokiman politik, i toutafe normal ki pou annan bann deba politik.

Alors, annou kontinyen ek nou bann deba dan en fason respektab e onorab, kot nou fer lyen avek deba politik ek pozisyon ki pe ganny konsidere.

Mon anvi enkli dan mon pti refleksyon en size ki'n ganny koz lo la en pe souvan. Laz. Laz bann endividi ki pe ganny konsidere pour sa bann pozisyon. E menm laz nou bann Manm dan Lasanble.

Nou Lasanble i annan en *portfolio* ki à mon avis personnel, i admirab kot laz i konsernen. Nou pli zenn Onorab i annan 30 an. E nou Manm Onorab pli aze i annan 70 an. Admirab.

I annan en pti liv apele *"The Gap"* - *"the little space between what you know and don't know"* - lespas ant sa ki ou konnen e sa ki ou pa konnen. Dan Lasanble nou annan loportinite pou aprann dan en *gap* ki kouver 40 lannen. Pou aprann avek lasazes sa ki'n la plis letan. E pou aprann avek lenerzi nou bann zenn.

Mon alors anvi senpleman *humbly request* avek nou bann Manm pou mazine ki nenport ki laz en endividi, i annan tou drwa pou ganny respe ek dinyite.

E ki alors, nou kontinyen parey nou pe fer. Anmenn bann deba e keston pozitiv kot i konsern laz. Mersi.

So, alors mon ava demann Onorab Lemiel pou prezant Mosyon.

HON SYLVANNE LEMIEL

Mersi Madanm Speaker. Bonzour Madanm Speaker. Bonzour tou mon bann koleg Manm Onorab. Tou bann dimoun ki a lekout. E mon Mosyon i lir konm swivan ;

In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Mr. James Conrad Jean CAMILLE to the office of Minister. Thank you.

MADAM SPEAKER

Onorab Gill?

HON CHURCHILL GILL

Mersi Madanm Chair. Bonzour Madanm Chair. Bonzour tou Manm e tou dimoun ki pe ekout nou. *Motion seconded.*

MADAM SPEAKER

Mersi. Nou ava aprezan al dan Staz Komite e mon demann Servis Lasanble pou fer antre Mr Camille.

Bonzour Mr Camille. Mon ava demann ou pou fer en prezantasyon pour nou bann Manm.

MR JAMES CAMILLE

Mersi Madanm Chair. Madanm Chair, *Leader of Government Business, Leader of Lopozişyon*, tou bann Manm Onorab prezan, bann envite dan Galeri, Medya e tou dimoun ki pe ekoute dan lakour, bonzour.

Mon apel James Camille. E i avek tou imilite ki mon prezant mon lekòr devan zot pou en pozisyon Ministeryel dan sa Gouvernman dizour.

Mon sorti dan en fanmir senp, ranpli avek valer, kot mon'n aprann disiplin, respe ek lentegrite. Sa bann valer in toultan form fondasyon mon lavi e osi mon karyer. Mon anmenn avek mwan plis ki 25 lannen ki'n dedye dan domenn lazistis ek Lalwa.

Mon vwayaz profesyonnel ti konmans dan Zidisyer an 1994, kot mon ti antre konman enterpret. E apre ki mon ti'n ganny mon bann premye leksperyans avek prosedir Zidisyer ek lenportans lazistis ek entegrite dan sa bann desizyon ki mon ti vwar.

E pli tar mon ti bouze mon ti al dan Biro Atorni Zeneral. E la mon ti pas en dizenn lannen laba. Mon ti konmans konman en prosekiter. E apre ganny promote konman sef ki ansarz prosekisyon.

Dan sa pozisyon ki mon'n dirize pandan sa bann

letan, mon'n fer bann prosedir kriminel dan Lakour Mazistra. E mon'n osi travay tre pros avek Lapolis Sesel.

An 2011, mon ti ganny loportinite pou mwan zwenn Labank Komersyal Sesel konman en zofisye legal. E pli tar mon ti ganny promote konman sa dimoun ki ansarz Seksyon Legal dan sa labank.

E la mon ti ganny sans travay an konformite avek Zesyon Risk. E osi bann zafer regilasyon dan sa Sekter Finansyel.

An 2018, mon ti ganny sa loportinite, apre ki mon ti pas en *interview* pou mwan zenn Lakour Mazistra dan Zidisyer Sesel.

E pli tar an 2021, mon ti osi ganny loportinite pou mwan travay lo Tribinal Lafanmir konman *Vis-Chairman Tribinal Lafanmir*.

Dan sa bann rol, in permet mwan konpran pli byen defi sosyal, legal e administratif ki nou pei pe fer fas avek.

Mon travay dan Tribinal Lafanmir in donn mwan konpreansyon pli profon lo soufrans ek difikilte fanmir. Sirtou bann ki pe fer fas avek adiksyon drog.

Sa leksperyans in fer mwan vin pli sansib e pli rezilyans. E pli determinen pou ranforsi soutyen sosyal ek

moral pour bann fanmir Seselwa.

An deor mon karyer profesyonnel, mon'n osi reprezant Sesel lo nivo pli o dan enternasyonal konman *coach volleyball* Sesel. Kot mon ti reisi fer Sesel ganny en medya lor an 2011 dan Zwe De Zil ki ti fer isi.

Mon fermeman krwar ki *sport* i en zouti ki kapab fer bann zenn reste lo bon semen. Devlop zot disiplin e zot karakter. Dan mon karyer, mon'n reste fidel avek mon prensip lazistis, lentegrite e bon gouvrenans.

Mon'n osi swiv bann formasyon lokal ek enternasyonal dan *leadership*, lager kont trafik imen, prevansyon blansisaz larzan ek Zesyon Performans.

Tou sa bann leksperyans in ranforsi mon kapasite pour mwan diriz avek lazistis, rann kont e osi vizyon.

Mon vizyon se pour en sosyete kot disiplin, lord ek respe i pa zis en prensip, me en fason lavi. Kot sak sitwayen i santi li proteze e soutyen. E annan loportinite pou devlop son potansyel.

Mon krwar dan en Gouvernman ki servi avek leker ek lentelizans. Kot lazistis i fer plas pour limanite. E kot nou ranforsi fanmir, zenn ek kominote pou konstrir en Sesel solid.

Mon *motto* bann Manm Onorab se, "Lazistis avek leker. Servis avek lentegrite". Mersi bokou.

MADAM CHAIR

Mersi. Nou ava aprezan konmans pran bann kestyon. Onorab Rocky Uranie?

HON ROCKY URANIE

Mersi Madanm Chair. Bonzour tou koleg Onorab, tou zabitan ki a lekout. En bonzour spesyal pour Mr James Camille. Felisitasyon pour ou nominasyon.

Mr Camille i en desandans Digwa e i ti pe reste La Digue sa bann letan. So mon vreman fyer ankor pou war en lot Digwa ki vin la parmi nou.

Mon kestyon i, si Lasanble i aprouv ou, ou pou vin premye Mazistra ki pou okip sa pozisyon Minis, ki ou pou anmennen dan ou Minister pou amelyor son fonksyonman? Mersi.

MR JAMES CAMILLE

Mersi pour ou kestyon Onorab. Kekfwa mon'n osi bliye poudir mon'n lanfans mon'n pas Corgat Estate, anba Tanmaren. E apre mon'n al fini Plaisance. E tou dernyerman avan mon ti bouz La Digue, mon pe reste Beau Vallon. E mon'n Beau Vallon pour en peryod 20 an.

Wi, prezan kot i konsern ou kestyon. Keksoz ki mon pou anmennen an plis se mon pou fer mon fonksyon avek disiplin, lentegrite ek latransparans. Sa i mon bann *core values*.

MADAM CHAIR

Onorab Monthy?

HON PHILIP MONTHY

Mersi Madanm Chair. Mr Camille, bonzour. In annan komantr par Prezidan Herminie lo koripsyon dan Zidisyer. I pa pou zis ozordi pour mwan demann ou si i annan oubyen napa. Pa sa mon kestyon. E prenan kont ki kantite leksperyans ki ou'n pase dan Zidisyer, ki ou'n koz lo lentegrite dan ou prezantasyon tou.

Eksplik nou en pe, dir nou en pe ki ou pozisyon vizavi koripsyon? E byensir nou pa konn ou *portfolio*. Me selman ler mon pe get ou *background* nou pe war ou plito dan *Internal Affairs*. So, i en landrwa kot i posiblerman ki sansib.

So, mon ti a kontan konn ou pozisyon vizavi koripsyon? Ou'n koz lo lentegrite. Ki mannyer ou pou anmenn ou Minister pou fer sir poudir sa pa egziste, ki latet sa serpan ki apel koripsyon i ganny koupe, i pa egziste dan ou travay ki ou pe fer?

E apre en lot pti kestyon ankor. Ou'n koz lo fleo sosyal, lo drog. En pe ou pwennvi lo sa lalit kont drog ki ansyen Gouvernman in anmennen. E ou, konman en Minis ki pe al ganny aprouve la byento, ki ou pou anmennen an plis dan sa lalit kont drog pou fer sir ki sa fleo sosyal ki pe ravaz nou pei i ganny *deal* avek - ki sa travay ki'n konmanse par ansyen administrasyon i kontinyen e menm anplifye, pou fer sir ki sa fleo i ganny *deal* avek? Mersi bokou.

MR JAMES CAMILLE

Mersi Onorab pour ou kestyon. Lo sa persepsyon koripsyon dan Zidisyer, i pa en keksoz ki nouvo.

Mon ava – mon ti pou ganny – mon ti a ganny mwan 8 an la. Selman ozordi mon ankor *still* en zofisye Zidisyer. Me mon kapab dir ou pou dir mwan mon war li konman en persepsyon, mon pou eksplik ou aköz.

Nou annan nou en prensip nob. Sa se ki nou bezwen protez lentegrite lazistis. Sa i *code* ki tou bann manm Zidisyer i onore. E nou pe donn en servis nou. Servis se letan ou annan en servis ou annan ou 2 parti.

Dan premye lenstans ou kapab ganny ou en *case* ki anmennen par Larepiblik kont en akize. Dan dezyenm

lenstans ou kapab ganny ou 2 parti ki pe vin fer en dispit Ankour ki zot pa neseserman bezwen Avoka. Dan trwazyenm lenstans ou kapab ganny ou bann *case* kot zot ganny reprezante par bann Avoka. Kot i annan serten demann ki ganny fer, kekfw baze lo kas kontra, baze lo bann diskisyon later.

Parey dan tou domenn, *be it* dan gouvènmàn, *be it* dan lavi, i difisil pour ou satisfè tou dimoun. E otomatikman dan bann *case* ki arive Ankour, ou pou ganny ou en parti ki pou sorti ki pa pou satisfè avèk desizyon ki Lakour in donnen.

E nou'n vwar dan lepase bann komantr ki'n ganny pase lo bann desizyon ziridik ki'n ganny donnen. Sirtou – pa zis dan domenn medya. Me osi lo bann zòurnal ki pase.

Me mon kapab dir ek bann dimoun deor, nou annan *mechanism* an plas. Sanmenm sa ki nou apel en *mechanism of appeal*. Alright ?

Si ou pa satisfè avèk en desizyon ki en pti Lakour in donnen, ou annan tou ou drwa pou fer rapel ou *case* devan en Lakour pli o. E ou annan 14 zour. Nou apel sa *14 working days*. E nou pa kont wikenn. Akòz wikenn *it is called dies non*.

E si ou pa dakor avèk desizyon ki gran Lakour i

donnen, ou *still* al ankòr devan Lakourdapel. Savedir, i annan sa staz ki permet ou *ensure* poudir si ou'n *fail* la, ou kapab al pli o. Si ou *fail* laba, ou kapab osi mont pli o.

E nou tou nou ava dakor poudir i annan en kantite *case* ki kekfw Lakour Siprenm in donn en desizyon. Me Lakourdapel in rezete.

Be i annan *case* ki Lakour Siprenm in donn en desizyon ki Lakourdapel in mentenir. Ou konpran mwan? So, mon krwar i – mwan mon war li konman en persepsyon. Kekfw akòz dimoun napa ase ledikasyon ki mannyer sistenm lazistis i fonksyonnen.

E mon krwar avèk plis ledikasyon ki zot ava konpran ki mannyer i marse. E pour mwan i en loner ki mon kapab deservi dan sa *Cabinet*. Kekfw mon kapab anmenn serten – avans serten nide devan.

Akòz mon krwar mon ava premye dimoun ki sorti dan Zidisyer ki rantre dan en *Cabinet of Ministers*.

Akòz nou annan 3 brans, Gouvènmàn. Nou annan administratif, Egzekitiv. Nou annan zot ki drafte bann Lalwa. E apre Lalwa i ganny enterprete par Lakour.

Me souvandfw Lakour napa en lavwa li. I ganny kritike *left, right and centre*. Me sa bann Ziz i reste sourd.

Zot pa kapab dir naryen, akòz nou napa drwa fer komantr lo rezo sosyal.

E la Zidisyer pa kapab pran par dan okenn Sistèm Egzekitif. I bezwen restan an deor. *Anyway*, i annan serten keksoz ki devret ganny fer. Me nou a espere nou ava gete ki arive.

Me selman mon kapab dir ou pour lemoman i en persepsyon. Akòz i annan *mechanism* la ki dimoun i kapab servi pour zot ganny lazistis.

Dezyenm keston lo drog, wi, konman en prosekiter, mon'n travay avek lapolis dan plizyer lenstans kot i annan pou fer avek drog. E osi mon'n vwar son lefe ki'n arive dan letan mon'n devan Tribinal.

E mon dakor avek ou, i annan serten travay ki'n ganny fer par ladministrasyon sortan. Nou pa kapab dir napa. Nou bezwen onnet, in annan. Me i annan bokou ankò pou fer. Sa osi nou bezwen onnet.

Ki mon kapab dir ou, mon vizyon se ki ozordi krim in vin pli sofistike. E nou sistèm deteksyon i ankò en pe an retar. Sa i vèdir teknolozi osi i bezwen konmans ganny enplimante. Nou bezwen annan plis kontrol lo bann *entry points*.

Akòz nou pe war kontrol lo *airport*. Be mon pa war kontrol kot *Cat Cocos*. Mon pa pe war kontrol kot *jetty*. Mon pa pe war kontrol lo okenn sa bann lezot por. Savedir i vremen fasil pour si en dimoun *out sea* in kapab anmas en kargezon, in fasil pour ou fer antre.

Akòz nou pe get zis kot por anba *main port*, nou pe get anba kot nou *airport*. Me kot *Cat Cocos* napa *control*. Ou konpran? Napa ni menm sirveyans. Napa ni menm lapolis. *Same for Praslin. Same for La Digue*. E mon krwar sa i enportan.

E mon krwar sa osi mon ava diskite e anmennen. Akòz mon pa kapab dir mon pe al fer sa. Ou bezwen osi asize ekout sa bann dimoun ki i annan pou dir. Konn zot defi. Konn zot pwen for. Konnen ki zot in anvi fer. Kwa ki zot pa kapab fer.

E apre baze lo diskisyon, *then* nou kapab gete ki mannyer nou kapab travay ansanm. Akòz a lafen dizour i en travay lekip sa. I pa en travay zis en dimoun. Mersi Onorab.

MADAM CHAIR

Onorab Conrad Gabriel?

HON CONRAD GABRIEL

Mersi Madanm Chair. Mon a dir bonzour tou dimoun ki a

lekout. Bonzour mon bann koleg MNAs. *Congratulations on your nomination of Minister, Mr Camille.*

Dabor i en privelez pour mwan war ou. Nou'n zwenn tanzantan kot bann *venue* sportif. E mon rekonnet ki ou doue dan *sport* osi.

Solman *right now* mon pe get ou CV. Ou forte i lazistis ek Lalwa. E nou manifesto nou vizyon i se, asir sekirite ek lazistis ek en servis piblik efikas pour tou sitwayen.

Mon a demann ou premyerman ki ou vizyon pou ranforsi sekirite piblik e protez sitwayen Seselwa?

E dezyenmman, petet, ki bann reform ou pe prevwar pou amelyor Servis Lapolis e Prizon? Mersi.

MR JAMES CAMILLE

Mersi pour ou keston, Onorab. Mon vizyon Onorab, se ki pou fer sir ki tou sitwayen i santi li an sekirite, *ok*? I kapab dan son lakaz, dan son distrik e osi dan son travay.

Nou bezwen konpran poudir sekirite pei la, i pa zis zofisye lapolis. I en responsab kolektiv. Savedir lapolis pou bezwen retourn kot kominote. Komans fer bann Programm Kominoter, ki nou apel sa *Neighbourhood Watch*, *ok*?

E an menm tan, lapolis pou bezwen ganny formasyon

profesyonnel dan sa domenn osi, pour zot kapab fer fas avek bann nouvo devlopman ki bann kriminel osi i annan.

E nou bezwen osi pa bliy nou bann partener. Nou bezwen kapab travay an partenarya. Ou konpran mwan? Avek kominote e osi bann lenstitisyon prive.

Konmsi, mwan mon prensip se mon krwar ki travay lapolis i bezwen pros avek Lepep, ki koumsa ou kapab etabli konfyans e osi respekt mityel. Kot i konsern ou dezyenm keston, pou amelyorasyon – ou'n dir mwan amelyorasyon prizon?

HON CONRAD GABRIEL

Petet pour reform lapolis.

MR JAMES CAMILLE

Pour reform ek lapolis?

HON CONRAD GABRIEL

Yes.

MR JAMES CAMILLE

Si ou pou koz mwan lo reform lapolis, nou pou bezwen premyerman regard en pti *Police Force Act* avan. Akoz mon krwar i en *Act* ki'n la en pe letan. E revwar bann responsabilite ki lapolis i annan anba *Police Force Act*.

E kot i konsern prizon, nou bezwen kapab konpran poudir tou sa bann dimoun ki mont prizon, zot bann imen.

Zot pa parfe. Zot fer bann fot. E zot osi annan zot dinyite imen ki Lartik 16 anba Konstitisyon i donn zot, pou ganny trete avek dinyite. Me i pa vedir ki letan zot mont prizon zot bezwen fer sa ki zot anvi. Non. Ou bezwen obeir en kad disiplin ler administratif i ganny mete par lenstitisyon. Ou konpran?

Sa i mon prensip. Be selman mon pli krwar dan reform. Dan en sistenm penitansyel. Akoz sa bann dimoun zot bezwen kapab ganny serten reformasyon pour zot kapab retournen e pou travay. E pou donn lanmen kontribye dan sosyete.

Si fodre nou fer zot fer serten louveraz kominoter, sa osi i ankourazan. Ki *at least* zot ava konpran poudir zot in fer en fot. Me selman zot a konpran zot annan en dezyenm sans pour zot re entegre zot. Dan plas ki zot krwar zot in fini, zot ganny zete laba.

Rezon akoz mon dir sa Onorab se, dan profesyon ki mon ladan mon'n war plizyer *repeated offenders*. Letan ou vin demann zot, demann ek zot koumsa; "be, ou'n vin ankor?" Ou konnen ki i dir ou? I dir, "*Votre* Oner be, mon sorti deor mon al rod en travay mon pa gannyen." I dir, "rikord ki mon annan, personn pa le pran mwan!"

Alor pour zot, zot santi la zot bezwen retourn ankor e sanmenm sa ki fer nou sityasyon mannyer nou ete en pe ozordi. Mon krwar mon'n reponn ou kestyon Onorab? Mersi bokou.

MADAM CHAIR

Onorab Hoareau?

HON JOHN HOAREAU

Mersi Madanm Speaker. Bonzour Mr Camille. Byenveni konman en zabitan Beau Vallon isi dan nou Lasanble.

Mr Camille, mon'n vwar dan zot manifesto ki zot annan lide pou *repeal* sa *10th Amendment of the Constitution*. Byensir zot pou bezwen nou sipor pour sa.

E mwan konman en endividi, mon pa krwar poudir louveraz sivil i devret ganny fer par larme. Me, par kont mon vwar en lenpas Konstitisyonnel an sa ki konsern louveraz ki *Coast Guard* i fer anba *Defence Force Act*.

I annan en lenpas Konstitisyonnel ki kapab ganny *challenged*. E ki kapab anpes si ou le, *Coast Guard* fer son louveraz parey i devret fer, pou *apprehend*, pou *arrest*, pou *take custody* ki bann provizyon anba Lalwa Lapolis.

So, ki ou pou anmennen de nouvo pou kapab regle sa sityasyon? Mersi.

MR JAMES CAMILLE

Mersi Onorab pour ou kestyon. Mon anvi donn ou en larepons, me mon pou dir ou akoz ou pa pou ganny en larepons.

Mon isi devan zot konman en *nominee*. Me an menm tan mon ankor *still* en zofisye legal avek Zidisyer. E *one of the Code of Ethics* ki *we take oath to* i nou pa diskite okenn *case* ki deza Ankour pour lemoman, akoz *it is sub judice*.

Right now, this matter is still ongoing before the Court. Mon rapel Lakour ti sipoze donn son *ruling* Mardi pase. Mon pa'n ganny sans konnen *what was the outcome*.

E si mon pronons sa devan zot ozordi e dan *public arena*, then mon pou *breach* mon *Code of Ethics*. I se en *code* ki mon'n pran depi letan konman en zofisye ki mon ankor ete *right now*.

Kekfwa dan en lot loportinite mon kapab - reponn ou sa kestyon. Aksepte mon leskiz. Mon pa pou kapab donn ou en larepons an se moman. Mersi bokou.

MADAM CHAIR

Onorab Claudette Louise?

HON CLAUDETTE LOUISE

Bonzour Madanm Speaker. Bonzour tou Manm Onorab.

Bonzour Mr Camille. Lo non zabitan Plaisance, mon ti a kontan felisit ou konman enn nou bann prodwi, *ok* ?

Mon ti a kontan konnen, ki mannyer ou pou apros tranzisyon an term *leadership* dan sa premye 100 zour dan nenport ki *portfolio* petet ou ganny antase avek? Mersi.

MR JAMES CAMILLE

Mon'n konstate ki mon pe sorti dan en lenstitisyon kot enparsyalite i enn bann keksoz nou bezwen annan. Savedir nou pa kapab annan en zizman, toultan nou pa ganny prezante ek levidans.

Mwan mon sel *leadership* i pa enn *common*. Me plito enn ouver, *support and coaching*. Akoz ou pe al travay avek dimoun. Mon pe sorti dan en domenn ki mwan ki ti a latet mon lakour e mwan ki pran mon desizyon. Me la mon pe al en domenn pour mwan travay avek piblik. Alor mon pou bezwen annan en zorey pou ekoute.

Ou pe al travay avek bann teknisyen ki mon kapab dir ou zot pli enportan ki mwan. Alor mon pou bezwen aprann ekout zot.

E letan mon'n ekout zot, apre la nou a travay lo en program ki mannyer depandan lo Minister, kwa ki sipoze fer. Kwa ki pa – Akoz zot bezwen fer en, nou apel sa en

situational analysis avan mon kapab dir ou egzakteman ki mon pou fer.

Pour lemoman mon pa kapab pronons mon lekor e i pa pou *ethical* pour mwan pronons mon lekor. Akoz *everything I say go on verbatim*. So, *I need to ensure* kwa ki mon pe fer fas avek e pour mwan konnen egzakteman ki mon pou fer. Mersi Onorab.

MADAM CHAIR

Onorab Labonte?

HON ANDY LABONTE

Mersi Madanm Chair. Bonzour Mr Camille. Byenveni dan Lasanble e felisitasyon pour ou nominasyon.

Mon 2 kestyon i baze lo premye 100 zour - en kontra sosyal avek Lepep Seselwa ki Prezidan Herminie in fer prononsyasyon lo la.

So lo paz 3 kot i annan en portre *freedom of speech*. E program 1 i koz lo *Lalwa Hate Speech* ki zot pe mazin pour zot aboli sa Lalwa.

So eski dan ou pozisyon ki ou'n servi, eski ou krwar poudir ler ou annan *freedom of speech* i vedir ki ou kapab maltret okenn endividi dan nenport ki fason?

Oubyen petet sa Lalwa i la pou annan en kontrol pour bann dimoun ki abiz zot drwa? Malgre ki ou annan ou

freedom, me solman ou merit respe. So ki ou lopinyon lo la?

Aprè mon dezyenm i lo Program - lo paz 4 - program 2, kot i pe koz pou kree en lofis Direkter Prosekisyon Piblik. E ki petet ou krwar sa i pou annan konfli avek sa lofis Prokirer Zeneral.

Eski ou pa krwar poudir pou annan en konfli ant sa de? Petet dan ou lopinyon pour ou, ki ou panse lo la? Mersi.

MR JAMES CAMILLE

Mersi pour ou kestyon Onorab. *Now*, lo sa premye kestyon ki ou'n mansyon kestyon *hate speech*.

Si mon rapel byen, si mon memwar i anmenn mwan *back*, mon krwar mon ti tann Prezidan Dokter Patrick Herminie dir ki i pa pe *repeal hate speech*, me i annan serten - mon krwar serten keksoz ki pou fer avek. Mon pa pe tro mazin en la. Kekfwa i kapab mon'n mal tande. E si sa i leka, mon prezant mon leskiz.

Me ki mon kapab dir ou, mon pa krwar *hate speech* ti devret ganny *repeal*. Rezon aköz, nou annan *bullying*. Nou annan bann dimoun mwen fortinen. E avek sa sityasyon *LGBT*, zot - *they are susceptible to be a target*.

E mon krwar dan sa laliny nou bezwen en Lalwa parey pou kapab protez bann

dimoun ki mwen fortinen ki pa kapab defann zot lekòr.

Mon pa ti ava kontan war nou dan en sityasyon kot i annan dimoun pe komet swisid akòz *bullying*, oubyen akòz in ganny viktimize en fason, ki prezan i santi i napa en plas.

E mwan mon krwar *hate speech* i annan son plas. Si fòdre fer lazistaz, i ava ganny site i ava fer. Si fòdre retir serten keksoz e ranplas serten keksoz, mon krwar i ava ganny fer. Me mon lopinyon personnel, sa Lalwa mon krwar i devret reste.

Lo kestyon ki ou'n demann mwan si mon kapab demann ou?

HON ANDY LABONTE

I lo paz 4, program 2, kot i pe koz kreasyon Lofis Direkter pour Prosekisyon Piblik. E an menm tan zot dir poudir Prokirer Zeneral son lofis i kontinyen reste. Ki balans ant sa de? Eski ou krwar i pa pou annan en konfli ant sa de lofis?

MR JAMES CAMILLE

Mon kapab dir ou avek senserite Onorab, i pou napa konfli. E mon krwar sa i pou en pli bon sistenm pour nou. Mon pou eksplik ou akòz.

Lofis Atorni Zeneral i *advisor* Gouvernman, savedir Legzekitiv. Tou Lalwa i pas kot

zot. E menm Ankour zot al defann Gouvernman dan nenport *case* ki pase.

E an menm tan zot menm zot, zot pe fer louvraz prosekisyon. Zot pe anmenn dimoun Ankour. E dimoun i annan sa persepsyon ki Egzekitiv i annan kontrol lo bann *case* kriminel ki anmenn Ankour.

Mon krwar sa i en pli bon parkour ki Prezidan Dokter Herminie i kapab fer. Se fer en separasyon e pou apel *Office of the Director of Public Prosecution*, ki li i ava en lofis lo li menm e pa ava tonm anba Atorni Zeneral. E koumsa i pou napa lenfliyans okenn lazans konsernen lo zot fonksyon.

Mon krwar i devret endepandan. Sa i mon lopinyon. E mon krwar i en bon linisyativ. E mwan mon santi i devret ganny avans devan.

MADAM CHAIR

Onorab Toussaint?

HON JEAN TOUSSAINT

Mersi Madanm Chair. Bonzour tou Onorab. Bonzour Mr Camille e bonzour tou bann dimoun ki a lekout. Sirtou bann zabitan Anse Boileau.

Mr Camille, avek leksperyans, bagaz, konesans ki zisteman ou annan dan

lazistis, Lalwa li menm, ou'n annan en parkour dan Biro Prokirer Zeneral konman prosekiter. E bann letid, *skills* ki ou'n gannyen okour lavi ziska prezan. Ou'n fer masyon pli boner ki ou'n travay akote lapolis e avek CV ki devan nou, lendikasyon i montre petet ou pou pran Minis pour Zafer Entern.

Lo kote mentenans lord, lape, prezervasyon lavi, proteksyon propriyete e tou sa dan bann manda lapolis, nou tann souvandfwa en bon pe konplent ouswa mirmirasyon par bann zofisye ki koz lo zot *overwhelmed* avek travay ki zot annan pour zot fer.

E nou konnen i annan bann antite ouswa bann *policy* an plas ki nou trouv bann lorganizasyon ouswa departman ki annan bann *unit* ki apel *Inspectorate Units*.

E ladan i annan bann – sipoze annan bann lenspekter. Bann zofisye ki pou ranforsi Lalwa. Me ki nou pe konpran se ki souvandfwa sa bann zofisye zot napa sa lotorite pou ranforsi Lalwa. E lapolis i bezwen trouv li pe antre dan sa *whatever* lofans ouswa *breach of* larestasyon ki'n arive pour zot travay.

E sa i anpes zot petet delivre lo zot manda prensipal ki zot ti annan. Mon ti a kontan konnen petet si vreman ou ganny sa *post*

konman Minister Zafer Entern - Minis Zafer Entern, ki mannyer ou pou adres sa *issue*? Mersi Madanm Speaker.

MR JAMES CAMILLE

Mersi pour ou kestyon Onorab. Pli boner mon'n dir letan nou komans reform, nou bezwen get nou *Police Force Act*. Akoz se la ki pouvwar lapolis i sorti.

Nou bezwen pran kont poudir letan ou en zofisye lapolis, ou en zofisye lapolis 24/7. Kantmenm ou se ou, ou *still* en zofisye lapolis.

E sityasyon ki lapolis pe fer fas avek baze lo kestyon ki ou'n donn mwan, se ki ou dir mwan zot santi zot lanmen anmare. Ki zot pa kapab fer serten keksoz.

Me par kont, i annan Sistenn Zidisyer ki kapab ede dan sa konteks, kot par egzanp si zot santi – par egzanp, mon a donn ou en senp legzanp.

Letan en lapolis i fer en larestasyon i pa kapab kit en dimoun plis ki 24erdtan san anmenn li devan Lakour, *ok*? E ou anmenn li Ankour si ou anvi fer ou lanket e ou demann en *remand* anba *Section 101*.

E Lakour baze lo kredibilite ou laplikasyon, *then* i ava detenir sa dimoun. Me sa detansyon pa kapab ale

plis ki 30 zour. *Maximum sa detention is for 30 days.*

Aprè 30 zour si ou pa'n kapab etabli en *case* kont sa dimoun, *then* nou bezwen larg li. Oubyen si ou'n kapab etabli levidans kont sa dimoun, *then* ou bezwen sarz li. E la baze lo laplikasyon ki ganny fer, *then* Lakour i kontinyen avèk son prosedir.

E mon krwar i annan *mechanism*. Me selman parey mon pe dir ou, kekfwa sa ki mon pe dir se - sa ki ou pe sey demann mwan se ki mannyer pou rekonpans kekfwa zefor bann zofisye ki travay ki zot pe fer. Mon krwar sa nou ava diskit, nou ava get ladan.

Pour lemoman mon pa konn leta Lafors Lapolis. Nou pou bezwen letan - si mon ganny sa *portfolio*. Akòz mon pa konnen si mon pou ganny sa *portfolio*. Pa mwan ki pou deside.

Then mon pou bezwen zwenn tou dimoun konsernen dan sa departman e *find out* kwa ki zot annan. Zot pwen for. Zot pwen feb. Difilikite zot fer fas avèk e ki mannyer nou kapab rezourid zot problem.

Mwan mon krwar - me selman mon santi, vreman santi poudir sa *Police Force Act* fodre e nou fer li vin azour avèk sityasyon aktyel. Sa i mon pwennvi.

MADAM CHAIR

Onorab Trevor Louise?

HON TREVOR LOUISE

Bonzour Madanm Chair. Bonzour Mr Camille. Felisitasyon lo ou nominasyon. Bonzour tou koleg Onorab, tou dimoun ki a lekout.

Mon kestyon pour ou Mr Camille se, konman en Mazistra ou'n dir ki ou vwar bokou bann *areas* ki sipoze annan reform, ki konman en *judicial officer* zot pa kapab petet met devan.

Ki bann *areas* ki ou santi ki dan limedya ou kapab sizer avèk *Cabinet* pour ou *action* lo la? Sa mon premye kestyon.

E mon dezyenm se, anvi ou *background* legal ki tre enteresan, parey Onorab Toussaint in dir ki posibelman i en lendikasyon ki ou kapab al *Internal Affairs* ki en gran Minister.

Ou annan ou *Civil Status*. Imigrasyon. Ou annan ou *SFRSA*, Lapolis, *DRDM*, ki mannyer eski ou pou kapab asire ki sa bann departman, ensi ki sa bann lazans, i travay efektivman?

Parske sa Minister i enn ki annan en gran Bidze. En gro Bidze. E ou bezwen fer sir ki ou *apportion* sa bann Bidze dan sak sa bann landrwa. E parfwa sa alokasyon i pa ase pou asire ki servis i ganny delivre efektivman.

So ki mannier eski ou pou asire ki avek sa ki zot ganny donnen ou pou kapab ofer Lepep Seselwa en servis en pti pe pli o nivo? Mersi.

MR JAMES CAMILLE

Mersi pour ou kestyon Onorab. Mon krwar nou pou bezwen *do more with less*. Sa mon kapab met devan.

Savedir nou pou bezwen rod nou pwen for kot nou kapab kapitaliz lo la e fer sir ki sa bann servis ki nou pe donnen i bann servis ki efektiv.

E mon santi ki – ou'n dir i en gran departman. Pour lemoman mon pa tro konn naryen lo sa Minister. Mon konnen i annan detrwa *portfolio* ki mon pou bezwen zwenn avek tou sa bann dimoun ki ansarz pour mwan kapab asimil e konpran egzakteman ki zot *portfolio* i annan relasyon avek.

E mon krwar i pou en diskisyon kot mon pou bezwen aprann ekoute e apre analize. Parey mon fer Ankour. Mon pou bezwen *deal* avek *facts*. E letan *facts* in ganny mete devan mwan, la mon kapab konnen ki kote mon pou ale.

Akoz pour mwan donn ou en larepons *right now without having anything tangible before me*, mon pe fer zot en *disservice*. So, mon ti ava prefere ganny sa

loportinite avan pour mwan konnen kwa ki mon pou fer fas avek. E *from there I will be able to take it hands-on*. Yes.

MADAM CHAIR

Onorab Romain?

HON GEORGES ROMAIN

Mersi Madanm Chair.
Bonzour Madanm Chair.
Bonzour Mr Camille.

Mr Camille, mwan mon pou al dan en lot *field* dan bann kestyon ki ou pe ganny demande. Mon osi mon'n konn ou en dimoun tre lontan. Ou en dimoun sportif e ou *main sport* ti *volleyball*.

E i pa vedir ou pou al ganny sa *portfolio Sport*, ki mon plis ki krwar ou pou ganny en lot *portfolio*. Si i arive ou vin en Minis, byensir zot – bann Minis ek Minis zot koz ek kanmarad.

An vi ki nou nivo *sport*, parey bann lekip, kote lekip pa pe vreman fer byen pour lemoman. Ki pou vreman ou konman en dimoun ki kontan *sport*, ki pou vreman anmennen pou vreman sanz en pti nou bann *sport* ... met zot en pti pe pli o lo nivo?

E anvi ki nou konnen bokou bann zenn i kontan *sport*. So si zot pa al dan *sport*, byensir annandler zot al dan bann fleo. Alors, mon ti a kontan ganny en pti ou kontribisyon ki ou pou

anmennen vremen devan si ou vin en Minis dan *Cabinet US*. Mersi Madanm Chair.

MR JAMES CAMILLE

Mersi pour ou kestyon Onorab Romain. Parey mon krwar ou konn tre byen, mon ti konmans avek tim Mont Fleuri, *ok*, pour *volleyball*. E finalman mon ti arive vin *coach national team*.

Sa ki mon'n dekouever *recently* se nou napa relev. Letan mon dir nou napa relev e se bann ankadrer pa'n travay lo *grassroot* pou kapab fer monte nivo e pour nou annan bann zenn ki ozordi i kapab ranplas bann ki'n fini.

Mon rapel an 2011 letan mon ti pran *coach National Team* nou ti annan nou apepre 6 zwer ki ti pe zwe *en France*. E mon krwar mazorite dimoun i konn sa bann zwer.

Me ozordi nou napa en zwer ki pe zwe aletranze. Savedir i montre ki mannyer nou nivo konpetisyon in *redress*. Mon ti apresye pour mwan vwar en bon group zenn dan *CJSOI*, ki montre poudir i konmans annan relev dan bann *sport*. Dan tou bann *sport* ki pe arive.

E mon swe se prezan bann federasyon i bezwen travay pli dir. La zot in kapab idantifye zot *pool of talents*. La i lemoman pour zot anmas sa *pool of talents* ki en bon pe

zenn, devlop zot e anmenn zot lo sa nivo.

E apre sa ki manke i mank nou en direkter teknik dan bann *sport* isi. *Volleyball* ti sanse pou annan enn ki ti apel Jean-Michel Roche ki ti en *coach National* Tim Franse.

E Mr Roche ki ti fer li letan i ti lo teren, i ti idantifye bann talan e se li ki ti fer bann kontak avek bann tim aletranze ki bann zwer i ganny bann loportinite pou ale.

E mon krwar sa mon pe war dan *basketball* pe arive. Be mon pa pe vwar – apre mon konnen foutbol madanm i annan enn de pe ganny fer. Be lezot *sport* mon pa pe tann naryen.

E mon krwar – ou konnen, mon krwar i mank en pti pe rezilyans atraver bann federasyon. *Be* en pti pe pli serye aköz a lafen dizour, ou ganny ou en Bidze ek Gouvernman pour ou fer marse *sport*. Ou konpran mwan?

E ou bezwen devlop bann ankadrer avan. Ou bezwen annan dimoun avan pou devlop sa bann zenn. E apre ou bezwen devlop en *pool of talents*. E *the best way* pou idantifye *pool of talents* i dan bann lekol. Ou konpran mwan? E mon pa pe war. Mon pa konnen si i annan.

Be selman mon rapel letan mon ti'n al kot

Federasyon *Volleyball*, ti annan nou en bon partenarya avek Seksyon *Sport* kot Minister Ledikasyon. Mon krwar sa i en landrwa ki nou kapab konmans travay avek. Mersi.

MADAM CHAIR

Onorab Robert David?

HON ROBERT DAVID

Mersi Madanm Chair. Bonzour Madanm Chair. Osi bonzour tou Manm Onorab. Bonzour tou bann dimoun ki pe ekout nou bomaten.

Mr Camille, bonzour ou osi e mersi pou vin Lasanble Nasyonal. Mon ti a kontan aport mon felisitasyon pour ou nominasyon. E ler mon'n ekout ou lentrodiksyon Mr Camille, ou'n fer resorti ki ou sorti dan en fanmir senp.

E enn ou bann lakonplisman remarkab ki ou'n fer se ki ou'n ed lekip Sesel pou ganny meday lor an 2011. E lo paz 13 nou manifesto i koz lo lasante redefini.

I dir koumsa “Redefinir lasante pa vedir zis tret maladi. I vedir kree byennet. I vedir sorti dan reaksyon pou al dan prevansyon”.

Si Lasanble Nasyonal i aprouv ou nominasyon konman Minis Mr Camille, ki mannyer ou anvizaze servi *sport* konman en zouti pou ede

adres sa size prevansyon? Mersi Madanm Chair.

MR JAMES CAMILLE

Mersi Onorab pour ou kestyon. Mon krwar sa kestyon ki ou'n demann ek mwan mon'n deza reponn letan mon'n reponn kestyon Mr Romain. Mon a eksplik ou ki mannyer.

Mon'n dir nou bezwen komans *from small groups*. Savedir *grassroot*. Akoz ki arive, nou bezwen aksepte ozordi i annan en kantite lenfliyans dan nou sosyete aktyel.

Tel ki telefonn, ki ozordi marmay i fasil pou ganny akse avek *internet*. Nou annan osi drog ki pe pa pas tro lwen avek zot. Nou annan osi lalkol. E mon konsern i sa. Napa ase aktivite pour zenn. Mon pou eksplik ou ki mannyer, *ok*.

Lekol i fer sa ki i sipoze fer baze lo son *school curriculum*. Me apre sa, mon pa vwar lezot. Akoz sel lekip ki mon konnen ozordi ki annan relev ki pe anpes bann zenn, ki pe anmas bann zenn, i tim *Neo Boys*. *Alright*. I en tim *Volleyball Neo Boys*.

Neo Boys i annan en tim *youth*. I annan en tim bann *adults*. Apre i a nan en tim, nou apel sa veteran. Be mon krwar sa i en bon model, i en legzanp.

Akoz ki arive, letan ou annan aktivite pou atrakte zenn, zot napa letan pou mazin lo zot keksoz advers. Ou konpran mwan? E se sa ki manke. I mank en pti pe sa *political will* pour nou kapab *ensure* ki nou anmas bann zenn, ankadre zot.

Akoz ou konnen kwa ki'n tous mwan mon pou dir ou ozordi? Letan mon pe asize konman Vis-Chairman dan Tribinal Lafanmir, ou war en manman i pe anmenn en piti devan Tribinal Lafanmir anba proteksyon vyolans domestik.

E letan nou analize, nou etidye sityasyon nou vwar poudir sa zanfani i lo sibstans. En zanfani letan ou get li ki an bonn sante. En zanfani ki ti kapab pe fer keksoz pozitiv pour li kapab anmenn keksoz – *enhance* son lekor. *Be the better version of himself*.

Me pour mwan mon santi poudir mon santi mwan dezapwente. Ou konpran mwan? E sa i enn sa bann rezon ki kekfw – aköz mon mazin en bon letan avan mon sorti dan mon profesyon pour mwan vin la.

Akoz i en profesyon ki mon konn tre byen e mon fer li tre byen. E mon'n abitye avek. E pour mwan mon pe al dan *l'inconnu right now*. E mon pa konnen ki mon pou ekspekte.

Be selman parey mon *motto* i ete, se annandler i bon

ou pran bann risk. E i annan risk ki ou pran ki pa bon pour lasante. Be i annan ki bon. Be selman *there's a learning process*.

You always come out on top aköz you've learnt something from life. Mon krwar mon'n reponn ou kestyon Onorab. *Thank you*.

MADAM CHAIR

Onorab Gervais Henrie?

HON GERVAIS HENRIE

Mersi Madanm Chair. Mon ava dir bonzour tou dimoun. Madanm Chair, avan mon demann mon kestyon mon ti ava kontan ou permet mwan pou eksprim mon remersiman pour Lasanble Nasyonal, tou bann Manm e bann *staff National Assembly Service*, enkli ou menm ki'n *reach out* pou eksprim senpati anver mwan e mon fanmir a lokazyon aköz mon frer in mor. So nou'n byen apresye sa. E mon remersi tou dimoun enfiniman pour zot sipor dan sa bann moman difisil pour nou fanmir.

Kestyon ki mon ti ava kontan demann Mr Camille. Premyerman, dan manifesto ou parti politik, i annan 2 pwen ki ganny fer resorti vizavi Zidisyer.

Premyerman, zot in dir ki zot le elimin lenfliyans politik dan travay Zidisyer. E pour

mwan koman en sitwayen Seselwa mon ti ava – mon demann mon lekor – Mon ti a kontan konn en legzanp kot in annan en lenfliyans politik dan Zidisyer. E zisteman, la ki mon le ou ti ava ed nou. Si ou ti kapab donn nou en legzanp.

E dan sa menm paragrap zot osi koz lo reetabli konfidans piblik dan Sistenm Zidisyer. Alor mon kestyon i, eski ou dakor ki piblik napa konfyans dan travay Zidisyer? Sa i mon premye kestyon lo sa lenterferans politik avek konfidans piblik. Mon premye kestyon.

Mon dezyenm kestyon mon le retourn lo pwen ki ou'n fer an reponn kestyon Onorab Labonte, kot ou'n dir ki ou pa krwar *hate speech* i dwatet ganny *repeal*.

Mwan letan mon'n li manifesto Parti *United Seychelles*, *i read it as "repealing the Act"*. Solman mon konnen bann malen dan US pou dir “non, non, non. Nou pe koz lo *the political part of the Bill*. E sa aköz nou a rapel ki dan 7enm Lasanble Onorab Gill ti *move en Private Members Bill to amend* e retir sa bout politik.

Now, annou fer krwar pour en minit se sa bout politik ki nou le retire. Me baze lo nou listwar lepase kot nou annan viktimizasyon, diskriminasyon,

lanprizonman ilegal, deportasyon forse lo *ground* politik.

Eski dan sa *Cabinet* e sa Gouvernman ki ou pou form parti - mwan konman en Seselwa mon pou kapab krwar poudir *you will not go back* lo fason ki zot ti ete ler mon karakter - *protected characteristics* lo mon politik nepli annan proteksyon avek US. Eski mon kapab fer sa konfyans? Mersi Madanm Chair.

MR JAMES CAMILLE

Mon pou al lo ou dezyenm kestyon avan. Letan mon'n konmans mon lentervansyon, mon'n dir poudir mon profesyon mon fer li avek disiplin, lentegrite e avek respe.

E mon kapab dir ozordi mon entegrite *is not for sale*. *Alright*. Mwan mon en dimoun ki letan mon fer en keksoz mon fer li avek tou mon konsyans, e mwan mon anvi dormi byen aswar. Sa i mon prensip, *ok*?

E parey mon'n dir ou, mwan sa ki mon'n konpran *President* Dokter Herminie in dir i pa pe *repeal*. Kekfwa i pe eksplik kot i konsern bann politisyen.

Kekfwa i pe get dan laliny, aköz *you are people of influence*. Ou konpran mwan? *And as people of influence, you*

are very, very powerful person. Zot bezwen konpran poudir zot bann politisyen you are very powerful. Don't forget that.

Kekfwa ki i pe koz lo la se i pa le ki zot servi zot pozisyon politik pou fer serten lenfliyans ki i ava *incite* serten keksoz.

E sa i mon fason enterpret li. *I can be wrong. Ok. And if I'm wrong I've got no problem with that.*

Lo ou lot pwen ki ou'n demann ek mwan se koripsyon dan Zidisyer mon krwar, non? Ki annan pou fer avek lenfliyans politik dan Zidisyer.

Mwan mon kapab dir ou, kekfwa i pe koz lo fason i pe ganny apwente. Ou konpran mwan? Akoz ozordi lapwentman bann zofisye Zidisyer i ganny fer par - sa par CAA. E mon krwar i vin 2 *from one side, 2 from lot side.* Kekfwa i pe koz lo sa prensip li i pe koz lo la.

Akoz ki arive, mwan mon ti ava swete annan en sistenm kot pa politisyen ki apwent sa bann Ziz, onnetman pour mwan dir ou. Ou konpran mwan? Sa i mon pwennvi personnel.

Akoz Konstitisyon i fer provizyon. Me ou devret annan bann dimoun *expert* dan sa laliny, en *Commission* ki kapab apwent bann Ziz. Pa

politisyen. Sa i mon pwennvi personnel.

But people can differ with me. But I'm being true and honest to myself and that is my position. E mwan mon krwar kekfwa i pe koz dan sa laliny.

Me an lot mo ankor mon kapab dir ou, i annan en keksoz ki'n mete dan sa manifesto, ki dan sa 100 zour ki sa in vreman fer mwan *feel good about it*, se i apel viktimizasyon dan travay.

E sa i en keksoz ki mon atas en santiman vreman profon avek. E i en keksoz ki sa i pa dan mon laliny. Mon pa dakor ek sa. E mwan a tou pwen ki annan sa, e *one point I will defend.*

Nou pa kapab annan viktimizasyon dan travay. Sa i bezwen ganny *eradicate once and for all*, ki tou dimoun ki en Seselwa ki'n ganny en *citizenship* Sesel letan i ti ne par son *birth certificate*, ki sa pei in aksepte li konman sitwayen son pei, i annan tou drwa pour li santi an sekirite dan travay, *irrespective* ki son kouler politik oubyen relizye *or anything else.*

That is my sincere answer to you Sir. Mon krwar mon'n reponn ou kestyon Onorab? *Thank you very much.*

MADAM CHAIR

Onorab Aglae?

HON EGBERT AGLAE

Mersi Madanm Chair.
Bonzour Mr Camille e mon felisit ou pour ou nominasyon. E bonzour tou Manm e tou dimoun a lekout.

Mr Camille, dan ou lentrodiksyon ou'n servi en fraz "lazistis avek leker. Servis ek lentegrite". E nou manifesto i koz lo pour nou tou. Pa zis pour en bann.

Mon kestyon dan sa laliny, akòz sa de keksoz i *tie in*, dapre ou CV ki devan mwan la, ou annan en *vast knowledge* ek leksperyans kot i konsern lazistis, *ok*, dan Zidisyer.

Ozordi, letan nou pe koz lazistis, bokou i mazin zis Ankour. Me i annan en prose avan sa pou ariv ver sa ki nou apel Zidisyer, *ok*.

So, si demen ou ganny en *portfolio* ki annan, ouswa petet menm ou pou form parti *Cabinet*, ou pou kapab donn ou bann *advice*.

So ki mannyer ou kapab gid gouvènan, Prezidan li menm lo bann prose ki parfwa ou tann diferan kliyan i konplent ki pa'n ganny fer byen, kot zot pe bezwen ganny rimann pour plizyer letan?

So ki mannyer ou kapab fer pou amelyor bann prose ki al ver depi ler ou'n ganny arete, avan ki ou al devan en Ziz li menm? So ki mannyer

pou amelyor sa pour en *timely manner* osi pou donn en *fair* sans sa ki'n ganny – pe ganny akize?

Dezyenmman, nou'n koze dan lepase dan sa Lasanble lo size bann diferan kalite krim. E la mon pe koz lo sirtou bann *petty crimes* ki ganny komet, ki parfwa i annan bann santans ki ganny atase avek. Mon ti a kontan petet demann ou lo kot i konsern ou lopinyon, ouswa osi petet ki mannyer nou kapab fer li arive kot i konsern *community servicing*, *ok*, pour bann krim ki mon konsider miner.

Par egzanp, en dimoun pa pe pey alimoni. En dimoun in pas kot ou in pran en pti keksoz devan ou propriyete. Ki parfwa i al *end up* dan plas i ganny en servis ki i ava ganny - osi i ava, son viktim *in the end*, ler i a fini sa *community* servis, i a ganny rann en rekour pour sa ki li in perdi. Dan plas i al asize prizon, ki apre i pa benefisye naryen sa viktim.

So petet, ki mannyer nou kapab – nou'n koze lo la - ou kapab fer sa vin en realite ozordi, dan plas bann *petty crimes* ki bezwen al ranpli prizon? Mersi.

MR JAMES CAMILLE

Mersi pour ou kestyon Manm Onorab. Lartik 19

Konstitisyon i fer provizyon ki en *Hearing* i bezwen ganny ekoute dan en *reasonable time*. E i annan diferan fakter ki etabli en *reasonable time*, *ok*.

E Seksyon 179 of the *Criminal Procedure Code* i osi fer provizyon ki Lakour nou kapab detenir en dimoun *up to 14 days*, baze lo laplikasyon ki anmennen par prosekisyon, *ok*?

Konstitisyon i garanti en *right to bail*, akòz nou napa en *Bail Act*. Parey bann lezot pei i annan. Parey bann pei i annan *Bail Act*.

Savedir konman ou war lapolis i aret ou i anmenn ou Ankour, otomatikman ou pe al ganny rimann ou. Prezan ou Avoka i bezwen fer laplikasyon pou ganny *release*. Be pour nou i diferan nou.

Pour nou se Biro Prokirer Zeneral ki anmenn laplikasyon pou detenir en dimoun. E sa laplikasyon letan i anmennen i baze lo detrwà kriter.

1. I baze lo *the aggravation of the offence*, *ok*? I gete ki kalite serye sa lofans i serye.

2. I osi *amount to public interest*. Savedir ki mannyer piblik pe get lofans, sa kalite lofans. Persepsyon deor.

Trwazyenm i annan pou fer avek lakantite letan ki sa lofans i anmennen, *ok*?

E *serious...offence* anba nou Lalwa i koz depi 3 an *up to life*. *Ok*. Sa – *that is what we call a serious offence*. *Minimum of 3 years up to life*, *ok*?

Aggravating circumstance mon a pran en legzanp kekfwà *case* pour drog. Si en konparezon ou'n aret en trafiker drog, *alright*? I annan bann *rings* asosye avek. E i annan bann komers ki pe *go on*. I annan larzan ki pe antre.

So otomatikman son *aggravating factor* Lakour pou get li lo sa kalite nivo. E otomatikman pou protez piblik *out there*, ki sa serk i ganny kase. So, *the Court will remand*.

Me selman, parey mon pe dir ou, *remand is the exception*, *ok*. *Remand is the exception*. *Bail is the right*. Ou konpran mwan? Sanmenm sa ki mon pe dir zot.

Ou konnen, dimoun *out there* i pou asize i pou dir sa i koumsa, akòz i koumsa. Me selman zot bezwen konpran. Nou pa zize *case* lo medya sosyal. Akòz lo medya sosyal la ou napa toufe sa *case* ki devan ou. Ou konpran mwan?

E letan nou asize nou, nou pe pran sa bann desizyon, i pa en desizyon ki fasil. Me nou bezwen fer sir ki nou protez lentegrite lazistis dan tou fonksyon ki nou fer. E mon

ti ava kontan ki dimoun i aprann respekté sa.

Sa bann dimoun zot fer en kantite sakrifis. Zot – *they are very lonely* akòz zot pa kapab al en nenport landrwa parey zot ale. *Ok*. Zot fonksyon i limite zot. Zot sorti la, zot al la. E souvandfwa i annan landrwa zot pa kapab rantre.

Akòz? Sa bann dimoun ou pe zwenn zot Ankour ou annan en *case* avek zot. Ou pa kapab koz ek nenport ki dimoun. Akòz apre demen ki bannla pe dir? Vwala, i pe koz ek entel. Sityasyon i koumsa. So, sa bann persepsyon i *real*.

Ki mon kapab dir se ki kekfwa demen si nou ganny en *Bail Act* i kapab rezourd en pe sa bann problem. Dan plas ki nou war Biro Atorni Zeneral pe anmenn en *case*. Oubyen la avek sa nouvo sizesyon ki Prezidan Dokter *William Herminie i anvi anmenn ki i pou annan en Biro Prokirer Zeneral separe. *Then at least* nou ava war sa *Bail Act*, kot letan en dimoun i ganny arete, otomatikman i al anndan. *And then* son Avoka i fer laplikasyon *to release on bail*. Ou konpran mwan?

Anyway, sa i en pti pe. Me selman mon'n sey eksplik ou ki mannyer nou pran nou desizyon.

Lo - dezyenmman ou'n koz lo *petty crime and community service*. Resaman ti

annan en lamannman ki ti ganny fer dan Lalwa, kot tou bann lofans ki son *minimum penalty* ti *R1000*, son *scale* ti ganny ogmante pou vin *25 thousand*. Ou konpran mwan?

Letan sa lamannman in ganny fer la, prezan i fer li difisil, ou konpran mwan, pour nou bann zofisye Zidisyer prezan konsider *community service*. Ou vwar? Letan i *R1000* i fasil. Me letan i *25,000* i konmans son *threshold up to* sepa – *it becomes difficult for us*. Ou vwar?

I annan serten keksoz ki nou kapab fer. Be i annan serten keksoz ki nou bezwen fer li dan kad Lalwa. E se sa kot nou lanmen i anmare par ler. Vwala mon larepons.

MADAM CHAIR

Onorab Audrey Vidot?

HON AUDREY VIDOT

Mersi Madanm Chair. Bonzour Madanm Chair, tou Manm Onorab. Tou dimoun ki a lekout. E en bonzour spesyal Mr Camille.

Madanm Chair, avek ou permisyon mon ti le zis dir en pti remersiman osi tou bann dimoun ki'n solider ek mwan e pour zot mo konfor dan bann letan ki lasante pa ti permet mwan vin mon sesyon travay Lasanble.

Mon kestyon pour Mr Camille. Mr Camille, manifesto *US* i fer en lapel pour en *leadership* ki enkliziv, responsab e ki baze lo dyalog.

Ki lapros ou pou pran pou redonn valer ek dinyite dan travay, lenportans servis ek lafors linite, pe enport ki *portfolio* ou ganny mandate avek?

E dezyenmman, ki lapros osi ou pou pran pou asire ki okenn loportinite ki ganny donner i pa – i ganny...nou merit, e ki kapab byen ganny zistifye pou asire ki ou kapab gard byen sa balans dan loportinite ki bann travayer petet dan *portfolio* ki ou pou responsab pou ganny zize? Mersi.

MR JAMES CAMILLE

Onorab, mwan mon en meyer legzanp pour ou kapab gete. Akoz dan parkour kot mon'n pase, si sa bann dimoun ki mon ti travay anba la pa ti apresye mon travay, pa ti rekonnet mon travay, pa ti war mwan annan potansyel, mon pa ti pou avans devan.

E se avek sa menm lespri ki depandan lo ki Minister ki mon pou gannye, mon pou fer sa kalite komikman e sa kalite travay.

Nou bezwen konpran poudir letan ou travay la, ou travay i koz pour li menm. E rezilta travay i ganny vwar. E

letan rezilta travay i ganny vwar i parfetman normal pour ou ganny rekonpans neseler dapre *output* ki ou donner.

Dimoun i bezwen konpran ki zot annan en kontra pou travay tel ler pour tel ler. E pandan sa letan ou bezwen *maximize output* pour ou kapab ganny *result*.

Apré mon stil se mon annan en laport ouver, *ok*. Ou pa kapab ferm ou avek ou bann dimoun dan ou departman.

Akoz ou pe *deal* avek plizyer dimoun ki annan diferan sityasyon, diferan kours sosyal. Sakenn i annan son konplikasyon. Sakenn i annan son problem. Alor ou bezwen annan bokou konpasyon. Ou bezwen annan serten latolerans parfw. I annan de zour ou bezwen met sapo en papa. I annan de zour ou bezwen vin en frer. I annan de zour – ou konpran? Se zis pour ou kapab konpran ou travayer.

E se sa lapros ki mon pe al avek. E apré en lapros ekoute. Ou pa kapab vin en lapros konmkwa ou pe vin en *boss*. Non. Ou bezwen annan en dyalog. I bezwen annan lesanz.

E dan lesanz, dyalog e diskisyon ou kapab fer pli byen. Akoz ou bezwen konpran pti, pti ki i pti, pti sa dimoun, i osi son lopinyon

counts for the benefit and the progress of sa Minister ki ou ladan. So, donn respe *and then* ou ava ganny respe. Sa i mon prensip. Mersi.

MADAM CHAIR

Nou ava pran 2 dernyen kestyon. Onorab Roucou apre Onorab Sandra Sultan.

HON MICHEL ROUCOU

Mersi Madanm Chair. Bonzour Mr Camille. Bonzour tou dimoun ki pe ekout nou. Espesyalman zabitan Mont Fleuri.

MADAM CHAIR

Fodre ou met ou *mic on*.

HON MICHEL ROUCOU

Ou tann mwan? *Ok*. Mr Camille, bonzour ankor enn fwa. Parey ou dir. Parey Minis Jeremie ti dir; savedir ou sorti dan *hood* Corgat Estate.

Annefe, mon 2 kestyon, ou'n koz en pti pe lo la an pasan dan ou bann kestyon ki ou'n reponn. Premyerman Tribinal Lafanmir. Konman en dimoun ki'n travay avek Tribinal Lafanmir, ki mannier ou kapab dekrir en pti pe sityasyon lafanmir dan pei li menm li?

E ki bann travay ozordi konman ou pe vin en Minis, definitivman ou pou antre dan sa domenn sosyal, ki bann travay ki devret ganny fer,

espesyalman pou *empower* bann msye?

Akoz souvandfwa bann msye zot panse pou dir ler zot pe al kot Tribinal Lafanmir, zot ganny anmennen laba, zot souvandfwa zot war zot, zot pe ganny plito pa ganny ekoute li menm li. *Mmm?* Ki bann travay ki kapab ganny fer pou *empower* bann msye, spesyalman fanmir?

E osi mon dezyenm kestyon i en pti pe lo kote sityasyon drog dan prizon. Annefe mon annan en zofisye ki'n anvoy mwan sa kestyon la. I dir mwan ki bann travay ou panse ki devret ganny fer pou *deal* avek sityasyon drog dan prizon?

Kot sa i ava kapab ede kot prizon i vin sa landrwa kot en dimoun i kapab vin reabilit son lekor, ki ler i sorti i war li ganny retourn dan lasosyete pou kontribye. Mersi.

MR JAMES CAMILLE

Mon a pran ou dezyenm kestyon. Parey mon'n eksplike, mon pa konn sityasyon prizon pour lemoman *right now as we speak*. Mon pa konnen. Parey ou, mon tann plizyer spekilasyon deor.

Fason pli senser pou apros li se ou bezwen zwenn ek Lotorite Prizon, fer zot *at least* kestyonnen gete ki pe arive. E apre letan ou'n kapab

ganny sa koze, sa lesansyel, demen ou a konnen mannyer ou pou *deal* avek.

E ou premye kestyon i ti lo kwa li? Eskiz mwan. Ou premye kestyon lo ki i ti ete? Arh, ou ti pe dir mwan Tribinal Lafanmir, non? *Ok*.

I en kestyon enteresan sa, ou konnen aköz? Aköz mwan menm mon mon'n ganny akize ki mon pran tou kote fanm dan Tribinal.

Aküz letan bann msye i vini i dir ou; arh non, zot ekout zis bann madanm. Zot pa ekout bann msye. Be mon a zis fer ou konpran. I pa leka. I pa leka. E nou louvraz i pa en louvraz ki fasil, *ok*? Problem se sa bann msye zot bezwen konpran en keksoz. Zot bezwen kapab pran zot responsabilite, *ok*?

E apre ou pe ganny ou bann papa ki zot annan zot plis ki en zanfan avek diferan madanm. E letan i vini ou dir li koumsa; be, ou annan tan pour ou peye. I dir ou i pa kapab peye, i pa travay. Letan ou'n demande – *ok*.

Prezan nou, nou annan en lalis nou. Sa ki dimoun i bezwen konpran. Letan en dimoun i vin devan Tribinal, nou annan en lalis tou bann travay ki annan dan pei.

E nou fer sir tou le semenn nou *update that list* baze lo lenformasyon ki nou

gannyen kot Minister Lanplwa.

Nou menm dir li; be, i annan sa la. I annan sa, ou kapab ale. I dir ou wi li. Letan i tournen prosennman, ou demann ek li si in ale. I dir ou arh non, i pa'n kapab, in al fer zournalye. Napa problem avek sa. Ou konpran mwan?

Prezan ou dir; be *ok*, zournalye konbyen larzan ou fer? I dir ou; annandler mon ganny R200 par zour. Dan Vandredi i kapab plis, 500.

Mon dir; be *ok*, i senp. *At least* letan ou ganny R500 oubyen *whatever*, met en 200 touzour par kote, ou war? Ou konnen, i fer nou louvraz difisil.

Aküz souvandfwa annandler nou vwar nou i pa nou swe kot nou bezwen anvoy dimoun Montanny Poze pou servi serten santans. E laba zot ganny mete lo en programm travay kot sa larzan ki donnen laba i ganny donnen avek sa dimoun ki annan en *case* Ankour.

E apre nou war li kot nou bezwen prezan fer en lord pou refer sa madanm avek lasistans Proteksyon Sosyal pour li ganny asiste dan konteks parey.

Mon krwar si bann msye ti en pti pe plis responsab dan zot responsabilite konman papa, ti ava ed nou en kantite. Mon pa pe blanm zot

direkteman, me selman i annan serten keksoz ki ou kapab fer.

Aprè nou annan bokou sa bann msye ki bann adikt. Ou konpran mwan? E sanmenm sa mon pe dir. Drog i en gro, gro, gro, gro problemm. E mon krwar nou bezwen fer en fason pou rezourd sa problemm.

E lot keksoz - kekfwalot keksoz ki mon kapab dir ki mank nou ki mwan mon'n konstate letan mon'n Tribinal Lafanmir, se ki i mank nou en Sant Tretman pour zenn.

Nou annan la en sant, me pour bann *young offenders*. Letan ou anvoy marmay dan sa Sant *Young Offenders* la, zot zis rantre, zot ganny *incarcerated*. Zot pa kapab al lekòl. Ou konpran mwan? Zot perdi zot letid konman sa bann zenn.

Be tandis ki en Sant Reform parey mon rapel ti annan YRTC, marmay aprè ki zot ti fer serten tretman, serten – mannyer mon kapab dir sa - war psikolog *and everything, counselling*, zot ti ganny sans al lekòl aprè tournen.

Me sa enn zanfan pa pe ganny sans al dan lekòl. Mon krwar sa osi i en keksoz ki pou ede. Ki pou ede. Akòz sa bann marmay la zot ankor zenn. E si nou, nou pa anmas zot, *we are going to lose them. So, we need*

to do something about them. E mwan mon vreman konsernen avek sa – avek sa bout. Mersi.

MADAM CHAIR

Onorab Sandra Sultan?

HON SANDRA SULTAN

Bonzour Madanm Chair, Bonzour Mr Camille. E bonzour tou zabitan a lekout.

Mr Camille, si ou ganny *portfolio* Zidisyer, dan nou manifesto lo paz 20 anba “Zafer Entèn e Leta De Drwa”, enn bann linisyativ kle se pou ranforsi proteksyon sosyal pour bann group vilnerab.

Mon ti a kontan konnen ki ou, ou pou fer pou garanti lotonomi pouvwat Zidisyer? Mersi.

MR JAMES CAMILLE

Mersi pour ou kekyon Onorab. Mon kapab dir ou en pti repons vreman senp. Lotonomi Zidisyer se ou donn li son larzan e i *manage* li menm.

Sa senp lotonomi ki ti kapab gannnen. Ou donn li son Bidze e i *manage* son larzan li menm. E li i ava gete ki i pou fer ek son *budget*. Mersi.

MADAM CHAIR

Nou ava dir mersi Mr Camille. Nou'n ariv a lafen bann kekyon e nou ava eskiz li dan *Chamber*.

MR JAMES CAMILLE

Mersi Madanm Chair. Mersi tou Manm Onorab e pas en bon lazournen zot tou.

MADAM SPEAKER

Nou ava aprezan sorti dan *Committee Stage* e deba lo Mosyon i ouver. Onorab Henrie ti annan en *point of order*, ki *order*?

HON GERVAIS HENRIE

Mersi Madam Speaker. Anba *Order 101 General Authority of the Speaker*, akòz mon'n sey rode anba ki. Mon krwar i ava tonm bon anba la.

I annan en obzervasyon mon'n war dan sa – i fer trwazyenm kandida ki pe ganny propoze pour Minis, ki mon'n la prezan dan Lasanble, mon'n war zot in fer en keksoz ki mon krwar nou bezwen port en latansyon lo la avan i al pli – kontinyen, se *Order of Precedence* Lasanble Nasyonal.

Annakor avek Konstitisyon, Lartik 84 etabli an 94, Dirizan Lopoziyon i vin premye. E nek an 2017 ki *Leader of Government Business* ti vini.

Menm dan nou *National Assembly Members Handbook*, dan *Order of Precedence* lo paz 18 i etabli i vin *Speaker of the House*, *the Deputy Speaker*, *Leader of the Opposition* apre

Leader of Government Business.

Donk, pour bann dimoun ki vini, sirtou bann Minis, dan zot ladres mon'n note poudir zot pe adres *Leader of Government Business* premye.

So, as rules of the House we need to get it right. E pou ankouraz bann ki pe vini pour zot zis note sa pti *Order of Precedence*. E mon krwar i enportan sa. Mersi Madanm Speaker.

MADAM SPEAKER

Alright. Nou ava pran sa an konsiderasyon e nou ava – Onorab Loze?

HON JOHAN LOZE

Bonzour Manm koleg. Bonzour Madanm Speaker. Madanm Speaker, mon pou fer parey in fer. Mon pou *proceed* anba "*The Speaker shall have power to regulate the conduct of business of the Assembly - 101*".

Mon le zis fer Madanm Speaker e Lasanble konnen ki sa ki i pe koz lo la, la set en presedans ki'n etabli par son Gouvernman dan Lasanble presedan, kot zot ti fer egzakteman sa ki li i pe dir la. Mersi Madanm Speaker.

MADAM SPEAKER

Sa en keksoz ki nou ava *take up* apre e mon ava donn en *ruling* lo la. Mersi. Nou ava

prezan pran deba Onorab Naidu.

HON SATHYA NAIDU

Mersi Madanm Speaker. Bonzour tou koleg Onorab. Devan nou in en *nominee* ki'n reponn son bann kestyon dan en konteks kot in santi li konfortab pour li donn bann repons.

Menm si in annan en distenksyon kler ant sa ki manifesto pe dir e sa ki sa dimoun ki pe ganny *interview*, Mr James Camille in fer resorti.

Sa i ede dan nou refleksyon lo ki kalite sosyete nou le, kot i annan la tolerans vizavi bann group ki dwatet ganny proteze. E byensir Lepep Seselwa i ava analize lo lafason diskisyon pou ale ler moman pou'n arive.

E zisteman, li dan son CV in eksprim lentere pour li pran *portfolio* Zafer Entern. E si konpozisyon zafer – Minis konman *portfolio* sa dimoun ki pou tenir *portfolio* Zafer Entern pou ale pandan Ladministrasyon Dokter Herminie.

Mon swe se ki sa kandida ki pou pran sa pozisyon i ava deservi son louvraz avek tout senserite, lentegrite. E sa non selman atraver parol. Parol i gou tande. Selman se atraver aksyon ki Lepep Seselwa pou ziz konpetans sak sa bann

endividi ki pe vin devan konman bann kandida.

E nou tou nou konnen Zafer Entern ler nou pe fer refleksyon lo la, nou koz Lafors Lapolis Sesel.

E ozordizour nou bezwen admet poudir nou annan en travay ki'n ganny fer, kot pa mal kordgard in ganny renouvle, kot in annan renovasyon. Kot bann *staff quarters* kot zot ete, kot zot sitye, in amelyore pour zot kapab pli byen delivre en servis alaoter.

Nou'n war transpor kot in annan en bon desizyon ki'n ganny pran. Nou ava regarde byensir a longer ditan si sa bann transpor ki'n ganny fer vini pou deservi lapolis i en desizyon ki byen. E dan le fitir sa ladministrasyon ki la i kapab kontinyen lo menm larout. Me byensir, Lepep Seselwa i le en lapolis. Mon konnen. Mon kapab dir Lafors Lapolis zot annan enn bann pli bon *PR* dan pei, kot ler i annan en lensidan deswit ou war en lanons.

E dan bokou lenstans nou'n war zot pe fer bann arestasyon. E dabor felisitasyon pour bann gard ki pe fer zot travay byen dan en fason ki onnet e senser.

Me an menm tan nou bezwen konsyan poudir ki dan sa lalit kont drog, si tou bann zofisye lapolis ti annan

senserite 100poursan pour tou bann zofisye, nou ti pou'n trouv nou pe avans bokou pli lwen dan sa lalit kont drog.

Me malerezman i annan serten, nou konnen larzan i zwe en rol. I enfliyans en zofisye e i fer ki ler ou pe pran en pa an avan, parfwa ou pe pran 2 pa an aryer dan sa lalit kont drog, kot nou bezwen asire ki sak dimoun ki met sa liniform i deservi zot rol avek lentegrite.

E pour sa dimoun ki pe pran sa *portfolio*, i absoliman enportan ki i a pe enfliyans bann bon valer pou asire ki nou bann gard i ariv lo sa standar ki Lepep Seselwa pe demande la deor.

E ler nou pe regard bann Prozedlwa, byensir Lasanble Nasyonal i egzers son fonksyon, i pas bann Lalwa. Me ki kantite Lalwa ki aktyelman ganny enplimante?

Nou annan sitan an term Lalwa, ki menm bann gard parfwa zot pa konnen ki proze morso Lezislasyon zot dwatet ranforsi, pou fer sir ki i annan konsekans legal ki atase avek. Sa i aplikab pour menm bann diferan departman ministeryel, kot zot annan pa mal lezislasyon, pouvwar.

Me selman lafason ki zot deservi sa pouvwar i montre klerman poudir ki nou annan en kantite Lalwa, me nou pa

pe vreman enplimant tou bann Lalwa.

Annefe, si nou pou annan en sosyete ki drwat, se enn kot ou enplimant tou bann morso Lezislasyon ki an plas.

Me selman nou konnen dan en lemonn – si nou pe regard li dan en konteks ki realistik. I pratikman enposib. Selman i dwatet aspirasyon tou bann diferan departman ki ganny gide par bann morso Lezislasyon, i enplimant sa bann morso Lezislasyon pou fer sir ki i annan lefikasite.

E lo size *DRMD*, mon rapel ki Onorab Louise ti'n poz en kestyon avek Mr James Camille. E pour mwan personnelman, *DRMD* pandan nou ladministrasyon mon kapab dir, ti en lazans ki'n trouv en lidantite.

Avan, *DRMD* zot ti senpleman al lo en sit, avek tou respe ki mon annan pour tou bann zofisye, zot fer en zoli rapor pou dir i annan en danze. Apre zot ale.

Me ozordizour nou war poudir ki St Louis par legzanp, pe benefisye avek en proze pros 25milyon. I regretab yer mon'n war en raportaz kot in annan bann ka vandaliz. Me selman nou'n fer bann lenvestisman apropiye pou asire ki *DRMD* i ganny valorize.

E menm Port Glaud ti annan en lensidan, e deswit sa

lekip ti'n kapab mobilize pour zot en fwa pour tou al adres sa sitasyon dan en dele letan ase enpresyonan.

E mon swe se ki nouvo ladministrasyon dirize par Dokter Patrick Herminie i ava donn bann zenn ki pe travay kot *DRMD* e sa *Multisectoral Task Force* tou sipor neseler. Sipor bidzeter.

E i enportan pour okenn dimoun ki pou pran sa *portfolio*, zot ekout lavwa sa bann teknisyen aköz zot konnen ki zot pe fer. Zot annan en plan pour Sesel.

E i enportan ler nou pe regard laspe *Disaster Risk Management*, i annan en vizyon kler ki anliny avek sa ki ladministrasyon oparavan in fer.

Parey Mr Camille in dir, kot i byen, fodre dir i byen. E in admet sa menm lo size drog. Mon swe se ki diferan lotorite konsernen i ava ranforsi kot fodre.

Nou tou nou konsyan poudir lo size reabilitasyon i bezwen annan en zefor ekstraordiner pou tir nou bann zenn dan sa fleo ki apel drog. E menm lalkol.

Annou pa zis mazin zis drog. Adiksyon i vin dan plizyer form. Me selman nou konnen poudir lalkol ki nou pa koz ase lo la, i egalman en problem.

Alors, lo laspe reabilitasyon, mon ekspekte ki sa ladministrasyon ki pe vini i ava fer tou sa ki neseler pou asire ki nou pe fer sa ki Lepep Seselwa i le la deor. E sa se en cours popilasyon ki vin bokou pli prodiktiv.

Nou pa pou kapab kontinyelman regard en cours popilasyon konman bann viktim. Be selman nou bezwen transform zot pou fer sir ki nou anmenn zot konman bann sitwayen ki prodiktiv.

E dan sa lalit kont drog, egalman Lepep Seselwa i bezwen mazine pou dir ki kot Montanny Poze - wi nou'n tann Mr ansyen zofisy Departman konman *Commissioner* Prizon kot in vin lo nouvel pou dir ki drog konmkwa ler i pe sirkile dan prizon, i en keksoz ki normal psikolojikman.

E in fer referans poudir konmkwa poudir *it is something that is an accepted norm*. E apre nou'n war ki'n annan sanzman lo kote *Commissioner* Prizon.

E mon felisit Madanm Janet Georges konman en madanm ki dwatet trouv son plas egalman pour li diriz parey in fer.

Byensir i pou annan en lanket. Les sa lanket ganny fer. Me selman sa madanm in sey fer en keksoz ki byen e sa se *disrupt* bann *ring* ki ti – ki

kot ou kapab dir ti *business as usual*.

E se pour sa rezon ki Gouvènmman an menm tan in vin avek en *maximum security prison*, pour nou kapab fer distenksyon ant bann *hardcore criminals*, pou asire ki i annan en posibilite pour nou kapab elimin tou form koripsyon ki egziste laba anler.

Pour nou asire ki pour bann dimoun ki'n ganny trouve koupab atraver sa menm Sistèm Zidisyer ki Mr James Camille in koz lo la, kot in dir ki napa lenterferans politik dapre li.

Me selman sel pwen ki li in fer referans se dan lafason en Ziz i ganny apwente i pa dwatet - dapre li, i pa dwatet en politisyen ki pe apwente. Me selman nou konnen i annan CAA. E baze lo rekomandasyon ki lapwentman i ganny fer.

Me selman nou'n ganny dir pou dir napa koripsyon. E mon swe se ki – mon swe se ki Lepep Seselwa pe port atansyon lo lekel bann *Escobar* ki'n ganny trouve koupab atraver Sistèm Zidisyer.

Kote eski zot ete ozordi? Kote eski zot pou ete dan le fitir? Akoz, ler nou pe fer sa refleksyon, mazin byennet nou bann zanfan. Mersi.

MADAM SPEAKER

Onorab Aglae?

HON EGBERT AGLAE

Mersi Madanm Speaker. Madanm Speaker, ozordi bomaten nou'n zwenn avek en Seselwa ki'n vin fer son *interview* isi devan Lasanble pour son nominasyon pour en *post* Minis dan prosen Gouvènmman US.

I en – Mr Camille letan mon'n ekout li in reponn bann kestyon ki'n ganny demande, parey son *motto* in dir, dan en fason lentegrite e fran.

E letan mon'n regard son parkour baze lo son CV ki devan nou, in partisip dan plizyer seksyon. Travay, pa partisipe. Travay dan plizyer seksyon kot i konsern nou Sistèm Zidisyer.

In osi in retenir bann pozisyon *Legal Officer* avek bann diferan brans, parey kot Labank Komersyal. E in osi Prosekiter.

Avek sa, si demen Prezidan Larepublik Dokter Patrick Herminie i pran sa desizyon pou met li ansar *Internal Affairs*, mon war li i pou kapab delivre lo sa travay e sa *manifesto* ki sa kontra avek Lepep Seselwa pour sa prosen 5 an, ki ava egzerse.

I annan serten kestyon ki'n ganny demande lo size son bann pozisyon personnel, mon kapab dir. An sa ki

konsern serten size ouswa konsern ki'n ganny releve pandan sa kanpanny eleksyon.

E byensir, sakenn sak endividi i pou annan son lopinyon lo en size ki pou ganny mete devan li.

Me sa ki pli enportan pour mwan, pour nou, se ki letan *Leaders in set* labar lo bann promes ki i ti kanpanny lo la, sa i bezwen ganny swiv dan en fason.

Me avek lopinyon - pran kont bann lopinyon ki pou ganny avanse, ki pou ganny met devan avek bi fer li vin pli meyer.

Letan serten kestyon in ganny demande e repons ki li in donnen, mon santi poudir nou konman bann Lezislater – e sa mon pe koz 7enm Lasanble, ki mannyer bann Lalwa ti vin devan nou.

Plizyer Lalwa ki'n vin devan nou 7enm Lasanble pa'n ganny sans pas dan bann diferan kad. Mon a site;

Parey bann *White Paper stage* kot i annan konsiltasyon avek bann diferan sekter ki sa Lalwa i kapab pe touse ouswa ganny afekte. Bann diferan parti.

E nou war parfwa kot i annan – letan Lalwa in pase, i kree serten lanpayman. Mon kestyon ki mon ti demann li, presizeman ti lo *community servicing*. Ki ler in fer resorti

poudir letan lamannman in vini pou ogmant sa bann *fees*, i fer ki in vin difisil.

E sa se ki mon pe dir pou dir konsiltasyon i enportan avek bann *stakeholders* ki *uphold*, ouswa ki sipoze gardyen, ouswa servi sa zouti konman zouti travay pour zot kapab delivre.

E la, aköz plizyer dimoun ki ou'n koz avek i dir ou, mon'n ganny afekte. Mon'n vin en viktim en ka krim. Bann *petty crimes*. Me serten santans i arive.

Me apre ki santans i fer 3 mwan, 6 mwan. Be li konman sa viktim i pa ganny okenn benefis *in return*. E se sa ki nou santi poudir letan bann krim dan sa bann zanr, pa bann ki serye ouswa bann kapital.

Sa endividi si ti kapab fer sa *community servicing* i ti kapab rann *back* sa ki in fer avek lasosyete. E sa viktim petet i a benefisye dan en fason ou en lot. Menm si pa 100poursan. *At least* nou a war poudir nou annan en lazistis ki pe balanse egal. Sa i enn.

Lo size *Law and Order* mon krwar i en keksoz ki enportan pour en pei fonksyonnen. Kot napa Lalwa, kot napa lord, i annan destabilizasyon. I kapab vin dan en *mode chaos*.

I pa pou bon pour nou bann program sosyoekonomik e nou bann stati ki nou, nou annan lo nivo enternasyonal osi i ganny afekte.

Enn bann size primordyal se lafason ki bann enplimantater *Law and Order* ozordi pe ganny ankadre. Mon annan serten konsern lo la.

Nou ti ganny promet pou annan reform dan lapolis 2020 an montan anba nou ansyen ladministrasyon. Be nou pa'n war gran reform dan lapolis.

Nou'n war zis serten desizyon pou *disband* serten group ki ti pe *operate* anba lapolis, ouswa an deor reentegre, ki pour mwan i pa'n anmenn gran zistis dan reform. O kontrer in kree serten, mon kapab dir serten langwas parmi serten sa bann travayer ki pe *uphold the law* dan lapolis ouswa kree divizyon.

So, mon krwar in ariv ler pour nou fer sa vre transformasyon kot i konsern nou lapolis pou kapab;

Premyerman, reetabli konfyans pep Seselwa pou dir i annan en lafors ki *protect and serve*, parey sa *motto* i dir. Protez li e servi li. Me nou pa pe war sa ozordi.

Se sa ki bann resours i bezwen ganny fer. Lekel ki nou met bann diferan pozisyon i enportan, pou travay dan

lintegrite avek leker, mon kapab dir.

E osi, *uphold the law* ki Konstitisyon i permet. Zot drwa imen. Zot drwa mouvman. Zot drwa apartenans. Zot drwa koze, laliberte. Tousala.

E pour sa arive fodre nou ganny sa vre – e mon santi poudir Mr Camille *if ever* i ganny mete dan sa direksyon, baze lo konversasyon ki nou'n fer la devan li, i kapab anmenn *the real* transformasyon *itself*.

An terminan mon'n tann – atraver ou Madanm Speaker, Onorab Sathya Naidu in koz lo en pti gin lo *DRMD*. Wi ti annan en lensidan dan mon distrik Port Glaud. E in annan en lensidan dan son distrik St Louis.

Me mon krwar poudir i annan serten defayans ki *DRMD* i bezwen dan en fason, revwar e aranze. Wi i annan bann zenn profesyonnel e zot konn zot manda ek zot travay. Me selman i annan en problemn komunikasyon ki enportan parfwa.

Akoz lakle pour ou sikse dan nenport ki travay ouswa *task* ki ou annan devan ou, se *good and effective communications*. In *the beginning*. Komansman.

Akoz si ou mal komanse, ou pa pe komunik byen, definitivman *along the line* sa

travay pou annan bann diferan *issues* ki pou *arise*.

E mon pa la pou blanm personn ni pou montre ledwa. Me zot konnen ki mon pe sey dir. Akoz letan nou koz lo en Lotorite Distrik, i annan sa *MNA*, sa *DA*. Nenport ki *meeting* ki ou bezwen fer, ou bezwen dwatet envit zot *onboard*, akoz zot ki konn zot lokalite.

E zot *constituency* dan sa lokalite i pou *call* sa Lotorite Distrik pour okenn konsern ki leve. E se nou menm nou ki bezwen apre koz ek lazans. Be si ou pa konekte *in the first place* letan issue i *arise*, i pou kree serten *level of issues*, problemn. E la nou pou bezwen taye isi laba pou sey met keksoz ansanm.

So mwan mon pe dir sa baze lo leksperyans ki nou'n pas atraver. E *DRMD* i en lazans ki la pou sofgard e osi vwar bann diferan eleman kot i konsern bann dezaz ouswa mitigasyon. I en zenn lekip e mwan mon siport zot pour zot kontinyen fer zot travay.

Having said that, mon napa okenn problemn pou lev mon lanmen pou *vote* pour Mr Conrad Camille, akoz i en zanzan Seselwa e i annan sa bagaz nesaser pour li pran en *portfolio* konman Minis dan Gouvènmman *US*. Mersi Madanm Speaker.

MADAM SPEAKER

Onorab Georges?

HON BERNARD GEORGES

Mersi Madanm Speaker. Bonzour Madanm Speaker. Bonzour tou bann Manm Onorab. Tou dimoun ki pe ekout nou.

Madanm Speaker, mwan i pa ki mon napa okenn problemn pou *vote* pour Mr James Camille. Mon pou fer li mon devwar pou *vote* pour li avek mon leker. Akoz mon krwar set en dimoun ki merit mon sipor dan sa Lasanble Nasyonal.

Mr Camille i pratikman en vwazen. Marmay La Louise. Mwan mon reste en kote semen. Li i ti reste, ou son paran ti reste lot kote semen. I sorti dan en – son papa ek son manman se 2 dimoun ekstraordiner, Mr John Camille avek Madanm Robinson. Son madanm ki ti en *nurse* pandan en kantite letan. E in ganny donk en – in ganny elve dan en fanmir ini, dan en fanmir egzanpler. E nou vwar rezilta ozordi.

An plis ki sa, natirelman nou'n frot lebra, nou'n frot zepol ek kanmarad dan domenn legal pandan ki i ti en Prosekiter e *recently* konman en Mazistra.

E mon annan en kantite respe pour sa brans Zidisyer ki apel Mazistra. Pa selman akoz

in the dim and distant past mon osi mon'n deservi konman Mazistra pour en pti gin letan.

Me – e pa osi. Akoz i annan *at least* 2 manm mon biro ki'n sorti e ki'n vin Mazistra ozordi - me akoz set en brans ki travay ekstrememan dir.

E mon konn lakantite *case* ki zot bezwen *deal* avek. Mon konn e mon apresye sa rol ki Mr Camille in eksplik nou bomaten ki bann tribinal, espesyalman Tribal Lafanmir i bezwen zwe avek bann papa rekalsitran dan nou pei ki kontan fer zanfan. Me pour la grand parti, pa aksepte zot responsabilite ler zot bezwen aste dile *Nido*.

Donk se en msye ki in annan en karyer dan bann brans Zidisyer e ki'n kapab atraver son karyer, apresye parey in fek dir nou bomaten, bann problem sosyal ki nou pei i fer fas avek. E sey trouv bann solisyon pour sa bann problem sosyal.

Mr Camille in reponn nou bann kestyon dan en fason direk. Kot in konnen, in dir mon konnen. Kot i pa'n konnen, in dir mon pa konnen. E se sa ki nou ekspekte atraver sa *oversight* ki nou pe fer.

Mon pa ava apel li en *interview*. Mon plito ava apel li en rol *oversight* ki nou fer lo en

desizyon ki Gouvernman, ki ladministrasyon, ki Legzekitiv in pran.

Nou'n vwar isi la bomaten en dimoun ki kourtwa. Mon konn li konman en dimoun ki pare pou ede. Son laport i toultan ouver. E i en dimoun ki efikas e ki anmenn en kantite respe.

Mon konn Mr Camille konman en Ziz ki pa trenn son lipye. Ler in ekout en *case*, i rann en zizman imedyatman o tan ki posib. I fer li imedyatman. I pa dir ou retournen dan 1 semenn, 2 semenn. 1 mwan, 2 mwan. I *deal* avek son zafer imedyatman.

Donk, pour rezimen, set en msye ki sorti dan en bon fanmir. In ganny byen elve. In travay dir. I konpetan. Son laport i ouver. I efikas e i annan sa limilite pou li dir, sa enn mon dakor avek. Sa enn mon pa dakor avek. Oubyen, sa enn mon konnen e sa enn mon pa konnen.

Sa Madanm Speaker, set en kalite ki mon kontan vwar dan en dimoun ki pou al pran en responsabilite lo nivo Legzekitiv.

E mon konnen ki ler nou pou angaz avek li dan sa Lasanble Nasyonal apre ki in ganny apwente, set en dimoun ki pou kontinyen egzakteman parey in konmanse ozordi.

Donk, se – e sa i donn nou en lespwar ki dan sa Konsey Minis, taler kekfwa nou ava ganny loportinite pou koz an zeneral lo sa ki nou'n fer sa detrwa dernyen zour.

Me nou konnen ki i annan enn de dimoun dan sa Konsey Minis ki pe ganny apwente ki nou konnen pou kapab travay dan lafason ki nou lo sa kote latab pe aksepte.

E ki nou kapab konnen ki nou pou annan en *interface* avek zot ler nou bezwen, e ki zot pa pou regard nou kouler politik.

Donk, avek sa detrwa mo, mon ti a kontan reasir Mr Camille ki i pou ganny mon sipor dan sa latas ki devan li. Mon remersye ou Madanm Speaker.

MADAM SPEAKER

Mersi. Nou ava pran 2 dernyen entervenans. Onorab Sopha apre Onorab Loze.

HON GERRY SOPHA

Mersi Madanm Speaker. Bonzour Madanm Speaker. Bonzour tou koleg Onorab. Bonzour tou dimoun ki pe swiv Lasanble Nasyonal bomaten.

Madanm Speaker, Mr Camille in vin devan Lasanble Nasyonal pour son nominasyon. E mon krwar nou tou nou pou bezwen

aksepte ki i annan li en *Legal and Law Enforcement professional*. I en dimoun – parske in fer sa pour 25 an.

E mwan personnelman mon'n ganny sans swiv son deliberasyon a plizyer repriz, *either* kot *Family Tribunal* ouswa dan Lakour Mazistra.

Epi nou'n en zanmi lo kote sportif, kot li in *coach* mon menm lo komite en lekip ki li i ti pe antrennen. E toultan nou pe sanz konversasyon lo nivo *sports* e lavi an zeneral.

Mon kontan letan mon tann Mr Georges i eksprim li avek en senserite anver Mr Camille. Akoz mon konnen Mr Georges i fer Lalwa.

(Interruption)

HON GERRY SOPHA

Onorab Georges. Mon eskize. Zot tou lede zot tou zot in dan Lalwa e zot zwenn a plizyer repriz. E sa i en bon siny pour sa rekonesan.

Me pour Mr Camille isi bomaten Madanm Speaker, in bezwen annan en rezon aköz in vin devan Lasanble. Se wi pour nominasyon. Alors i annan en sanzman ladministrasyon. E byensir, Seselwa in deside pou met en lot ladministrasyon aköz i annan en keksoz ki'n al mal ki nou pa kapab *deny*.

Ler nou pe get sa *area* ki nou, nou pe *assume* Mr Camille i kapab a la latet otomatikman avek son bagaz, se *Internal Affairs*. *Internal Affairs* i konpri bann landrwa parey lapolis. Bann Departman Lapolis, Imigrasyon, *Civil Status*, Prizon e lezot ankor.

Me depi 2020 ler administrasyon sortan ti rantre dan lofis, nou'n tande lord ti pe ganny vin mete dan tou sa bann dezord ki ti annan, dapre ladministrasyon sortan.

E ozordi, mon krwar nou tou nou pou dakor poudir Zafer Entern i annan pa mal problem. Madanm Speaker, nou pa la pour nou atak person, me si sityasyon i egziste nou bezwen aksepte.

Se koumsa ki nou pou fer mannyer pour nou aranze. *No matter* lekel ki ti a latet dan ansyen administrasyon, si keksoz pa'n marse *in fail*, i pou toultan reste *failure* kantmenm nou pou sey defann.

Dan sa ka, nou pou bezwen travay ansanm. War kot nou'n al mal e lekel ki'n vini. Kote i pou bezwen aranze pour le fitir.

Les mwan Madanm Speaker atraver ou, pran enn de dan sa bann departman ki anba *Internal Affairs*. Mon a pran Departman Lapolis pour

mwan donn enn de legzanp pou zistifye mon entervansyon.

Pa bokou letan pase nou'n vwar bokou zofisye lapolis ki'n met *resignation*. E mwan konman en endividi mon pa'n zanmen war en kantite polisye i met *resignation* en sel kou koumsa. *I stand to be corrected*. Savedir i annan en problem.

Polisye in ganny met deor. E apre serten polisye ki'n ganny met deor in al fer zot konplent kot *Public Service Appeal Board*.

Mon annan enn dan sa kantite ki'n al laba, son let kot i ti ganny *discharge* ti 8 Zen 2022. In ale in al fer son konplent kot *PSAB*. E *PSAB* i donn en lord apre ki in ekoute, pou Departman Lapolis vin *attend Hearing*. Departman Lapolis pa ti vini.

Sa polisye ti santi poudir i devret al fer sa konplent. Me mon krwar osi Departman Lapolis ti devret vin *attend* pou konnen ki mannyer zafer pou ale. Zot pa vini.

E *PSAB* i fer sorti en lord kot i dir pou dir fodre *reinstate* sa polisye dan son louvraz e donn li tou son bann benefis. Akoz ki Departman Lapolis pa ti anvoy dimoun pou reprezant zot.

La i deza en problem, parske mon krwar ti pou

devwar lapolis pou anvoy son bann dimoun pou ale pou al reponn sa konplent.

Madanm Speaker, tou resaman nou'n vwar sa kantite aksidan fatal dan nou pei kot bokou nou bann zenn sirtou, in perdi lavi.

Madanm Speaker, mon pou bouz lo en lot departman, se Imigrasyon. Imigrasyon li i annan etranze ki'n antre dan pei. Ler nou zofisye Imigrasyon kot *airport* i demann zot ki zot pe vin fer. I annan i dir pe vin konze. Ler zofisye Imigrasyon i dekouver, i pe vin travay.

Savedir in mank respe nou zofisye Imigrasyon ki ti pe travay e Minis i les sa dimoun antre dan pei. I *undermine* travay nou zofisye Imigrasyon e i les sa dimoun antre. Sa dimoun i vini i travay kot en lotel. Apre detrwa zour ler i fini fer son travay, i ale.

Kot Imigrasyon menm, Seselwa ki anba *red alert* i antre dan pei. Zot les li antre. I fer sa ki i annan pou fer. I tir portre ek Prezidan sortan, apre i rebran son avyon i retourn kot i ti reste.

Pourtan nou'n ganny dir pou dir napa personn ki par lao Lalwa. Savedir Madanm Speaker, ankor problem. Savedir nou pa pe kontrole. Imigrasyon pa pe ganny kontrole. Travayer zot louvraz pe ganny *undermined* mannyer zot in dekouver.

Alors ti neser pou annan en sanzman.

Nou a pran Departman Prizon prezan Madanm Speaker. Resaman Sesel in soke avek sa rayot ki ti annan dan prizon, kot dimoun - prizonnyen in ganny blese bokou. I annan ki'n perdi lavi ziska ozordi.

Lenvestigasyon ti sipoze fer, nou pa ankor tann plis ki sa. Ladministrasyon sortan in ale in kit sa zafer la. Fotespere dan le fitir nou ava kapab war sa lenvestigasyon.

Alors Madanm Speaker, *as a whole*, letan nou pe gete *Internal Affairs* i bezwen en dimoun ki annan tou son lenerzi. En dimoun ki annan bokou kalite. Sirtou lo kote Lalwa kot i konsernen. E dimoun ki konnen ki i pe vin fer.

E mon krwar Prezidan Herminie in *single out* Mr Camille, parey lot kote latab mon bann koleg zot in aksepte ki Mr Camille i en zonm kapab. E nou lo nou kote osi nou dir i en tre bon swa pour Mr Camille ganny aprouve par Lasanble Nasyonal.

E mwan Madanm Speaker, lo mon kote mon pou siport nominasyon Mr Camille. E mon pou *vote* pour li ganny apwente konman Minis. Mersi Madanm Speaker.

MADAM SPEAKER

Onorab Loze?

HON JOHAN LOZE

Mersi Madanm Speaker. Madanm Speaker, mon pou tre kourt. Mon vwar letan pe kit nou. Madanm Speaker, mon zis anvi met enn de pti keksoz devan Lepep Seselwa la deor.

Nou annan nou bann dimoun ki pa ankor komans travay, ki pe esansyelman vin *interview* devan nou. E zot pa ankor ganny sans vreman pou demontre zot kapasite e montre ki zot kapab fer ouswa pa kapab fer.

So, mon vwar petet kestyon ki zot pe ganny demande i en pe direk lo serten sityasyon ou lot. Selman, *an interview is an interview*. Alors, sa bann dimoun i ganny sans pou demontre zot kapasite.

Be ler sa i fini apre i annan bann lezot keksoz ki vini. Fransman mwan en keksoz ki mon le dir avek Lepep Seselwa. Mon ti pe *wonder* mwan bann dernyen zour, aköz konmsi?

Akoz ki keksoz i vin dan sa fason? Aköz ki bann dimoun pe anmenn serten largiman dan serten direksyon ki mon pa'n konpran ditou aköz?

I annan – fer mwan mazin letan nou ti zanfan,

Madanm Speaker. Ler ou'n konman en zanfan, ou'n fer ou ta dibri, ou ta divolter diran lazournen.

Ler aswar i fer, ou papa i fer koumsa ek ou. I dir ou, vini. E ou konmans gele depi laba kot ou ete ou aköz ou konnen ou ki ou pe al gannnen. Ou konnen ou pe al ganny korize. Alors, ou konmans plere depi laba.

Be, mon konmans war sa dan sa Lasanble mwan. Mon konmans war dimoun ou a krwar i pe plere avan, aköz i konnen kwa ki pe vini. Aköz mon'n tann *DRDM* la taler.

Be Madanm Speaker, letan en lorganizasyon i lwe en lakaz R50mil pou met bann *expert Swiss* ladan e son *cleaning contract* i egalman R50mil par mwan. Nou pou bezwen al gete. Nou pou bezwen al gete kwa ki'n pase. Ou konpran Madanm Speaker? Nou pou bezwen al gete.

So, alors mon konmans konpran aköz ki zot pe sot anler, zot pe plere e zot pe amenn bann gran, gran largiman. *DRDM* isi, *DRDM* laba.

Be i annan keksoz nou bezwen fouy ladan. Nou bezwen al gete kwa ki zot in fer, kwa ki zot pa'n fer. Aköz zot in fer sa ki zot in fer? Nou pa kapab anpese sa. So annou

pa servi lapwentman Minis pou sey efas nou pese boner.

E mon dernyen pwen Madanm Speaker, ankor mon le met devan Lepep Seselwa ki dan *National Order of Precedence* ki ti pibliye le 13 Desanm 2024, i site klerman ladan e ofisyelman;

Leader of Government Business 7. Leader of the Opposition 7(b). Pa nou ki'n fer sa Madanm Speaker. Zot ki'n fer. Prezan zot balans en – tou lakizasyon lo nou. Mersi Madanm Speaker.

MADAM SPEAKER

Onorab Lemiel, *right of reply*.

HON SYLVANNE LEMIEL

Mersi Madanm Speaker. Mon ti a kontan dir mersi tou bann Manm ki'n entervenir avek Mr James Camille e bann ki'n entervenir osi lo kote Mosyon.

Madanm Speaker, nou'n vwar devan nou Mr James Camille, en zonm ki annan kapasite. En zonm mon pou dir *humble*. E en dimoun fran. Nou'n vwar ozordi in vin devan nou, in dir fran son panse. Kwa ki i kapab reponn. Kwa ki i pa kapab reponn.

E mon garanti ki Mr Camille li menm i en zonm ki nou kapab dir i pou kapab *être* en Minis e diriz vin a latet sa Minister. En nenport ki Minister mon mazine ki i pou gannyen pour li dirize.

Mon vwar ozordi Mr Camille in fer tre byen dan nou Lasanble. E Madanm Speaker, Mr Camille in travay avek Sistenn Lazistis pour en kantite lannen. E son sans pour lazistis li menm in sorti for nou kapab dir dan son bann larepons ki in donn nou.

Mr Camille in Vis-Chairman Tribinal Lafanmir. In vwar bann diferan problemn sosyal ki annan dan nou sosyete. E mon santi poudir sa petet in ed li pour li kapab konpran en pti pe bann problemn dan nou sosyete, petet ki bezwen ganny rezourd.

Alors devan nou nou'n vwar en zonm ki angaze pour lazistis e ki annan en leker pour li ed Sesel. E mon ti a kontan demann tou nou bann Manm ozordi pour zot donn aprouvasyon pour Mr James Camille *être* en Minis dan *Cabinet* ki Dokter Herminie pe propoze. Mersi.

MADAM SPEAKER

Mersi. Nou ava aprezan pas lo *vote* lo Mosyon. “*In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Mr. James Conrad Jean CAMILLE to the office of Minister*”.

Tou bann Manm ki *vote* pour Mosyon? Mersi. Okenn

Manm ki *vote* kont? Set alor ki Mosyon in pase pour avek 27 *vote* pour, 0 ki'n *vote* kont avek 4 *abstain*. Nou ava aprezan pran en *break* ziska 11er edmi.

(BREAK)

MADAM SPEAKER

Bon, nou ava repran nou program. Onorab Lemiel?

HON SYLVANNE LEMIEL

Mersi Madanm Speaker. Lot Mosyon i lir konm swivan; "*In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Mrs. Nicola Amanda J. BERNSTEIN to the office of Minister*". Thank you.

MADAM SPEAKER

Onorab Gill?

HON CHURCHILL GILL

Mersi Madanm Speaker. *Motion seconded.*

MADAM SPEAKER

Mersi, nou ava demann Sekretarya pou fer Mrs Bernstein antre e nou ava al dan *Committee Stage*. Bonzour Madanm Bernstein. Mon ava demann ou pou fer en prezantasyon pour nou bann Manm Onorab.

MRS NICOLA BERNSTEIN

Bonzour Madanm Chair. Bonzour Onorab Georges, *Leader* Lopoziyon dan Lasanble, bonzour Onorab Lemiel, *Leader* Zafer Gouvernman dan Lasanble. Tou bann Onorab e tou dimoun ki a lekout ozordi.

Permet mwan tou dabor pou felisit ou Madanm Chair pour ou lapwentman konman premye Madanm Speaker pou dan nou Parlman. En lakonplisman remarkab e si mon kapab dir, byen merite.

Mon osi pran lokazyon pou felisit nouvo *Leader* Lopoziyon e *Leader* Zafer Gouvernman dan zot lapwentman. E byensir, felisitasyon tou bann lezot Manm.

Ozordi mon vreman fyer pou ganny sa sans pou prezant mon lekor avek zot osi dan Lasanble. Me osi avek piblik a lekout.

Mon apel Amanda Bernstein aze 40 an. Mon'n marye avek 2 zanfan. Mon'n ne e grandi Mahe, e mon en zabitan Baie Lazare.

Lo kote mon ledikasyon, mon annan en degre dan politik e zournalizm *from Kingston University*, Lonn e osi en *Masters Degree* dan *La Diplomasi and International Studies from SOAS University of London*.

Swivan mon letid, mon ti ganny loportinite pou travay

konman en *Policy Officer* pour en *NGO. The International HIV/AIDS Alliance* Langleter kot mon ti'n al etidye.

Pandan sa menm letan, mon ti osi ganny sa sans pou servi konman *Liaison Officer* avek Lofis *Commonwealth Foundation* dan *Commonwealth HIV & AIDS Action Group*.

Sa rol ti permet mwan travay direkteman lo size *stigma*, but pour bann group vilnerab ki ti bann afekte par sa maladi. Me osi pou kree plis ledikasyon lo sa size li menm.

Swivan sa, mon ti retourn Sesel e mon ti ganny loportinite pou travay dan Minister Zafer Etranzer konman *Press Attaché*. Dan sa pozisyon ki mon'n ladan pour 3 an, mon ti travay avek Lofis Minis e osi bann lezot divizyon dan Minister pou ed Manm piblik – pou ed anmenn piblik pli pre avek travay Minister. Me osi pou agrandi e anplifye limaz Sesel aletranze.

Ti en letan kot nou ti met lanfaz lo zimaz Sesel pour ki nou pei i kapab ganny pli byen reprezante. E ki son lavwa in vin enn ki ganny rekonnet lo lasenn enternasyonal.

Pandan mon letan ek sa Minister, mon ti osi ganny privez pou deservi konman *Principal Counsellor* dan Lanbasad *Addis Ababa*.

Dan sa rol mon ti ganny sarze avek *task* pou asiste pou ede etabli nouvo Lanbasad Sesel an *Addis* pou ranforsi nou lyen avek Linyon Afriken.

Ti en leksperyans ki'n vreman ed mwan grandi profesyonnelman. E mon kapab dir, ed mwan konpran o pli profon bann defi, me osi loportinite pour bann pei dan Lafrik ki enkli Sesel.

Dan sa rol mon ti ganny sans reprezant Sesel dan diferan *forum* e komite enternasyonal. Sa ti en loportinite kot mon ti kapab diskite avek diferan o zofisye dan Lafrik pou avans azanda Sesel lo plizyer topik nasyonal e global.

Kan mon *posting* ti terminen, mon ti retourn Sesel e rezwenn Minister konman *Principal Counsellor* dan Divizyon Konsiler. Dan sa rol mon ti responsab pou travay avek bann diferan Konsil, enn mon bann responsabilite. Diferan Konsil pour Sesel aletranze. E osi responsab pou *manage* bann servis Konsiler pour Seselwa aletranze.

Apré sa, mon ti deside al travay dan sekter prive ler mon ti ganny ofer en rol pou al travay avek Labank *Barclays* sa letan. Sa labank zot ti a rapel ti pe eksperyans en sanzman mazer pour li vin *ABSA*.

Profesyonnelman mon ti vwar li en loportinite kle pou *form part* en tel sanzman e proze. E mon ti zwenn tim *management*. Dan sa nouvo rol, enn parmi mon bann responsabilite ti zisteman pou diriz sa *rebranding journey*. A sa letan, sa ti enn bann pli gran proze lo kontinan. E mon kapab dir ki i enn bann leksperyans ki'n ed mwan grandi profesyonnelman e mark mon karyer.

Dan sa rol mon'n ganny sans travay lo diferan proze teknik, stratezik e finansyel. Dan sa rol mon ti osi diriz en departman ki ti responsab pour kominikasyon, enkli *marketing e corporate affairs*. E ki i ti bezwen a tou moman reste konekte ek tou departman dan sa lakonpannyen.

Mon leksperyans ek sa labank in osi enn ki'n ed mwan travay avek diferan partner entern ek eksteryer dan en Sekter Finansyel, ki a sa moman ti tre nouvo pour mwan. En sekter ki met bokou lanfaz lo bon gouvrenans, anvi ki en sekter ki *heavily regulated*. En sekter ki met lenportans lo bon etik, lo performans e rezilta.

Tou dernyerman mon'n ganny sa loportinite pou vin *head of communications* ki pou siport 10 loperasyon ABSA dan 9 diferan marse an Afrik.

En rol ki ankor enn fwa elarzi mon konesans. E mon kapab dir, *challenge* mwan pou travay bokou plis avek diferan dimoun ki annan diferan kiltir e fason fer. Dan sa rol, mon'n osi ganny sa sans pou met lanfaz lo fason pou mye travay avek diferan *partner* kle.

Enn parmi mon responsabilite dan sa rol ki osi mon kapab dir i enn parmi mon *area of expertise*, se kominikasyon.

En laspe se pou fer sir ki nou annan en *Crisis Management Plan* ki enkli konponan kominikasyon. Sa i en laspe ki mon krwar i vremen enportan ki nou pa senpleman re aktiv, me proaktiv.

An terminan, mon ti a kontan dir mon leksperyans travay dan Gouvrenman oparavan, e osi dan sekter prive pandan sa dernyen 8 an in form mwan pou vin sa endividi ki la pe prezant son lekor devan zot.

En madanm ki eksperyanse avek bann loperasyon enternasyonal. Pa zis dan sekter prive me osi dan domenn diplomasi. Mon *drive* avek volonte pou fer en diferans e pou partaz bann bon aki avek lavansman nou pei.

Avek mon leksperyans profesyonnel e osi bann

diferan lantrennman pandan mon karyer, i fer ki mon *well versed* dan diferan domenn. Mon'n osi pare pou kontinyelman aprann.

Mon osi pare pou *challenge the status quo*; pare pou kit keksoz pli mye ki mon'n zwenn; pare pou travay ansanm avek tou dimoun. Pare pou travay pour en Sesel ki met son pep o sant devlopman.

Avek sa Madanm Chair, mon ti a kontan remersi zot pour sa loportinite pou prezant mon lekor e envit bann Onorab pour zot bann kestyon. Mersi Madanm Chair.

MADAM CHAIR

Mersi Madanm Bernstein. En pti leskiz, mon'n mal pronons ou non pli boner. Nou aprezan pran kestyon. Onorab Trevor Louise?

HON TREVOR LOUISE

Mersi Madanm Chair. Bonzour Madanm Bernstein. Felisitasyon lo ou nominasyon. E mon konnen poudir i en gran parkour ou lavi ou'n fer osi dan distrik Bel Air. So, lo lapar zabitan Bel Air mon felisit ou.

Mon kestyon pour ou se, letan ki ou pou ganny apwente konman Minis - ou'n koz bokou lo kominikasyon. Ki manner eski ou pou asire ki

piblik an zeneral i ganny akse avek lenformasyon sorti dan ou Minister?

E ki ou kominik tou bann lenformasyon relevan avek zot an term bann reform, sanzman ki pe pran plas, pou asire ki tou dimoun i konnen vremen ki pe pase dan ou Minister?

E mon dezyenm i relye avek bann *policy* Regilasyon ki pou annan petet dan ou Minister. Ki Manner eski ou pou asire ki dimoun i vremen konnen ki bann *policy* ki annan an plas, pou asire ki piblik i kapab ganny en servis en pti pe pli efektiv e ki tou dimoun a kapab ganny lenformasyon nesese? Mersi.

MRS NICOLA BERNSTEIN

Mersi Onorab pour sa kestyon. Kominikasyon i en laspe tre enportan pour mwan. E mon krwar ki lenformasyon *and access to information* i byen enportan pour nou pep.

Kominikasyon i depan lo sa lodyans pour li byen ganny kalibre pou ariv kot ou bezwen sa bann mesaz i arive. So, pour mwan i pa zis en kestyon – en *one channel*. I annan plizyer fason kot nou bezwen zwenn Lepep Seselwa. Nou bezwen kree loportinite osi pour *two-way dialogue*. Pa zis *one way*.

Nou bezwen donn zot en sans donn nou *feedback*. E an

menm tan, fer sir ki nou donn *status updates, regular updates* pour zot konnen ki pe arive.

E dan diferan *channels*. Pa zis lo televizyon. Lo rezo sosyal. Lo diferan landrwa kot nou vwar nou pep i ete. E sa mon krwar i vremen enportan pou fer sir ki ou annan en popilasyon angaze, okouran avek tou bann devlopman ki pe arive. E ou annan zot *buy-in* osi pour bann proze e linisyativ ki nou pe anmenn devan.

Pour lo ou dezyenm kestyon ant *policy and regulations* dan mon Minister. Akse pour lenformasyon i enportan. Nou bezwen fer sir sa bann *policy* osi i la lo bann *electronic channels online* pou fer sir ki bann Manm piblik i kapab akse li. Sa bann dokiman i la pour okenn *scrutiny* osi ki zot anvi regarde.

E i *part* sa *framework*, sa latransparans ki i evidan osi dan komikman ki Prezidan e parti in fer dan *manifesto* pou anmenn plis *accountability*, plis transparans devan pour Lepep Seselwa vwar ki travay nou pe fer. Mersi.

MADAM CHAIR

Onorab Gervais Henrie?

HON GERVAIS HENRIE

Mersi Madanm Chair. Ankorenn fwa bonzour tou dimoun.

Welcome dan Lasanble Nasyonal.

E kestyon ki mon ti a kontan demann ou. *TRNUC* i pou en size sansib, kontrovers ki ladministrasyon ki pe antre pou bezwen trouv en finalite lo la.

E kestyon ki mon ti ava kontan demann ou a sa pwen koman en *Cabinet member*. Eski ou santi poudir ki ladministrasyon pou bezwen, i pou merit demann en leskiz anver bann viktim Parti *SPUP/SPPF*, Parti Lepep pour bann atosite ki'n arive? Sa i enkli osi Prezidan Larepiblik.

E eski ou krwar ki *taxpayers* Seselwa pou bezwen, pou merite, pou oblize pey konpansasyon bann atosite ki'n arive? Sa i mon premye kestyon.

Dezyenm kestyon, menm ler ou pa ankor ganny en *assigned* en *portfolio*, me letan ou aksepte pou vin en Minis, i bezwen – i bezwen in pas dan ou latet lekel en *portfolio* ou ti ava santi ou bokou pli konfortab ladan, ouswa en *portfolio* ki ou pa pou konfortab ditou?

Alor mon ti ava kontan ou partaz sa avek nou. Lekel ki ou ti pou pli kontan gannyen, ou lekel ki ou ti pou pli pa kontan gannyen? Mersi.

MRS NICOLA BERNSTEIN

Mersi pour sa kestyon Onorab. Lo sa size *TRNUC*, mon krwar Prezidan in fer byen kler osi ki pou annan en komite pou regard tou bann rekomandasyon sa rapor, sa travay ki'n ganny fer. Pou annan en komite ki pou angaze avek bann fanmir, bann reprezantan tou bann viktim.

E i pou en prosedir ki tre enportan pour sa administrasyon pour zot angaze avek tou sa bann dimoun ki'n ganny afekte, e vwar ki mannyer sa *way forward* i ete pour nou regarde ki mannyer sa bann rekomandasyon i ganny enplimante. Parey konpansasyon menm.

Me dan en fason soutenab, ki mon krwar nou kapab agree i bezwen ganny bann bon konsiderasyon. E donn sa komikman pour nou bouz devan an linite. E pour nou fer kapab *move on from* sa *chapter* dan nou listwar. E mon krwar sa travay i definitivman en priorite pour nou.

Pour dezyenm kestyon lo mon *portfolio*, lekel ki mon ti a kontan? Vreman mon en dimoun ki kontan angaze avek lezot dimoun. Mon leksperyans i dan *stakeholder management*.

So, ler mon ganny sa sans pour mwan angaze avek

nenport dimoun dan diferan sekter. Dimoun ki annan zot kapasite, zot eksperyans teknik, mon krwar mon pou kapab fer en bon louvraz dan *almost all*, pour mwan zwenn sa bann dimoun ek sa bann lekspertiz e donn sa nouvo lide petet.

Breath some new life into the thinking. Challenge kot mon bezwen *challenge*. E ede pou *create* en *framework* kot bann bon lide i kapab annan sikse.

I pa zis pour nou annan en bon lide. Nou bezwen fer sa *groundwork* osi e etabli sa bann *frameworks* pour li vin en sikse. Nou bezwen annan sa bann *measurable outcomes* osi.

E mon krwar sa *mindset* ki mon'n vin avek, sa lantrennman, espesyalman dan sekter prive, pou ede dan plizyer *portfolio*. So nou ava regarde. Mersi pour sa kestyon.

MADAM CHAIR

Onorab Herminie?

HON WILBERT HERMINIE

Mersi Madanm Chair. Bonzour tou dimoun. Bonzour Madanm Bernstein. Ler mon get ou CV mon war ou *more than qualified*. Ou pe ansarz 9 pei dan Lafrik. So, konman en madanm, nou *proud of you*. Mon konnen ou pou fer byen.

Solman mon annan zis en pti kestyon mwan. Sa mon'n gannyen atraver en dimoun. Vi konman en dimoun ki'n deza travay dan Lanbasad deor kot ou ti dir *Addis Ababa*, kwa ki ou pou anmennen konman en Minis dan *Cabinet* pou pouse pou amelyor lavi bann dimoun ki travay dan Lanbasad?

La nou pa pe koz Anbasader, me sa bann *staff* ki ganny poste dan sa bann Lanbasad. Kwa ki ou pou anmennen dan *Cabinet* pou amelyor zot bann kondisyon? Mersi.

MRS NICOLA BERNSTEIN

Mersi Onorab pour sa kestyon. Sa letan mon karyer i enn ki i vremen pros avek mon leker. Sa 3 an ti spesyal pour mwan.

Mon'n aprann bokou e mon annan sa leksperyans pou konpran ki mannyer en sanzman koumsa i afekte lavi nou bann diplomat ki al deor. Bann sakrifis ki zot fer.

Nou toultan annan en pti lekip, en pti lekip ki bezwen reprezant nou dan plizyer diferan domenn ki bezwen pran en dosye lo nenport topik ki enportan pour Sesel. Aprann sa topik. Reprezant nou byen avek konfidans e konpetans dan sa bann diferan domenn e konversasyon.

Mon konnen kwa - *what it takes*. Mon konnen i annan sa sakrifis e mon apresye bokou sa louvraz ki nou Minister Zafer Etranzer i fer.

So, mon krwar mon pou annan sa pwennvi pou anmenn sa bann size devan dan *Cabinet*, pou fer sir ki bann dimoun ki an deor ki pe reprezant nou zot ganny sa respe avek mannyer zot lavi i ganny afekte par sanzman.

Ki nou pou anmenn sa bann proteksyon osi pour zot ek zot fanmir, pou fer sir zot ganny sa sipor ler zot pe al an deor, ler zot pe retournen. Ler zot pe partaz zot leksperyans osi.

I pa zis fini avek zot ler zot retourn Sesel. Me zot kapab servi sa leksperyans pou *mentor* lezot, partaz sa leksperyans. Agrandi bann *skill set*.

Mon krwar i annan bokou ki nou pou kapab fer e mon annan sa lavwa dan *Cabinet* pou fer sir. Mersi.

MADAM CHAIR

Onorab Hoareau?

HON JOHN HOAREAU

Mersi Madanm Chair. Bonzour Madanm Bernstein. Madanm Bernstein, ou'n vin konman 14enm Minis ki'n ganny nominen. E in annan bokou kritik ki *wage bill*

Gouvernman i bezwen reste anba 11poursan *GDP*.

E la nou pe vwar en 14enm Minis ki vedir en *increase in wage bill*. E ler *wage bill* i *increase*, nou konnen poudir i pou annan serten konsekans ekonomik lo kote stabilite finansyel.

Akoz pou bezwen annan plis det anver bann *loans*, ensidswit. E i kapab osi annan potansyelman kree lenflasyon.

Kwa ki ou pou anmennen dan *Cabinet* pou ede donn nou en lendikasyon ki fason zot pou kapab konble sa bann defisit ki pou annan an sa ki konsern *wage bill* Gouvernman? Mersi.

MRS NICOLA BERNSTEIN

Mersi Onorab pour sa kestyon. Mon krwar ki en leksperyans, en lavwa ki mon pou anmenn devan ki sorti dan sa sekter prive ki mon'n travay avek, se *return on investment*.

Savedir ki nou bezwen annan dimoun dan *Cabinet* ki pe regarde sak Roup ki nou depanse, eski i pe anmenn son valer? Eski i pe travay ase dir pour nou popilasyon?

So mon krwar ki an *view* ki sa *Cabinet* i byen – i annan diferan dimoun, dan diferan domenn, dan diferan *area of expertise*.

Nou pou annan sa bann kestyon, sa bann eksperyans pou kestyonn bann linisyativ

pou donn sa pwennvi pou dir, eski sa pou anmenn en *return*? Eski sa i pou en depans efikas pour nou? Eski sa i en bon fason pou depans nou larzan?

Pou annan en *check and challenge*. Pou annan loportinite pou annan en lavwa lo sa bann depans. E mon krwar avek sa bann diferan leksperyans ki Prezidan in anmenn devan dan sa *Cabinet*, nou pou annan sa kapasite pou fer sir ki nou annan – nou pran sa bann diskisyon ki en pe difisil de fwa, pou regarde ki mannyer nou rekouver sa bann *investments* byen.

E osi pou annan diskisyon lo diferan laspe ekonomi, *including revenue leakage elsewhere*. E mon krwar sa i en priyorite ki byen kler osi dan manifesto, pou fer sir ki i toultan en *lens* ki nou *apply* lo sak linisyativ ki nou anmenn devan.

So, mon apresye ki i en konsern tou dimoun, pour nou gete ki mannyer nou pou fer nou Bidze mars pli for. E mon krwar sa i en priyorite pour nou. Mersi.

MADAM CHAIR

Onorab Larsen?

HON CECILE LARSEN

Mersi Madanm Chair. Bonzour *a tous*. Madanm

Berstein, felisitasyon lo ou nominasyon.

Mon premye keston se, koman ou pou adapte ou lekor avek diferans ant servis prive ek servis piblik, kot prosesis i souvan pli long e bezwen plis konsiltasyon e rann kont?

Mon dezyenm keston se ki rol ou krwar lentelizans artifisyel i kapab zwe pou amelyor servis piblik? Mersi Madanm Chair.

MRS NICOLA BERNSTEIN

Mersi pour sa keston Onorab. Mon krwar mon leksperyans dan sekter prive pou vreman anmenn en diferan *lens*. Mon kapab dir ler mon ti sorti dan Minister Zafer Etranze pour mwan al dan sekter prive, ti en gran *adjustment* pour mwan.

Akoz sa nivo travay i vreman diferan. I annan en lanfaz lo plis sa *productivity*. I plis lo sa *accountability*. Bokou plis gouvrenans dan labank. Osi i annan plizyer *skills* ki mon'n devlope ki pou asiste mwan dan mon luvraz dan en Minister.

E mon krwar ki sa bann *focus* osi *on measurable outcomes* lo bann *performance metrics* lo ki mannyer ou pou vreman demonstre mannyer ou lide, ou linisyativ in anmenn en rezilta.

Sa i en *mindset* mon krwar ki vreman enportan e en *mindset* ki pou benefis nou

Gouvernman. So, mon krwar mon pou annan sa leksperyans osi pou partaze e i pour benefis nou pei.

Lo ou dezyenm keston lo *AI* ek *service delivery*. Mon krwar *AI* i annan son plas pou ferm sa gap ant popilasyon ek zot servis ki zot bezwen.

E *address* osi bann *pinpoints* nou dir, ki ler nou annan servis piblik ki nou bezwen akse, ki de fwa i annan bann konplikasyon. I annan *forms*. I annan - e *any electronic*. Enn i an personn. Enn i la.

Mon krwar *AI* i ofer en gran loportinite pour sa *improved service delivery through e-governance channel*. I pou ofer nou sa sistenm 24er lo 24. Ou kapab fer ou bann travay. Fer ou bann aplikasyon pandan ou letan ki ou annan lib, pou ofer diferan *avenue improve service delivery and improve access to information*.

So, mon krwar i annan son plas definitivman pou fer bann prosedir pli efikas. Me osi pou tir en pe sa *admin burden* lo nou bann travayer dan diferan domenn pou retir en pe bann *paper-based admin* ki pran letan, ki pa efikas.

Nou pe pey saler. Nou ti a kontan ki nou bann *staff* i pe travay lo bann keksoz ki anmenn rezilta pour nou pep.

E *AI* i la osi pou asiste pou tir en pe sa bann admin *burdens* pou ed met en pe lord dan sa bann papye ki nou kolekte. Mersi pour sa kestyon.

MADAM CHAIR

Onorab Gill?

HON CHURCHILL GILL

Mersi Madanm Chair. Bonzour. Nou annan en *manifesto* ki tre konpreansiv e i pe kouver diferan laspe en *manifesto* ki Seselwa in tonm dakor ki *this is the way forward*.

E an menm tan, i annan en lekspektasyon lo pep Seselwa la deor ver sa Ladministrasyon Prezidan Dokter Herminie.

E vi ki ou, ou enn dimoun ki'n ganny nominen pou vin en Minis dan sa *Cabinet*, mon konnen ou'n realize poudir pou kapab fer sa transformasyon ki sa *manifesto* i demande, i pou demann bokou.

E tou bann Minis zot annan zot fanmir. Me selman sa transformasyon i demann en kantite. I pou annan *long hours* mon asire a serten pwen.

Eski ou santi poudir ou'n 100poursan pare pou pran sa responsabilite e desarz li dapre ou kapasite, e dapre sa ki sa *post* i demande deor? Mersi.

MRS NICOLA BERNSTEIN

Mersi Onorab pour sa kestyon. Sertenman i en gro responsabilite. I pou pran en ta ou letan. Ou konsantrasyon. I pou afekte ou fanmir. E mon sanse ki mon annan en fanmir ki siport mwan for.

Mon krwar sa leksperyans osi an Letyopi - pour Lanbasad ti en bon *training ground* osi. Mon ti dan bann *Committee Hearings* ziska 11er diswar avek Linyon Afriken.

Nou'n toultan nou'n bezwen aziste. Sa travay i vini. Ou fanmir i bezwen konpran. Ou fanmir i siport ou. Mon krwar premye fwa mon ti kit mon pti baba, i ti annan 8 semenn. Mon ti al en *WHO meeting* dan en rezyon tre lwen.

Nou'n fer sakrifis e mon krwar mon pare pou fer li ankor. Mon fanmir i la. Zot konnen ki zot pe *sign up for*. E zot la pou donn mwan sa lankourazman pou dir mwan zot 100poursan deryer mwan pou ed mwan delivre en bon louvraz.

Zot konnen ki travay pour mon pei i en keksoz ki en *core value* pour mwan. E zot konnen mannyer i enportan pour mwan. E zot pou donn mwan sa siport.

So, mersi pour sa kestyon. Vre i pran sakrifis, me i neser pour nou anmenn nou pei devan. E mon fyer ki petet mon kapab ofer en pe leksperyans osi ki pou benefis nou ladministrasyon ek nou Gouvernman an avan. Mersi.

MADAM CHAIR

Onorab Audrey Vidot?

HON AUDREY VIDOT

Mersi Madanm Chair. Madanm Bernstein, bonzour. Byenveni. Mon kestyon; si Lasanble i apwent ou – i aprouv ou lapwentman ozordi, ou pou form parti en lekip madanm byen entelizan ki pou form par *Cabinet* nouvo ladministrasyon.

Mon ti a kontan demann ou ki langazman ou kapab donn avek bann zenn fiy avek bann madanm Seselwa ki pou parmi enn bann kandida madanm, ansanm avek ou lekip.

Ki travay zot kapab fer ansanm pour ki zot kapab ede anmenn nouvo nide pou elev en pti pe lavi sosyal nou bann zenn madanm e zenn fiy Seselwa?

Ki byensir nou konnen i pilye nou sosyete ozordi. E zot ki domin mazorite bann lakour. I annan en kantite ki annan bann loportinite pou avanse pour lo nivo

profesyonnel. Me i ankor annan group ki santi i bezwen sa sipor pou avans devan.

E ki langazman ou kapab donn pour ki ou avek sa lekip madanm zot pare pour zot kapab fer sa diferans dan lavi sa bann dimoun? *Thank you.*

MRS NICOLA BERNSTEIN

Mersi Onorab pour sa kestyon. I en keksoz ki *very close to my heart* pou ed bann lezot madanm osi. E mon fyer pou vwar sa kantite madanm dan sa Lasanble ozordi. Mon fyer pour mwan vwar sa kantite madanm ki'n ganny nominen lo sa *Cabinet*. Mon krwar nou tou nou devret fyer bann madanm Seselwa mannyer nou pe avans devan e i en *inspiration* pour tou.

Enn en keksoz, en prensip ki mon annan dan mon lavi se, i annan sa lekspresyon ki ler ou pe mont sa leskalye, ler ou pe al devan, pa oubliye vire deryer ed sa madanm deryer ou osi. Ed li mont sa lot peron li osi.

E mon krwar ki nou pe *build* en sosyete kot bann madanm pe donn sa legzanp e i pe regarde kote zot kapab ofer osi sa *mentorship*, sa *insight* pour lezot ki vin deryer nou. Ki petet fer zot larout en pe pli fasil.

So, i en keksoz mon byen *passionate about*. Mon'n pran

serten loportinite pour mwan *offer mentorship* sa dernyen 8 an. I en keksoz ki ti ganny byen ankouraze dan mon lakonpanyen pou etabli en relasyon avek en lot koleg ki bezwen sa gidans.

Pran ou leksperyans ki ou annan e ofer sa bann *insights* pou ede pou donn zot en pe direksyon osi. Donn zot sa lankourazman. Donn zot sa konfidans pour zot al devan. De fwa sa bann keksoz *can be a bit intimidating* e i zis donn zot sa *benefit* ou leksperyans.

So, i en keksoz ki vremen pre avek mwan e i en keksoz mon kontinyen. E mon serten tou bann madanm lo *Cabinet* osi i partaz sa menm santiman pour nou fer en louvraz pou ed lezot monte.

So, mersi pour sa kestyon. Nou pou kontinyen fer sa bann investisman. E mon krwar en pwen dan *manifesto* mon rapel ki *really spoke to me*, se pou fer sa travay pou retir sa *economic burden* osi lo bann madanm. Nou konnen mannyer madanm i travay isi.

So, mon krwar i en keksoz ki mon eksite pour mwan fer sa louvraz, fer sa bann diskisyon dan *Cabinet* pou regarde ki mannyer nou kapab ofer sa bann lasistans. Regard bann *policy* osi pou fer lavi en pti pe pli fasil pour nou pep an zeneral.

Mon konnen tou bann letid i dir ou, en pei ki lev bann madanm, i lev tou dimoun. So, nou pou kontinyen fer sa travay. Mersi.

MADAM CHAIR

Onorab Toussaint?

HON JEAN TOUSSAINT

Mersi Madanm Speaker. Bonzour Madanm Bernstein. Mon ti a kontan eksprim mon felisitasyon avek ou pou ganny nonmen konman enn bann manm *Cabinet* Gouvernman, ki mon mazine byento tou pou ganny aprouve.

Bonzour tou bann Manm, tou bann dimoun ki pe swiv nou dan lakour. Bann ki pe swiv televizyon, ou pe ekout radyo.

Mon ti a konmans par apresye ou CV. Mon konnen ou en dimoun ki'n travay bokou dan sa laspe kominikasyon. Evok efikasite. E osi lenportans lenformasyon ganny pase dan en fason *timely*, pou anpes lespas spekilasyon ki nou konnen ki son lefe ki anmennen. I anmenn bokou spekilasyon.

Mon ti a voudre konnen ki ou ti ava propoze konm *policy* pou ankouraz plis konpetisyon dan sa mon'n teknolozi, sirtou kominikasyon, ki petet ti ava ede bes pri, kalite servis ki ganny ofer par bann

lakonpannyen lokal dan pei?
Mersi bokou.

MRS NICOLA BERNSTEIN

Mersi Onorab. Zis pour mwan
fer sir mon'n konpran kestyon,
ki mon ti pou propoze pou
amelyor kominikasyon?

HON JEAN TOUSSAINT

Konman *policy*? Konman
policy?

MRS NICOLA BERNSTEIN

Koman *policy*.

HON JEAN TOUSSAINT

Koman *policy*.

MRS NICOLA BERNSTEIN

Pou amelyor konpetisyon lo-

HON JEAN TOUSSAINT

Pou ankouraz konpetisyon,
pou amelyor kominikasyon
atraver servis bann
lakonpannyen
telekominikasyon.

MRS NICOLA BERNSTEIN

Mersi pou sa kestyon Onorab.
Mon krwar kominikasyon i pa
en swa, *it's not a choice*. Nou
pa kapab deside koze zis ler
keksoz i byen, nou bezwen
donn en lopinyon, nou bezwen
toultan pare pou vin devan
pou partaz lenformasyon.

So, mon krwar en *policy*
to a dialog access to
information i enportan

latransparans pou fer sir ki
nou angaze avek nou pep.

E sa bann *policy* i
enportan ki nou adopte, e nou
met sa lanfaz lo sak Minister ki
nou annan, sak departman i
pare pou zot kominike avek
lepep osi.

E an term konpetisyon si
mon'n konpran, petet bann
diferan lazans ki pe ofer sa
bann servis bann diferan
expert dan sa domenn. Mon
krwar i annan bann dimoun
ki'n byen etidye bann *former*
journalist, bann lezot ki annan
sa leksperyans.

Nou bezwen pran *advice*
osi bann *expert* pa zis dan
kominikasyon dan tou keksoz
zot annan sa lekspertiz osi pou
donn nou ki mannyer pou fer
sir nou lenformasyon i ariv kot
i bezwen arive, e ki dimoun i
konpran.

Pa zis ki nou pe
kominike, me nou pe kominike
dan en langaz kot pep ek
lodyans pou konpran, e kapab
ganny sa lenformasyon sa
reassurance osi ki zot bezwen
avek sa servis, avek sa sekter
sa Minister oubyen sa
departman osi.

Fotespere mon'n reponn
ou kestyon Onorab, si mon
pa'n, les mon konnen
silvouple. Mersi.

MADAM CHAIR

Onorab Robert David.

HON ROBERT DAVID

Madanm Bernstein, lo paz (14) nou manifesto i dir koumsa, "Nou pa asiz zis anler e donn lord, me nou pou mentenir sa koneksyon, e nou pou la parmi nou pep."

E mon relasyon ki mon'n deza konn ou oparavan. Mon konnen pou dir travay kominoter i pa nouvo pou ou, e servis *above self* i enn bann motto ki nou'n deza servi.

E mon pa krwar i pou difisil pou ou retourn lo teren ver lepep. E si Lasanble Nasyonal i aprouv ou nominasyon koman Minis. Ki mannyer ou pou servi ou lenfliyans koman Minis pou siport bann artis lokal? Mersi Madanm Chair.

MRS NICOLA BERNSTEIN

Mersi Onorab, pou sa kestyon. i vre wi. Mon karyer antye depi ler mon zenn mon'n sey mon mye pou travay avek nou kominote bann *club* ki nou'n etabli, bann travay ki nou'n fer *community work* ziska ozordi menm mon partisipe kot mon kapab dan tou bann aktivite ki nou fer, osi dan labank. E mannyer nou vin pli pros avek nou kominote. So, mersi pou sa.

Ler nou pe koz lo lenfliyans pou siport artis lokal, mon krwar en premye keksoz ki nou bezwen fer se pou kree en program oubyen

create en loportinite pou nou bann artis ganny sa sipor pou zot kapab devlop *the necessary business skills* pou zot kapab *commoditise* zot travay, zot kreasyon pou zot konnen ki mannyer sa *creative industry* i vin en *business* pou zot, e zot kapab anmenn sa benefis pou zot fanmir antye.

E sa i *form* par sa *financial literacy* ki nou bezwen donner, petet en program pou fer sir ki zot devlop sa bann *skills*, pou fer sir osi ki zot kapab *access to financing* pou sa ki zot bezwen, petet bann *business plans* osi ki neser pou bann *creative artist* osi.

I annan diferan laspe mon krwar ki pou esansyel pou protez zot travay, protez zot koman en pti business osi pou zot kapab kontinyen.

Akoz nou bann *creative industry* i vremen enportan pou kiltir, pou nou leritaz, pou nou vwar ki mannyer nou kontinyen devlop Sesel sa idantite kreol.

E nou bezwen fer sir ki nou donn zot en sipor ki pou fer li en *lasting business*, pa zis en keksoz ki zot bezwen fer lo kote osi an menm tan zot pe sey *bills* lot kote, e vremen fer zot travay vin en *business*.

E mon krwar sa i en premye keksoz nou kapab fer pou travay avek bann artis osi. Mersi, pou sa kestyon.

MADAM CHAIR

Mersi. Si nou napa okenn lezot keston, nou ava dir Madanm Bernstein, mersi. E nou ava eskiz li.

MRS NICOLA BERNSTEIN

Mersi bokou Madanm Chair, e mersi tou bann Onorab.

MADAM SPEAKER

Nou pou osi sorti dan Staz Komite.

Deba i ouver lo Mosyon, Onorab Georges.

HON BERNARD GEORGES

Mersi Madanm Speaker. madanm Speaker, nou fekwar 14 enm kandida ki'n vin devan nou ozordi Madanm Bernstein. *In fact remind* mwan, is it Bernstein, or Bernstein?

MADAM SPEAKER

Ler li in dir in dir Bernstein.

HON BERNARD GEORGES

Stein. Mersi. Madanm Bernstein. E san okenn dout se en Madanm ki'n byen defann son lekor devan Lasanble.

I annan en bon CV, e son parkour in dan Gouvernman, e dan sekter prive. E i annan leksperyans, e i pa en kandida ki *obviously* i pou ganny opoze. Sa i kler, i en kandida

ki *fit* byen dan en konsey Minis.

Malerezman pou Madanm Berstein, i 14 enm kandida ki'n vin devan nou Lasanble, e sa ki mon pou dir la mon anvi fer byen kler i napa okenn refleksyon lo son kapasite ek lo son abilite.

I pou ganny. I pou ganny aprouve, e i pou ganny nominen, e i pou ganny *swear-in* koman en Minis, sa nou konnen, aköz i lafason ki keksoz i ganny fer.

Problenm ki lo nou kote latab nou annan, se ki Gouvernman Mr Herminie. Gouvernman Prezidan Herminie, Ladministrasyon Prezidan Herminie, in deside apwent 14 Minis.

E sa i en gro problenm pou nou lo sa kote latab, sirtou ki enn par enn tou sa bann Minis ki'n vin devan nou, tou sa bann kandida ki'n vin devan nou pou zot laprouvasyon zot tou zot in dir ki enn bann keksoz ki kle dan zot lespri e dan manifesto se, redwi kou. *Cut waste, trim*. Fer sir ki larzan sak rounpi.

Madanm Berstein fekwar dir nou bomaten sak rounpi i bezwen ganny depanse byen. Fer sir ki larzan ki leta i annan i al pou bann dimoun ki merite gannyan, fer sir ki proteksyon sosyal i enportan ki tou dimoun i viv byen.

“For the many, not the few.” E premye keksoz ki zot fer, zot apwent 14 Minis. Zot annan drwa apwent 14 Minis anba Konstitisyon, zot apwent 14 Minis.

E nou pou vwar sa, nou vwar sa *right across the board* avek sa Gouvernman mark sa ki mon pe dir la ozordi. Dan tou bann landrwa tou bann *post* pou ranpli, *post* mon’n dir *post not pocket*.

Me bann lofis pou ganny ranpli, e akòz sa nou konnen se fason fer sa parti ki o pouvwar la ozordi. E i tris pou Madanm Bernstein, ki lo sa kote latab nou pa pou sipòt son nominasyon, pou la rezon ki i 14 enm Minis.

E prezan nou bezwen fer en pwèn, *we need to mark the point* ki sa ki Gouvernman pe fer. Sa ki Ladministrasyon Prezidan Herminie, pe fer pa anliny avek son promès elektoral avek son *manifesto*.

I sipòze *trim*, i grosi. I sipòze koup kot fodre pou donn *the many*, e olye fer sa i pe son *Cabinet* vin *maximum*. Mon ava fer zot rapel ki *Cabinet*- Onorab- *Cabinet*, eskiz mwan Prezidan Ramkalawan ti annan 13 Minis. Nou pa ti ale ziska 14, akòz i ti enn nou bann prensip pou gard depans a en *minimum* posib, *trim* kot nou kapab.

Nou nou’n fer li, nou’n montre, nou’n demontre par lakantite Minis ki nou’n apwente ki nou pou fer sa. E nou’n fer li, e ozordi la konsekans se kot nou ete.

Me premye *test*, premye *test* Prezidan Herminie, pou montre ki i annan sa langazman i *fail*, e i apwent *full, full* kantite Minis ki i sipòze, ki ganny drwa apwente.

Alor Madanm Speaker, pou sa rezon, e pou sa rezon tousel napa nanryen pou fer avek kapasite sa Madanm ki’n vin devan nou ozordi.

Dan en lot konteks, si i ti’n vin la ant 1 avek 13 mon mazinèn ki i ti pou ganny nou sipòt san okenn dout.

Alor mon ti a kontan Madanm Bernstein, ler i pe ekout nou ozordi, i konpran sa tre byen. Nou pa pe vot kont li personnelman, nou pe vot kont sa lide ki pe motiv Gouvernman Prezidan Herminie.

E parey mon’n dir nou pou vwar sa. *Mark my words* nou pou vwar li dan tou bann landrwa dan tou bann departman. E mon sir ki deza in komanse avek Biro Prezidan li menm.

Alor pou sa rezon Madanm Speaker, nou pa pou kapab sipòt sa dernyen kandidatur ozordi. Bann lezot Manm taler ava al en pe pli o

profon lo akòz ki nou pa kapab fer sa pou bann rezon finansyel, akòz ki nou pa kapab fer sa.

Me mwan mon ti a kontan profit sa lokasyon avek ou permisyon Madanm Speaker, pou pas en pti pe an revè sa ki nou fèk fer dan sa detrwaderyen zour. Sa ki nou'n fer in ganny kategorize koman *interview* bann kandida. E mon'n dir bomaten, mon repete la ankò se pa sa ki nou rol.

Nou pa pe demande pou *interview* okenn dimoun, zot in fini ganny zot *interview*. Se pou sa rezon ki Prezidan, in nonm zot koman kandida pou vin Minis.

Sa ki nou, nou bezwen fer se aprouv sa bann nominasyon. Nou ganny demande senpleman pou aprouv son nominasyon, se li ki Prezidan Larepublik. Se li ki'n ganny elekte, e se li ki bezwen en Konsey Minis, sa nou tou nou konnen anba nou Konstitisyon sa i kler.

E i bezwen en *Cabinet* pou li travay avek, i vin devan Lasanble Nasyonal pou demann nou laprouvasyon lo sa *Cabinet* ki'n swazir.

Akòz ki fer sa? Kestyon in ganny demande. Akòz ki nou bezwen pas atraver sa prosedir? In ganny elekte, i swazir son Minis, *get on with the work*.

Bezwen Madanm Speaker, retoun e regard nou Konstitisyon i konnen akòz ki ban dimoun ki'n drafte Konstitisyon i anvoy kandida devan Lasanble Nasyonal pou nou aprouve.

Akòz ki sa i arive? Akòz ki nou pa fer parey Langleter, Moris, Lostrali eksetera, kot sa premye Minis i vin o pouvwar i apwent son *Cabinet*, e *Cabinet* i komans zwenn son lannmen?

Se akòz, anba nou *system* i annan en *oversight* ki nou, nou bezwen fer lo Legzekitiv akòz nou Konstitisyon i prevwar ki bezwen annan en balans pouvwar ant sa trwa brans Gouvènmman.

E enn bann rezon akòz ki nou, nou ganny demande pou aprouv Minis, se pou fer de keksoz. Premyèman pou asire ki napa *nepotism* ki sa Prezidan pa zis vini apwent son madanm, son frer, son kouzen eksetera, koman Minis.

Me dezyenmman pou fer sir ki bann dimoun ki apwente i kapab desarz sa fonksyon, e napa nanryen dan zot listwar ki montre ki zot annan en fay ki zot pa devret ganny apwente.

Kekfwa li sa Prezidan, ler i nonm sa bann dimoun i pa konn tou son *background*. Me se nou koman bann

reprezantan lepep ki nou, nou konn sa *background*.

Akoz nou lepep i dir nou, e se pou sa rezon ki dan enn ou de sa bann nominasyon ki'n vin devan nou nou'n dir. Akoz zot, zot pa'n. Nou, nou'n dir lepep deor pa kontan sa nominasyon, Lepep deor pe rezenbe zot pa dakor avek sa nominasyon sa Minis.

Se sa rezon ki sa bann nominasyon i vin devan nou, pou nou kapab fer lavolonte lepep. E dir avek sa Gouvernman wi, avek sa Prezidan, ou annan drwa annan en konsey Minis, ou annan drwa annan sa bann Minis.

Me nou, nou annan en drwa pou regard sa bann Minis, e pou konsey ou lo. Eski ou devret, wi ou non apwent sa bann Minis. Akoz? Akoz, i annan zis en Gouvernman isi dan sa pei, e sa Gouvernman i annan trwa brans parey nou konnen. Legzekitiv, Lezislatif, ek Zidisyer.

Nou annan en par ladan. Nou annan en par dan Gouvernman Sesel. *We are one equal part*, annefe nou dezyenm parti Gouvernman Sesel.

Donk, se pa en Gouvernman ki asiz anler *State House*, e ki lezot i bezwen, i bezwen swiv tou sa ki dir. Non. Nou tou nou annan en par dan apwentman,

e dan *oversight* lo travay ki Gouvernman i fer. E se pa sa zis avek Minis, nou ganny demande pou ratifye bann trete ki Gouvernman i sinyen.

Donk, i annan en rol kot Gouvernman, kot Legzekitiv avek Lezislatif, i bezwen travay ansanm pou fer marse nou pei.

I pa zot kont nou, oubyen nou kont zot. Me nou tou lede nou annan en parti pou zwe. Se pou sa rezon Madanm Speaker, ki nou bezwen demann kestyon ki apropiye.

Ler nou demann en kestyon avek en kandida dan sa Lasanble, nou pa pe rod may li en zanbet oubyen fer li en ditor *or whatever*.

Non, se pa sa nou rol. Nou rol se pou regarde ki mannyer i reponn sa kestyon. Eski, eski i reponn sa kestyon dan en fason ki donn nou konfyans ki i pou kapab desarz son rol?

E la mon kapab dir Madanm Bernstein, ozordi in montre ki wi, i kapab. Mr Camille, in montre ki wi, i kapab. Madanm Marie-May Jeremie, in montre wi, i kapab.

Me i annan lezot, i annan lezot ki'n donn nou en kantite dout. E mwan personnelman mon annan dout. Mon annan dout par egzanp, ler mon'n demann avek Minis Laporte, eksplik nou sa trwa brans- sa trwa bout *triple lock*.

E i dir nou “ki enn i 2.5poursan.” Ler nou konnen ki dan *manifesto* i 3.5 poursan, i donn mwan en dout, i donn mwan en dout sa se Minis ki pou vin ansarz Finans dapre dir.

Ler mon’n demann avek Mr Barry Faure, oubyen Onorab Cosgrow, pou eksplik ki mannyer *triple lock* pou anmenn nou R10,000? Parey zot manifesto i dir, zot pa kapab eksplike.

Alors sa i donn mwan en dout. I donn mwan en dout. Eski sa bann dimoun i vremen *the best* ki nou kapab annan pou anmenn sa pei devan? Se sa nou rol, e se sa nou rol anver Lepep Seselwa pou nou fer dimoun konnen laba deor, eski sa bann dimoun se bann meyer dimoun? E dan ka Mr Barry Faure, nou bezwen dir parey nou’n dir, eski avek son rikord lo *2020 Development Limited*.

E avek sa problem ki nou’n vwar ki’n resorti lo Assumption, eski in sinyen *agreement* oubyen i pa’n sinyen *agreement*?

Li in dir nou i pa’n. Me lo rezo sosyal nou war en *agreement* avek son sinyatir lo la. Eski i meyer dimoun pou li al dan *Cabinet of Ministers*, e ansanm avek nou, aköz nou annan en par ladan nou osi, fer travay Gouvernman Sesel.

Alor Madanm, Madanm Speaker, pou bann rezon ki mon fek evoke nou annan-mon bezwen dir serten problem. Nou annan serten problem avek serten sa bann kandida.

Zot pou vot pour zot, sa i zot responsabilite i pou vin zot Legzekitiv. Se zot ki pou bezwen defann sa bann dimoun isi dan sa Lasanble Nasyonal.

Me nou’n vwar en levantay dimoun ki’n vin devan nou, nou’n vwar bann ki ti la deza koman Minis, e nou’n demann zot kestyon. Eski napa lezot dimoun laba deor ki ti a kapab vin Minis dan zot plas? Eski zot meyer dimoun pou zot retournen? Sa se desizyon Prezidan Herminie, i anvi met serten dimoun ki’n la ki annan leksperyans, *that’s his responsibility*.

Nou’n vwar bann dimoun tre zenn ki’n vin devan nou Lasanble Nasyonal. Yer nou’n vwar pli zenn, pli zenn Minis ki’n vin devan Lasanble Nasyonal, e mon’n demann li en kestyon difisil, e mon bezwen dir mon felisit li.

Akoz in reponn sa kestyon vremen byen. E si mon ti la mon ti pou’n, mon ti pou’n siport son kandidatir.

Donk, nou annan sa ki vye, sa ki nef, sa ki pe retournen, sa ki ekselan e ki’n

dazzle nou. Me osi sa bann ki'n demann nou poz nou lekor kestyon.

Eski *this is the best that we can do* avek sa bann- en nouvo Gouvernman ki sipoze pe anmenn en nouvo linisyativ, en nouvo fason fer, en nouvo laspirasyon, en nouvo Sesel?

E mon konklizyon se, non. Mon vreman siport serten sa bann kandida, aköz zot in vreman *shine*, e nou konnen ki zot pou fer byen dan zot karyer, dan Gouvernman.

Me i annan serten ki monn bezwen dir mon pa dakor avek, e nou'n monte aköz nou'n vot kont oubyen nou'n prefere *abstain* dan lespri i en Prezidan, i bezwen son *Cabinet*. Alor nou pa la pou anpes li annan sa *Cabinet*. Me nou la pou pas en zizman lo sakenn sa bann dimoun ki'n vin la devan nou ozordi.

Alor an konklizyon Madanm Speaker, mon anvi zis ankor enn fwa pou bann rezon ki nou pou vwar taler fer kler ki 14 Minis dan nou pei i pa antre anliny avek sa ki pep Seselwa in ganny promet, e sa ki nen mazorite Lepep Seselwa in vote dan sa dernyen eleksyon.

Nou'n vot pou annan en diferan fason fer, e nou vwar ki sa ki nou pe vwar se menm keksoz ki ti annan avan *push it to the maximum* anmenn

menm vye dimoun fer en bouyon re sofe avek sa ki zot in fer pandan 43an.

E pou sa rezon, e pou sa rezon selman nou pa pou siport sa bann kandidatir Madanm Bernstein, malgre ki i annan evidaman tou bann konpetans ki nesaser. Mon remersye ou Madanm Speaker.

MADAM SPEAKER

Onorab Hoareau.

HON JOHN HOAREAU

Mersi Madanm Speaker. Madanm Speaker, mon pou kontinyen kot Onorab Georges, in kite.

Ler mon pe get depans ki nou pe prevwar ki Gouvernman pou bezwen depanse avek en 14enm Minis, i pou kout zis son lapey menm, anviron 550,000 par lannen.

Tandi ki promes ki ti ganny fer avan eleksyon, se pou annan en *leaner government*, e pou retir bann lagres ban groser, e pran sa larzan pou kapab donn Lepep Seselwa, zisteman pou 13enm mwan saler pou bann lezot benefis ki zot pou bis, pou pansyon ensidswit.

Alor mon pe demann mon lekor kestyon. Eski nou pa'n aste, soule bann dimoun ki'n vot pou sa Gouvernman. Eski zot pa'n aste kabri dan sak?

Madanm Speaker, larzan ki en 14enm Minis pou osi konsonmen atraver striktir Gouvernman i pou enkli son drayver, son sekirite, son sekretarya. Larzan pou son labiyman, pou son palto parey nou dir larzan palto pou tou keksoz.

Alor, eski se sa ki zot in promet? Eski se sa ki zot in dir Lepep Seselwa zot pou fer? de moman ki nou pe vwar sa nou pe komans vwar en deroutman ki i evidan lo lapar Prezidan Herminie.

Ankor si nou pe get lo kote lekonomi li menm, nou kapab konstate pou dir *so far wage bill to GDP ratio* in enn ki'n ganny ase byen kontrole pandan nou letan, kot nou'n kit li anba 11 poursan.

E nou konnen pou dir tou bann pei Karaib, e tou bann pei dan la rezyon zot osi zot pe sey kit li anba 11poursan zot GDP.

Me si nou pe al pran tou sa bann depans pou al met lo nou ledon, enkli bann lezot depans sosyal ki zot in promet sa pep.

Par egzanp, redwi pri bis, redwi laz Pansyon. Redwi pri bis li menm, i pou al kout pei anviron R60,000,000 nou'n predir.

Ler nou pe redwi laz Pansyon zis pou Sekirite Sosyal pou al kout pei ankor

preski en 300,000,000-400,000,000.

So, sa bann kalite *spending* koumsa, sirtou lo *welfare* ankor ki zot pe promet pou *streamline* pou donn plis aksesibilite, ensidswit, 13enm mwan saler ki zot pe dir *compulsory* so - URS ki zot pe promet pou retourn avek. So, nou pe demann nou lekor ki fason zot pou ganny larzan pou kapab met dan lekonomi pou kapab met dan pei li menm pou kapab kouver sa bann depans?

Eski nou pa pe *head towards* en lot resesyon byento? Eski sa i reflekte disiplin fiskal? Eski nou pou kapab vwar okenn sirplis dan Bidze ler nou pou annan tou sa bann depans pou fer? Eski nou *debt to GDP ratio* pa pou ogmante, parski nou pou bezwen pran larzan avek bann labank lokal pou nou kapab finans sa bann depans ki *massive spending*, sa *spending spree* ki Prezidan Herminie, pe mazine fer?

Mr Speaker - Madanm Speaker, *sorry*, pour mwan i annan en kantite kestyon lo mon lespri. Akoz letan nou'n kestyonn sa bann dimoun ki'n vin la devan nou, napa bokou ki'n ganny *reveal about* ki fason zot pou *broaden* zot *revenue stream*, ki fason zot pou anmenn larzan dan lekonomi pou kapab finans

zisteman sa zoli bokou, sa zoli *package* ki zot in ofer Seselwa.

Alor por mwan mon pe vwar bokou, bokou bos dan lefitir dan sa semen ki nou pe pran. Madanm Speaker, sa madanm ki'n koze la in koz lo *leakage*. In koz lo koman en fason pou zot koup *leakage*,

Me, i pa'n zanmen dir nou ki bor *leakage* i ete. So, mon pe estimen ki oubyen mon pe prevnir ki dan lefitir sa bann Minis ki'n pas devan nou Lasanble, i a kapab asize fer bon analiz lo tou sa bann size.

E petet ler zot vin avek sa Bidze, montre nou tou sa bann keksoz an detay ki fason zot pou kapab anmenn plis reveni dan pei pou kapab kouver zisteman sa bann depans ki'n ganny programmen.

Mwan mon napa okenn problem ant Seselwa ganny en pe plis dan zot pos, sa i napa problem pou personnan dan nou kote osi. Me selman zot bezwen kapab dir nou, kote zot pou tire pou mete? Ki bor zot pou koup *leakage*? Ki bor zot pou kapab ogmant sa *revenue stream* pou kapab fer plis larzan antre dan pei?

Madanm Speaker, mon krwar pou dir in en moman enteresan pou nou vwar karakter tou sa bann dimoun pandan sa detrwa zour.

Parey mon dir nou'n kapab- nou'n donn sipor kot nou krwar nou merit donn

sipor. Sirtou pou bann dimoun ki zenn, ki anmenn nouvo lespri parey Ms Kalsey Belle, ki'n vini ki'n montre nou son nivo refleksyon, ki'n montre nou osi poudir i en dimoun ki kapab fer sa travay, ki pou anmenn nouvo keksoz dan sa Gouvernman.

Me selman par kont, parey nou'n vwar i annan dimoun ki mon pa war ki fason zot pou avans sa Gouvernman pli devan.

Anfen. Sa i zot zafer, se zot ki'n, se zot ki'n anmenn. So, zot ava *deal* avek ler zot kapab *deal* avek. Madanm Speaker, avek sa mon a remersye ou.

MADAM SPEAKER

Onorab Loze.

HON JOHAN LOZE

Mersi Madanm Speaker. Madanm Speaker, si i annan en keksoz mon krwar ki Lepep Seselwa in konnen *by now*, se ki Johan Loze, i en dimoun ki koz fran e direk.

Madanm Speaker, zot vwar sa madanm ki fek sorti la devan nou la? I annan en keksoz ki mwan mon konnen se ki propriyete son manman ti ganny vole e vann.

Ti pran son manman 3an - 3an pou re ganny son propriyete. Sa ki Lepep Seselwa i bezwen konnen la, i bezwen rode pou li menm aköz

i pa mon plas pou mon dir zot, se lekel ki ti vol sa propriyete e vann?

Alors mwan, letan mon tann dimoun pe rod tou kalite pou dir pour sey kalifye aköz zot pa kapab vot pour sa madanm *uh, uh - li* menm li sa enn, *hmm hmm*. Li menm li Madanm Speaker aköz lanmen long la?

Madanm Speaker i annan en parol mon deza dir zot dan sa Lasanble mwan letan Loze, i koze tande.

Bomaten letan mon pe vin travay, lo zot *roundabout* zouzou la deryer en pti loto rous avek en *pickup* blan in frot ansanm. Mon ti dir zot mwan!

Mon ti dir zot arete ek sa *policy* ganny dikte par sa ki pase lo *Facebook*. Sa largiman 14 Minis la, i dan *Seychelles Daily* la li, i *à la une*, i pe *trend*. Ler i pe *trend*, *Boss Baby* i dir nou pran anmenn dan Lasanble, nou anmennen menm nou.

So, nou *policy* travay Lasanble Nasyonal i ganny dikte par kwa ki pe pase lo *Facebook*, mon napa gran *issue* avek sa mwan.

Zot fer zot travay ki mannyer, e dan ki fason ki fer zot plezir. Selman mon krwar mon pou ganny bokou difikilte ozordi Madanm Speaker, pou mon defann sa largiman ekonomik enkrwayab ki

Onorab Hoareau, in anmennen selman.

Aküz *chapeau* Onorab Hoareau, en ? Aköz premye keksoz ki mon annan pou dir lo la mwan se, ler nou tir R25,000 *allowance* lakaz, par 13 Minis mon krwar i ariv nou apepre R325,000 par mwan.

R325,000 par Mwan zis lo en **lowance* ki zot ti pe donner, en. La pran fer *video* lo mwan dir mon'n dir **lowance* aköz dapre zot mon pa konn dir *allowance*.

En *allowance* ki zot ti pe donner, en *saving* R325,000 par Mwan. Konbyen Minis nou gannnen lo la 4-5? *Hmm?* Konbyen Minis nou gannnen lo la?

Konbyen Minis nou gannnen zis lo en *allowance* ki zot ti pe donner? Prezan Madanm Chair- Speaker, si nou pran tou sa bann *allowance* ki zot ti pe donner depi latet ziska pous lipye, bren seve ziska pous lipye nou tire parey Prezidan Herminie, in dir i pou tire, konbyen Minis nou pou gannnen? San ki nou-ki mannyer nou ti pe dir - *wage to GDP ratio, Debt Bill*, marnman. I en bouret gro mo in ganny vid ater la mon pa ni konnen ki pou fer avek mwan menm.

En be nou pa pou afekte tou sa ban gro mo? Ler nou tir tou zot ta *allowance* ki zot ti pe donn zot lekor par mwan ?

Mon krwar nou a ganny en pti larzan pou nou pey Madanm Amanda avek.

Be pa sa ki enkyet mwan mon selman Madanm Speaker. Madanm Speaker, si ou pran sa lalis ki Onorab Hoareau, in nonmen ki zot pe plere, i en problem.

Tou i konsern larzan ki pou al dan pos dimoun. *Be it* pri bis desann, i al dan pos Seselwa. Akoz mon pa krwar si eskimo laba kot i ete dan son lannez ki pou vin mars dan bis *SPTC*. I pou al dan pos Seselwa, rediksyon pri bis.

Ki ou pe koz *URS*, ki pou anploy zenn Seselwa ki pa'n termin- ki pa'n fer Pos Segonder. So, i pou al en larzan ki pou al dan pos Seselwa menm sa.

Ki ou pe koz laz pansyon ki pou bese, larzan ki pou al dan pos Seselwa men sa. Be Madanm Speaker, mon konpran akoz zot ti promet nou pou sekwe pye ni leyo pa'n tonbe. Zot in sekwe ni lapo, nanryen pa'n tonbe.

Sa pov kreol pa'n ganny nanryen ek se zans. E ozordi mon war zot pe ankor pe sey opoze ler sa pep in vote pou li ganny son pansyon, *social security* a laz 63an, pou li ganny en logmantasyon pansyon, pou li ganny son bis redwi par 40 poursan, zot ankor pe sey opoze menm.

Be zot ki ti promet pou met larzan dan pos Seselwa. Zot in pase, zot in koup tou sa mezir ki ti pe met larzan direk dan pos Seselwa, apre zot dir nou. "nou'n donn en logmantasyon 17 poursan."

En 17 poursan? Ler in ariv leksplozyon, pri komodite lo letazer kot *STC*, zot vini zot dir nou *RRP*, tir *RRP* met *MRP* sepa *MRP* in vin *RRP*.

E dan tou sa bann (*P*) la Seselwa i war li soufer menm li. Seselwa i soufer menm li. Msye Imtiaz, i fer laferm lot i enport manz- en. Zot in donn bal lo nou ledon zot en.

Pandan 5an zot in donn en bal lo nou ledon. La ozordi sa bann senp pti mezir pou retourn en pe dan pos son met, son met sa. Sa Kreol Seselwa la deor ki pe al benefisye ek sa bann mezir ki nou pe met an plas la i son met sa larzan.

I fermal en keksoz ek zot? Ou a krwar zot in ouver lerni ler zot tande Kreol pe al ganny en larzan. Mon'n deza dir zot isi anndan mwan.

"Sak fwa pou donn anler la, boulet zot donner, ler pou donn anba, zanmen i annan larzan. Zanmen." Sanmenm manni zot Minis in asiz devan *IMF* la, sak fwa sa bann propozisyon, *Mhm*.

Sa bann proze *hen-hen-hen*. la, ki mon fek nonmen la, ki'n tir larzan dan pos Kreol la.

Sak fwa sa bann propozisyon *rhhh...* in monte la zot Minis, “*Yes! That’s exactly what I was thinking.*” Sanmenm sa zot in ariv laba kot zot ete.

Prezan par zot Gouvernman ki'n nomin a kontinyen opoze, tou pti kas, tou pti sou ki pou al direk dan pos son met sa larzan, sa Kreol ki apel Seselwa. Mersi Madanm Speaker.

(APPLAUSE)

MADAM SPEAKER

Bon nou pe- nou letan pe fini, so, mon pou pran de dernyen entervenans. Onorab Arissol, apre Onorab Aglae.

HON SANDY ARISSOL

Mersi Madanm Speaker. Bonn apre midi tou dimoun ki a lekout. Madanm Speaker, mon ti a kontan letan nou pe koz lo bann lalis Minis, mon ti a profite la letan mon la dan Lasanble Nasyonal, felisit bann Minis sortan ki ti dan Ladministrasyon LDS, anba direktiv Prezidan Ramkalawan.

Pour mwan profite pou mon dir zot, mersi bokou pou travay ki zot in fer pou nou pei. Menm i annan dimoun -

(APPLAUSE)

HON SANDY ARISSOL

Menm i annan dimoun pa rekonnet poudir i annan travay ki'n ganny fer. Letan mon fer letour Lasanble Nasyonal, dan mazorite bann distrik i annan en proze ki nou Gouvernman in fer e Bel Ombre, mon konnen mon'n ganny trwa, kat, senk, sis proze avek bann distrik.

Alor mon ti a kontan dir zot mersi bokou pou sa travay ki zot in fer menm napa rekonesan anndan isi dan Lasanble Nasyonal pou travay ki zot in fer koman mon Gouvernman, ki mwan mon ti met zot la.

Ozordi mon dan Lopozisyon, mon pe ganny posibilite pou nou pas lo bann propozisyon ki'n ganny anmennen par parti ki o pouvwar.

Mon ti a osi kontan letan mon sa size, bomaten mon'n tann ou koz avek an relasyon avek pli zenn Manm, e pli vye Manm dan Lasanble Nasyonal.

Mon ti a kontan osi felisit nou Manm pli aze dan Lasanble Nasyonal pour son kontribisyon ki'n fer pour Lasanble Nasyonal, an relasyon avek *Standing Orders*, *Civil Code*, *Konstitisyon*, bann *Assembly Procedures*, *institutional memory*, ki li in annan pou partaz avek nou bann Manm ki en pe pli zenn, bann Manm

ki en pe pli nouvo, e sa se pa lot ki Onorab Georges.

Mon ti a kontan dir ou felisitasyon Onorab Georges.

(APPLAUSE)

HON SANDY ARISSOL

Kantmenm ou'n ganny dekrir koman en vye ki devret sorti dan Lasanble, e sed laplas pou en lot. Me ou kontribisyon pour mwan koman en Manm Lasanble in vreman valab e in ed mon en kantite dan parkour travay ki mon'n fer koman en Manm Lasanble.

Trwazyenmman mon ti a kontan Madanm Speaker, felisit tou bann dimoun ki'n ganny nominen pou vin devan Lasanble Nasyonal, pou zot nominasyon, par zot Gouvernman ki'n nomin zot atraver spesifikman Prezidan Patrick Herminie, depi Mr Pierre Laporte, ziska Conrad, Jean Camille.

Letan dokiman ti sorti le 27 Oktob, nou ti annan nou 13 dimoun ki ti ganny nominen; James, Conrad, Jean Camille ti dernyen, li i ti 13enm lo lalis avek Mr Pierre, Frank Laporte, ki ti premye lo lalis ki nou ti gannyen.

Me apre Lasanble Nasyonal nou ti bezwen zwenn dan en ABC 15-10 minit zisteman pou nou kapab azout en 14enm Minis, lo lalis

progranm Lasanble Nasyonal pou nou diskite lo la.

E ozordi se egzakteman sa ki nou'n fer, pour nou aprouv, pour nou kapab demann keston Madanm Amanda Bernstein, ki'n vin devan Lasanble Nasyonal, parey nou'n fer avek tou bann lezot kandida ki'n vini.

E se sa i prosedir ki nou fer dan Lasanble, kot bann dimoun i vin devan Lasanble, nou enterakte avek zot, nou demann zot keston si an relasyon avek zot laz, zot leksperyans.

Parey si nenport ki nou ki la anndan ti vin devan lo sa sez, nou osi nou ti pou ganny demann sa bann keston e i pa nanryen nou, i pa nanryen personnel, me i bann prosedir ki nou tou nou pas atraver letan sa prosedir i vini.

Alor mon ti a kontan profite, pou felisit tou bann nominasyon ki'n vin isi. Nou'n annan bann zenn kandida, nou'n annan bann ki en pe pli aze, nou annan bann ki pli eksperyanse, nou annan bann ki nouvo, e pli enteresan nou'n osi annan bann kandida madanm.

E souvandfwa, nou ganny dir poudir dan bann pozisyon politik se bann msye ki pran larelev. Me la nou'n annan osi bann madanm ki'n vin devan koman bann propozisyon.

Be sa ki'n enteresan lo nou kote koman lopozisyon nou nou'n fer sir nou'n enterakte ek sa bann dimoun, nou'n fran avek zot, nou'n osi prezant nou kontribisyon anver zot, Kwa ki pozitiv? Kwa ki negativ? Be selman omwen nou'n fer li dan en fason transparan kot nou'n kapab nou deliberaman dir kwa ki nou panse lo sa bann nominasyon ek aköz nou kontan sa enn, aköz nou pa kontan sa lot, e aköz i annan en bann ki nou santi zot ti la zot ti ganny retire, e la finalman apre nou war zot, zot in retournen.

Me, keştyon ozordi i reste se anba manifesto zot moto sete, "Sel opşyon pour Sesel!" Sa pou bann dimoun mon mazine ki ti pou al fer kanpany, pou marse pou ganny en bwat manze, en boutey delo zot pour zot sete pou nanryen alor, "Sel opşyon pour Sesel!"

Letan nou vini pou nou rekonpans bann ki byen fer kanpany, bann ki'n byen donn larzan, bann ki'n byen rekonpans en zanmi, en dalon nou ganny dir, "*Trust the process.*"

"Pa nerve, pa ankoler *trust the process*, e annou *go with the flow*, keksoz i sanze."

Alor bann dimoun deor pe ganny dir la, "desann le 12, fer - al vizit bann dimoun

ankouraz zot pou desann pou al *rally* le 16, *trust the process*, pa bezwen ankoler.

I annan larzan pou donn pour bis, larzan pour desann, e mon zis swete ki bann zabitan Au Cap, ki'n donn en koudmen dan sa dernyen eleksyon zot osi zot ganny en par sa larzan ki pe ganny partaze.

Parske mon krwar i *unfair* letan nou pe, *trust the process*, Madanm Speaker, ki en bann i ganny 625mil, en bann i ganny 235mil, en bann i ganny 115mil, en bann in ganny 80mil.

E en bann in ganny tiket *Business Class* in desann sorti aletranze, desann avek *bodyguard*, marse dan Lari Bazar dan *car hire* avek en *pocket money* dan zot pos.

Me bann dimoun Au Cap ki'n fer kanpany pou *SPPF*, *US* zot, zot ganny kit ater, e zot ganny dir, "*Trust the process*, pa bezwen pran lakoler me desann vin ranpli pou fer laplenn plen le 16."

Me zot, zot ganny mete anba *triple lock*, nou ganny rod tou bann leskiz, aköz ki sa madanm dan mon distrik ki en trwazyenm-az pe esper son R10mil, li i ganny dir *triple lock* i ava balanse a gete si pou 3.5 poursan, si pou 2.5 poursan.

La nou'n ganny dir poudir nou ava tyeke ki bann meyer opşyon pour nou gete ki

mannyer pour nou kapab aziste pou fer Seselwa kontan.

Me le pwen i retourn ankor lo pwen ki Onorab Georges, in fer resorti. Ozordi nou'n annan nou apre ki nou ti ganny en papye pou 13 Minis, nou'n ganny nou en 14enm Minis.

Me sa ki enportan pou note Madanm Speaker, letan nou ti anmenn nou *Cabinet*, *US* sa letan ti dir. "Arr, zot pe anmenn 13 Minis." E zot ti anmennen ek larzan palto, larzan palto, larzan ledan, larzan linnet, larzan voyaz.

La mon'n tann Onorab Loze, dir tousala pe al ganny retire. Bidze pa ankor vini li, nou pa konnen nou, napa nanryen ki konkret lo la.

La pou lemoman zot in anmenn en 14enm Minis, ki vedir Madanm Speaker? I vedir, plis larzan palto. I vin en 14enm Minis larzan palto. I pou vedir plis larzan pou voyaze, plis larzan ledan, plis larzan linnet, plis larzan tou keksoz, e Bidze i ogmante. Zot bliye sa! Me nou ganny dir, "*trust the process!*"

Madanm Speaker, ki mannyer nou, nou kapab vini *trust the process*, pou nou vot en 14enm Minis aköz i fer plis larzan. Zot ti dir avek dimoun nou pou koupe, sa larzan pou ganny pase lo *SPTC*, pou fer bis redwir.

Zot ti dir poudir sa larzan pou ganny servi pou donn manmzel Kaen dan mon distrik, aköz li i en trwazyenm-az pour li ganny son R10mil ki pe espere.

Apre ki ti asiz anba pye Takamaka bor lanmer, zour tou dimoun ki ti pe desann pou al vote, la i ankoler aköz ler i al get lo son kont, son kont i ankor egzakteman parey.

Me nou ganny dir, "*trust the process.*" Ki mannyer en parti responsab nou kapab vini dir nou la apre ki ti "Sel opsyon por Sesel, *trust the process*" pour ki nou annan en 14enm Minis avek en 14enm larzan palto?

Eski i vedir letan ou azout 4 - en dimoun an plis, ou depans i redwir kalkilman? Bann ki konn konte oubyen ou depans i ogmante? I enportan pou nou ganny sa kalkil pour nou asire poudir sa ki zot pe vann avek Lepep Seselwa ki'n *trust* zot, ki'n met konfyans dan zot, atraver 'Sel opsyon por Sesel sa sete *US*, e zot in met nou dan Lopozisyon kot nou ete ozordi.

Me en bann pe ganny 625mil, 235mil, 115mil, 80mil me sa siporter dan distrik Au Cap, kot mwan mon'n fer travay li i ganny dir "*trust the process*, e desann le 16 pou vin ranpli", parski *US* ki asiz

lot kote laba zot, zot pe aprouv en 14enm Minis.

Me kestyon lo 14enm Minis pou mwan i enteresan. Akoz? Eski zot pe aprouv en 14enm Minis, akoz enn dan sa 13 pou ganny met ater par egzant?

Eski Barry Faure, ki'n vin devan nou Lasanble Nasyonal Madanm Speaker, pou ganny met ater, akoz in koz manti avek *the House*? In koz manti avek bann sipoter US ki'n *trust* li dan sa *process* letan in dir ek nou poudir, "i pa ti siny okenn dokiman, konsernan en baz militer *Assumption*." Ki dokiman nou annan, kot li in sinyen, sa dokiman Madanm Speaker in sinyen lo lapar Sesel, pa pour annan en *Coast Guard* baz me pour annan en baz militer Endyen.

E mon re dir ankor sa ki mon ti dir dernyen fwa. US si ti pou *win* eleksyon, i ti pou *win* eleksyon premye *round* avek 50poursan vot. US pa ti *win* eleksyon avek 50poursan vot li. I pa ti sote laliny li premye *round*. Se pou sa rezon nou ti bezwen antre dan *second round*, kantmenm zot pe fer riye foutan.

Nou ti antre dan *second round*, parski US pa ti gannnen premye *round*. Konnen akoz US pa ti gannnen premye *round*? Parski son sipoter pa ti ase pou fer li gannnen.

Zot konnen lekel ki'n fer li gannnen dezyenm *round*? Se parski, tou bann Endyen Sesel ti ganny *summoned* pou zot desann pou donn sipor Parti US, akoz? Parski Sesel-

(Interruption)

HON SANDY ARISSOL

Parske Sesel ti'n promet zot en bout nou later, nou teritwar ki Mr Barry Faure, ti'n deza sinyen anba Ladministrasyon Mr Danny Faure, pour zot fer en baz militer lo *Assumption*.

Alor, si i vre se Onorab Loze, ki pou konnen parski se son ladministrasyon ki ti administre, e ki ti fer Mr Faure, Mr Barry Faure, sinyen sa dokiman, pour ki ozordi zot kapab annan sa.

E ki rekonpans Sesel ti pou gannnen ladan? 3 mil lakaz ki mon aprann la in desann in vin 2,500. Eski alor - eski alor se pou sa rezon zot pe apwent en 14enm Minis parski zot annan lentansyon tir enn ladan, pa aprouv enn, ofer li en plas Anbasader, al kasyet li en pe letan, fer dimoun bliy son sinyatir, apre zot a kapab *deal* avek, parey zot ti fer en pe avek sa *Leader* Lopozisyon ki zot ti kree?

Apre ki dimoun ti mirmire, i pa ti reganny *seat* dan Lasanble Nasyonal, zot ti al kasyet li dan en plas Anbasader, les dimoun bliy li.

E ozordi li enn bann dimoun ki'n retournen pou ganny en rekonpans atraver en plas Minis dan nou Gouvernman. Me ler nou ti dir sete zot kreasyon zot ti riy nou, zot ti dir nou non.

E la ozordi in prouve pou dir wi, David Pierre, atraver PDM ti en kreasyon Parti Lepep ki zot ti kree, letan Lepep Seselwa pa ti anvi en Lasanble Nasyonal avek zis Parti US. Alor zot ti kre li, e li ti vin *Leader* Lopoziyon. I ti propoz son lekor, segonn son lekor, e i ti vot an faver son lekor avek sipor mazorite Parti US, Lepep ki ti dan Lasanble Nasyonal sa letan.

Alor, tousala zot in fer zot prezan letan nou tann zot pe dir nou, "*trust the process.*" Mwan demann mon lekor kote nou lo sa kote latab, nou kapab rantre pou nou travay ek en parti ki annan tou sa rikord.

Prezan zot anvi nou *trust* sa *process* annan 14 Minis pou zot anmennen, e zot dir ek nou larzan palto, larzan ledan, larzan linet ki zot ti koz lo la 24 lo 24 pou redwir. E nou pou ganny sa larzan pou donn manmzel Kaen, dan mon distrik pou li ganny R10mil, pou nou kapab donn SPTC pou fer redwir pri bis, e pou nou kapab fer pri lavi desann dan nou pei.

Madanm Speaker, 14 Minis lo sa kote latab nou, nou pa pou kapab aprouve aköz sansan nou pe al kont prensip ki dimoun ti vot pou zot lo la "Sel opsyon pour Sesel!" Sete Parti US, e ozordi zot in ganny mazorite dan Lasanble Nasyonal.

Me selman i enportan pou dimoun konpran en keksoz. US i pa'n ganny en mazorite absolü li, in ganny en *simple majority*. Se pou sa rezon ozordi, zot kapab vot pou tou zot Minis. Me i pou ariv sa lenstan dan Lasanble Nasyonal kot US pou bezwen vin kot nou, met nou asize, negosye, dir ek nou, ki mannyer nou kapab travay ansanm pour pei, avek bann lezot keksoz ki zot pou bezwen nou sipor pou vot lo la.

Savedir nou lo sa kote Lopoziyon nou ava asize, nou ava gete ki kantite ale zot kapab ale e pour nou kapab swiv. Parske pa bliye Madanm Speaker, nou rol nou koman Lopoziyon se pou asire ki nou demann kestyon, *oversight* lo Gouvernman, Lezisasyon, e osi reprezantasyon pou bann dimoun ki'n reprezant nou laba deor.

E si mon la ozordi koman en Manm Proporsyonnel, pa bliye se parski mon'n partisip dan eleksyon e mon annan en rezilta deryer mon ledor, e mon annan rikord, konpare avek

bann ki'n vini, e ki pe koz gro, gro labous pe fer tapaz. Me zot annan rikord zis al evoke, al lo latonm fer toudsort kalite keksoz.

Alor Madanm Speaker, mon anvi felisit ankor bann frer ek ser Seselwa ki'n vin devan Lasanble Nasyonal, ki zot in annan zot bann propozisyon ki'n ganny anvoye par zot Gouvernman, nou felisit zot. E pa bliye andotmo mo zot bann Seselwa, e zot in ganny aprouve par zot Lasanble US e pou sa nou dir zot bonn kontinyasyon.

Me selman nou ekspekte zot gard zot promes ki zot ti fer la devan nou, pou servi tou Seselwa.

Patrick Herminie, koman Prezidan in dir zot kit zafer 'ek nou pa ek nou' deor, pou asire ki bann zenn i ganny loportinite pou zot kapab *flourish*, parey nou'n war bann zenn in vin devan Lasanble Nasyonal, pe koz lo manifesto zot pei pour nou kapab kontiny dan en pei ki stab, stab, trankil kot tou dimoun i kapab viv san lafreder, viv byen parey sa vye ladministrasyon avan ki'n sortan in fer, pou asire ki tou dimoun i ganny en plas dan son pei.

Me selman Madanm Speaker, i reste letan mon pe konklir pou dir US ti ganny anba moto "Sel opsyon pour

Sesel!" E la ozordi nou annan en nouvo moto avek *triple lock* ki byento pou annan en katriyenm kadnan lo la avek letan mon'n ekout zot, "*trust the process.*"

E mon espere ki Seselwa laba deor ki'n vot pou zot ki ava desann le 16, avek pti larzan ki zot ava gannnen, zot ava aksepte pou *trust the process*, ki nou'n komans travay lo la isi dan Lasanble Nasyonal.

Me nou lo nou kote latab nou pa pou kapab aksepte en 14enm Minis parske i pou fer en 14enm larzan palto, ki zot pe al entrodwir ki zot pa ti kontan, ki zot ti *boycott* pou Lasanble Nasyonal.

E la mon'n aprann pou dir *State House* byento, zot pou al met sa *lift* ki zot ti koz lo la dan - ki zot ti koz kont isi dan Lasanble Nasyonal parske sa 15 mars peron i en pe for pou mont anler dan lofis so, alors sa *lift* ki zot pou al mete *State House* i sipoze ganny mete.

Mon ava esper Bidze letan Onorab Loze, i ava koz lo la pou mwan asire, pou dir parol ki pe dir ek nou, i konkret e tou sa ki zot pe dir i annakor avek sa ki zot ofer Lepep Seselwa dan dernyen eleksyon ki nou'n pase dan nou pei Madanm Speaker.

Alor lo sa kote latab, mon ti a kontan felisit tou bann Manm ki'n fer zot

deliberasyon, ki'n aport zot kestyon, ki'n enterakte avek nou bann Seselwa, nou bann frer ek ser Seselwa, e sa i nou rol koman lopozisyon.

Me par kont, parey mon'n dir se, lo kote mazoriter ki aprouv bann Minis, e pour sa ankor enn fwa nou dir nou bann frer ek ser Seselwa, felisitasyon pour zot nominasyon, e nou ekspekte prezan ki zot delivre pour Sesel ek pour Seselwa. Mersi bokou Madanm Speaker.

(APPLAUSE)

MADAM SPEAKER

Onorab Aglae. Eskize Onorab Loze, i annan en *point of order*. Ki *order*?

HON JOHAN LOZE

Wi Madanm Speaker. Mon pou a; anba *Order* (8) Madanm Speaker, mon non in ganny mansyonnen, an relasyon avek ki Onorab, ti pe koz lo bann voter Endyen in ganny somonn, e an nesanz pou en morso nou teritwar zot in vot pour *United Seychelles*, mon krwar.

E in dir poudir Onorab Loze, ki konnen. Madanm Speaker, mon le met a ou latansyon ki sel keksoz ki mwan mon konnen lo solisit vot kominote Endyen ilegalman se en *case* ki'n al Ankour kot Onorab

Ramkalawan, ti ganny nonmen koman akize, konm kwa i ti promet zot en konze piblik pou fer Tamil vin en langaz ofisyel sepa kisisa ankor.

E i ti ganny trouve koupab pou solisit vot lakominote Endyen ilegalman. Sa enn mon konnen, aköz in pas devan Lakour, i ti en *case* ofisyel, e i dan *public domain*. Me okenn rabasman Onorab Arissol, mon pa konnen Madanm Speaker. Mersi.

MADAM SPEAKER

Onorab Aglae.

HON EGBERT AGLAE

Mersi Madanm Speaker. madanm Speaker, mon'n preski dir ariv a lafen sa prosesis aprouv nominasyon pou prosen *Cabinet*.

E mon ti a swete ki i ti ava fini lo en pli bon not, anvi ki nou ti byen komanse. Me parey labitid, ou ekspekte sa arive avek *LDS*.

Madan Speaker, i annan de entervenans ki'n koze avan lot kote latib. Bann referans ki pou mwan bann largiman, bann rezon ki pa fonde, e mon pou eksplike aköz i pa fonde.

Premyerman bann largiman politik ki'n ganny avanse, e zot in koz lo eleksyon, ti al dan dezyenm *round* nou ti napa mazorite. Me ki zot bliye pou dir 2016

SNP ti antre dan eleksyon i ti perdi, apre i ti al fer Lalyans, koalisyon avek Lalyans.

E lalyans, msye defen Patrick Pillay, ki ti pran siporter *SPPF*, *US*. Pour zot kapab ganny sa eleksyon, e apre zot ti ponnyard li dan ledò zot ti met li deor, e nou'n ariv dan konzanktir kot Seselwa in war kler, e in donn zot en pti koreksyon.

Si nou pe koz lo aktivis sak parti, sa ki'n koz donn larzan, donn faver. Be mwan mon annan en keksoz mon anvi *remind* zot ki ti arive apre eleksyon lo alokasyon lakaz Port-Glaud dan 16 *unit*, 6 aktivis *LDS* ti ganny lakaz, e ti kit 4 mon dimoun deryer.

Eski sa pa ti apel faver dan eleksyon tousala? Madanm Speaker, se sa ki i dir, "Avan ou sali kot ou prosen, avan ou anvoy salte kot ou prosen. I enportan osi pou regard kot ou."

Enn bann rezon osi ki'n ganny site se, rezon Bidzeter. Konstitisyon anba Lartik 69, i fer provizyon pou en nenport Gouvernman annan li en *bare minimum* 7 Minis, e en *maximum* 14.

Napa nanryen ilegal ki Gouvernman *United Seychelles*, pe fer. E sa i anliny avek lasazes nou Prezidan, si li in war en nesesite pou annan en 14 Minis pou *trust the process* Onorab Sandy Arissol,

akoz li i annan son plan kontra ki dan manifesto pou 5an. E i bezwen son 14 Minis.

E Prezidan li byento i a vin eksplike, akòz i bezwen son 14 Minis, e zot a konpran letan i ava etal son *Cabinet* devan pep Seselwa rezondet kote sa bann 14 Minis pou tonbe.

Nou le koz lo Bidze, koup Bidze. 12 bilyon sote Bidze ti 2025, ti pli gro Bidze. *LDS* ou pa ti war sa pou tro bokou larzan pou en Bidze ou? Zot pa ti kestyonnen? Zot pa ti demande kot pou ganny larzan? Zot ti lev lanmen zot ti vote an inimanite lo zot kote lata.

12bilyon pli gro Bidze apre Minis i taye, Minis Finans pa kapab vin enplimant son prop Bidze, enteresan sa. E letan mon'n tann atraver ou Madan Speaker. Onorab Hoareau, i fer kalkilasyon i dir pou kout anviron 400,000 par mwan pou pey sa Minis.

Be Minis, be Mr Speaker. Madanm Speaker, par ran i dir, par ran. Wi, R400, ekek mil par ran. Les li ou 400- 500. Be eski sa sif i konparatif fek en pti 3 milyon pou al lo zil sa? Eski sa sif i konparab pou pey en Seselwa avek bann trip ki anba biro Vis Prezidan li menm plis ki R8 milyon par lannen *travel*?

E ki zot ti fer apre letan nou ti kestyonn sa? Zot ti

eparpiy sa bann kour *travel* dan bann diferan landrwa pou nou pa war sa gro sonm.

Zot pe koz lo kou adisyonnèl, be Prezidan in fer resorti pou dir i pe al koup, e Onorab Loze, in site konbyen apepre pou koupe, plis ki R300 ekek mil par mwan dan sa bann *travel*, dan sa bann larzan palto, dan sa bann zafer ledan. Prezidan in koze lo la.

E mwan mon konnen pou dir sa bann kalite depans ekstravagans ki ti ganny fer anba sa ladministrasyon avan la nou pa pe al *entertain*, e mon pa ekspekte sa pou al arive la.

Madanm Speaker, parey Konstitisyon anba Lartik 69, i fer provizyon pou annan *maximum* 14 Minis, be zot osi zot ti anvi koup kou, zot ti kapab dir avek Komisyon Eleksyon.

“Malgre ou pou donn nou 4 Manm Proporsyonnel nou ava pran zis de, pou koup kou.” Lo zot kote, zot ti ava fer sa sakrifis zot osi si zot ti pe mazin koup Bidze. Akoz en Lasanble i *still* kapab fonksyonnen *without additional two Members*.

Zot ti kapab fer sa. Si ou ti anvi responsab zot anvi koup kou non? Be koup de lo zot kote proporsyonnel. Akoz mon konnen i annan pa pou la tou.

Madanm Speaker, zot in koz lo proze an remersiman zot Minis. Wi, nou a remersi zot bann Minis, akoz i ti dan en *Cabinet* dan en Gouvernman Sesel.

Be proze dan sa pei lontan pe ganny fer, pa akoz *LDS* in vin o pouvwar ki proze in fek komans ganny fer dan distrik. Mon depi ler mon’n dan distrik Port Glaud pe travay depi 2012 en kantite proze in ganny fer.

Nasyonanman osi nou’n war. Akoz? Be sa larzan i ganny mete dan Bidze. E nenport ki Gouvernman ki met larzan dan Bidze pou proze i bezwen enplimant proze.

Sa ki pou vini apre i pou enplimant proze. So, sa largiman, ankor pa fonde. Madanm Speaker, madanm ouswa Ms *Albert, ki’n vin devan nou la *Alberstein ki’n vin devan nou, in montre i annan sa kapasite, sa konpetans pou li kapab delivre koman en Minis.

Ou konnen parfwa letan mon’n ekout bann largiman, nou pran nou bann problemn personnel lepase nou melanz li ek nou travay profesyonnel ki ou annan pou fer la anndan. Sa problemn ki’n arive.

E se sa ki *LDS* pa pe siport kandidatir sa madanm, e zot pe rod rezon akoz i annan 14 Minis. Be i pa ilegal

Konstitisyon i permet pou arive.

E si sa kalkilasyon in vin devan se ki in bezwen annan en kalkilasyon, en konversasyon lo finansman sa bann lofis. E sa ki kapab dir ou poudir, e mon konnen pou dir nou Gouvernman pou annan serten landrwa pou annan restriktirasyon ki pou bezwen ganny fer pou balans sa lanvlop dan son totalite.

So, bann largiman ki zot in met avanse met devan, non. Pa byen aköz zot parey zot labitid zot pa kontan en Seselwa i ganny en pti larzan pou met dan son pos zot osi, e fer referans aköz Seselwa ozordi in met *LDS* deor, se aköz zot pa ti satisfè avèk zot *motto* ki zot ti vin avèk.

Nou pou fer li, zot dir zot pou fer li. Zot pou met larzan, ki mannyer ti dir Loze? Sekwe pye, e i pou tonbe. Be nanryen, ni en lezo- ni en leyo pa'n tonbe, ni en lagrenn pa'n tonbe ater. *At least* ti ava tonm en pti lagrenn ti ava anmase, ou pa pe donn li fri.

Se sa ki mon dir Madanm Speaker, se ki nou pa kapab pran sa bann kalite legzanp parey. E nou, nou bezwen *focus* lo lavenir. *Trust the process*, i vèdir *trust* nou *leaders*, *trust leadership* nou Prezidan, aköz i konnen pou dir i annan en travay devan li, i annan en *manifesto* pou

delivre ki en kontra 5an avèk lepep. E i bezwen son 14 Minis pou fer sa arive.

E mon ekspekte, e pou arive ki sa bann Manm dan *LDS* pou met kestyon lo *Order Paper*, byento pou kestyonn sa 14 Minis, e sa enn ki zot pa ti le ozordi.

E se sa ki parfwa nou pou war sa bann kalite lipokrizi. Madanm Speaker, mersi pou donn mon laparol. Mersi.

(APPLAUSE)

MADAM SPEAKER

Onorab Lemiel.

HON SYLVANNE LEMIEL

Mersi Madanm Speaker. mon ti a kontan remersi tou ban Manm ki'n entervenir lo sa dernyen Mosyon ki ti pe demann nou pou aprouv Madanm Amanda Bernstein, ki ti dernyen nominasyon propoze par Prezidan Patrick Herminie.

Madanm Speaker, mon bezwen fer de pti remark. Premyerman enn *LDS* i en parti ki'n *fail* Lepep Seselwa.

(APPLAUSE)

HON SYLVANNE LEMIEL

E nou pa kapab aprann nanryen avèk zot, sirtou letan mon ekout mon tre *chere* koleg

Onorab Sandy Arissol, fek fini koze.

Madanm Speaker, ozordi *LDS* pa kapab blok nominasyon Madanm Amanda Bernstein, akòz zot nepli la ozordi, nou nepli an 2016, e an 2017 letan ti 15 lo 10. Prezidan Herminie, in ganny elekte demokratikman par en mazorite 52.7poursan!

(APPLAUSE)

HON SYLVANNE LEMIEL

In vin avek en manifesto ki demann en lapel pou aksyon, pou fer sa bann aksyon Prezidan i bezwen bann dimoun konpetan e kapab ki pou delivre.

In deside pou met 14 Minis ki Konstitisyon anba Lartik 69(1) i permet li fer sa. Sa lartik i dir ki, “I ava annan en tel komite- en tel kantite Minis ki pa mwens ki 7 oubyen plis ki 14.” Tou sa ki Prezidan in fer i byen anliny avek nou Konstitisyon Madanm Speaker.

LDS napa nanryen pou zot per. Akòz Prezidan Herminie, avek son lekip zot in fer en kantite analiz avek avan ki nou’n vin ek en program 100 zour, e nou manifesto.

Tou sa bann bos, aparaman mon’n tann koz lo bos dan semen la. Tou sa bann bos ki Onorab John Hoareau,

in dir i annan dan semen ki zot menm zot dan *LDS* zot in fer.

E nou pou al aplatir tou sa bann bos Madanm Speaker, atraver travay nou Prezidan, nou Vis Prezidan, e tou sa bann Minis ki nou’n aprouve, e sa enn ki nou pe al aprouve tou.

Sa ki mon annan pou mon dir zot ozordi, kontan pa kontan Mr David Pierre, in vini Minis. Madanm Speaker, apre ki nou’n fini sa bann dernyen Mosyon mon ti a kontan rapel nou tou isi dan sa Lasanble, e pep Seselwa labote nou demokrasi.

Lasanble Nasyonal in ganny elekte par Lepep. Prezidan Larepiblik, Vis Prezidan Larepiblik in ganny elekte par Lepep. Sa i fondasyon sa sistenm demokratik.

Pou Prezidan kapab gouvern son pei, sa pei Sesel ki nou tou nou annan en par ladan i bezwen annan en *Cabinet* Madanm Speaker. Se pour sa ki pandan sa 5 zour, enkli ozordi ki nou’n pase isi dan sa Lasanble bann nominasyon in vin devan nou.

Nou’n egzers nou drwa Konstitisyonnel, pou poz sa bann dimoun kestyon libreman, nou’n evalye zot dapre nou zizman, e nou’n vote osi dapre nou konviksyon.

Serten nou in vot pour, sirtou isi lo kote *United Seychelles* nou'n vot pour tou nou bann Minis. Serten in vot kont, i normal. I annan osi ki pa'n vot, ki sa osi i normal Madanm Speaker.

Sa i prosedir, sa i demokrasi an aksyon. Aprezan nou annan en *Cabinet*. Mon swet avek tou mon leker, ki sa *Cabinet* dan 6enm ladministrasyon i delivre lo manda ki pep Seselwa in donn Prezidan Larepiblik.

Prosenn etap, se pou Prezidan Larepiblik atribye diferan portfey bann Minis. E avek sa nou avanse ansanm, ini dan nou responsabilite pou servi nou nasyon.

Mon oule remersye tou Manm ki'n partisip dan deba, e mon demann tou Manm pou aprouv nominasyon Madanm Amanda Bernstein, koman en Minis dan nouvo *Cabinet*. Mersi Madanm Speaker.

(APPLAUSE)

MADAM SPEAKER

Mersi Onorab Lemiel. Nou ava prezan pas lo vot lo Mosyon. *In accordance with Article 63(1) and 69(2) of the Constitution this Assembly approves the proposed appointment by the President of the Republic of Mrs. Nicola Amanda J. BERNSTEIN, to the Office of Minister.*

Tou bann Manm ki vot pour Mosyon. Mersi. Okenn bann Manm ki vot kont Mosyon? Mersi.

E alors ki Mosyon in pase avek 18 vot pour, 10 ki'n vot kont, avek enn ki'n *abstain*. Nou ava prezan pran en *break* ziska- Onorab Gervais Henrie?

HON GERVAIS HENRIE

Madanm Speaker. Bonn apre midi, e mersi pou akord mon. En *point of order*, mon pou evok 101 ankor, aköz i- mon pe sey rode anba ki *Order*.

Lo en kestyon prosedir. Parski annakor avek Lartik 75, Konstitisyon, e la mon ti ava kontan ou gidans.

Lartik 75(1) i dir. “O moman ki bann non i ganny soumet avek Lasanble Nasyonal” - e la i pe refer lo non bann Minis ki vin devan Lasanble Nasyonal. “Pou laprouvasyon sa bann dimoun ki pou ganny apwente koman Minis, Prezidan i ava deziny en dimoun ki ava desarz fonksyon Minis Dezinyen anba Konstitisyon ouswa anba en Lalwa.”

E Lartik 75(2) i dir. “Laprouvasyon Lasanble Nasyonal anba *Clause* (1) ouswa Lartik 66(a)(10) ouswa (11) ava par en mazorite bann Manm Lasanble.”

Mon pe demann ou gidans, aköz an 2020 *this is what happened*. Letan bann

non ti ganny soumet, non Minis Jean-Francois Ferrari, ti osi ganny soumet koman Minis Dezinyen ti apele sa letan apre nou rapel lamannman Konstitisyonnel in vini pou li vin *Principal Minister*.

So, dan sa bann Minis ki'n pase mon konnen pou dir mon pa'n dan Lasanble detrwa zour, e mon pa'n kapab get Nouvel akòz mon'n tar ouswa radyo pa toultan letan mon'n lo semen ki mon'n atann.

Me, *the Minister for- The Principal Minister should have been put forward* son non pou laprouvasyon Lasanble. Alor *how do we proceed* lo sa *Clause 75* Madanm Speaker? Mersi.

MADAM SPEAKER

Mon pou bezwen- mon pou bezwen regarde apre mon ava *advise*. Mersi. So, nou ava pran en *break* ziska 2 er edmi.

(BREAK)

MR DEPUTY SPEAKER

Mon a dir bonn apre midi tou bann Manm Onorab, e tou nou bann telespektater a lekout. Nou travay pou apre midi lo *Order Paper*, pou konsantre lo formasyon nou bann *Standing Committees*, e *Select Committees*.

Ki dabor *Standing Committee's* i ganny gide anba

Lartik 104(1) nou Konstitisyon kot i pou fer provizyon. E osi bann *Select Committees* ki ganny gide anba nou *Standing Orders* 90, kot bann Manm pou aprouve.

Dezyenmman, sirtou pou bann nouvo Manm ok. Mon krwar tou lede *Caucus* in kapab diskit avek zot, e tonm an akor lo bann nominasyon propozisyon ki dayer ki pou reflekte lafors politik ki *ABC* ti agree, e li i ganny gide anba nou *Standing Orders* anba 90(3) kot nou tonm dakor ki pou annan en reprezantasyon kat-trwa savedir kat lo kote *US*, e trwa lo kote *LDS*.

E osi bann *Term of Reference* pou sa Komite ki deza la, e li i ganny gide anba nou *National Assembly Rules of Procedures for Committees*.

Prosedir pou al konm swivan, apre tou letan *Leader Zafer* Gouvernman pou pronons son Mosyon pou formasyon Komite, i pou donn en pti bref lo lobzektif travay sak Komite.

E apre nou pou tonm dakor, Lasanble pou aprouve, e le de *Chief Whip Caucus* zot ava anons zot bann Manm ki pou reprezante. Sel de Komite ki *straight forward* ki anba Lartik 104, ki son *Chair* pou'n fini ganny, *anyway Chair* i pou sorti lo kote *LDS* sa i pou *FPAC* avek *COGA*, ok? Larestan bann *Chair*, letan *the first*

meeting apre laprouvasyon sak Komite *at the first meeting* bann Komite i ava elekte zot *Chairperson* avek zot *Vice-Chair*.

E FPAC, e COGA osi i ava deside lekel ki pou vin zot *Vice-Chair*. Avek sa mon a demann *Leader of Zafer* Gouvernman pou pronons premye Mosyon pou Komite.

HON SYLVANNE LEMIEL

Mersi Mr Speaker. Bonn apre midi Mr Speaker, bonn apre midi tou mon bann koleg Manm Onorab. Premye Mosyon pou formasyon Komite i lir konm swivan;

In accordance with Standing Order 90(2)(b), this Assembly appoints a Scrutiny of Bills Committee, to enjoy the Terms of Reference of the Committee of the same name in the Seventh Assembly.

MR DEPUTY SPEAKER

Onorab Gill, segonde?

HON CHURCHILL GILL

Bonn apre midi Mr Speaker. Bonn apre midi tou Manm, e tou dimoun ki pe ekout nou. Mosyon i ganny segonde.

MR DEPUTY SPEAKER

Mersi Onorab. Onorab LGB, ou *brief*.

HON SYLVANNE LEMIEL

Mr Speaker. E tou bann dimoun ki a lekout, Komite Revizyon bann prozisyon bann propozisyon Lalwa, son fonksyonman prensipal, petet pou lenformasyon bann nouvo Manm ki'n antre, e osi piblik ki la a lekout. Se pou *examine*, e revwar tou bann propozisyon Lalwa ki'n ganny pibliye oubyen soumet kot Komite dan form *draft*.

Ki swa bann Lalwa piblik oubyen bann Lalwa manm prive, e ki nou dir *Private Members Bill*. E pou propoze, e pou propoz bann koreksyon, amannman ek bann modifikasyon.

I pou osi *examine*, e revwar bann lenstriman stati ter ki ganny pibliye avan ki zot ganny prezante devan Lasanble Nasyonal. Propoze-Bann Manm i propoz bann lide avek Gouvernman ek Lasanble pou bann Lalwa ki kapab ganny adopte.

Revwar ban propozisyon sorti kot piblik, lo bann propozisyon Lalwa ki'n ganny pibliye oubyen bann lide pou bann Lalwa ki kapab ganny adopte.

I annan ankor lezot pwen, mon pa konnen si zot le mon pas lo tou sa bann pwen. Mr Speaker? Petet ti zis pou letan. Me selman sa ki nou bezwen not byen se ki dan sa bann legzersis son pouvwar sa Komite i pa pou eksprim

okenn lopinyon lo merit bann *policy* ki par deryer okenn propozisyon Lalwa oubyen lenstriman stati ter oubyen lo zot lobzektif. Mersi Mr Speaker.

MR DEPUTY SPEAKER

Mersi *LGB, to et fair*, Si annan okenn Manm, petet lo kote *LDS* ki anvi fer serten kontribisyon zot lib pou fer li. Si non, nou pou demann Lasanble pou aprouv kreasyon, *in accordance* avek Lartik 90(2) *Scrutiny of Bills*.

Eski Lasanble i aprouve? Wi, pe demande pou pran en vot. Sa ki pour kreasyon Komite *Scrutiny of Bills* silvouple nou lev nou lanmen? Sa ki kont apre i a lev son lanmen. Mersi.

In accordance with Standing Orders 90(2) this Assembly appoints a Scrutiny of Bills Committee to enjoy the terms of reference Committee of the same in the Seventh Assembly, vot i konm swivan 29 Manm in vot pour, 0 kont, e 0 abstansyon. Mersi. So, Clerk i ava rektifye sa vot. Mersi Clerk.

28 Manm in vot pour 0 in vot kont, e nou'n ganny en abstansyon. So, Mosyon pou kreasyon *Scrutiny of Bills*, in ganny aprouve par Lasanble. Mersi.

Prezan nou ava ganny bann propozisyon le de *Chief*

Whip zot kapab nomin zot Manm swivan. Onorab Gill, lo kote *US*.

HON CHURCHILL GILL

Mersi Mr Speaker. Lo kote *United Seychelles* bann Manm i konm swivan;

Onorab Johan Loze,
mwan menm

Onorab Churchill Gill

Onorab Sylvanne Lemiel
(*LGB*),

Onorab Trevor Louise.

MR DEPUTY SPEAKER

Mersi. Onorab Sandy Arissol, *LDS*?

HON SANDY ARISSOL

Mersi Mr Speaker. lo nou kote *LDS* pou *Scrutiny of Bills Committee*. Nou annan

Onorab John Hoareau

Onorab Sathya Naidu e

Onorab Collin Tirant.

Mersi.

MR DEPUTY SPEAKER

Mersi. nou ava prezan bouz lo dezyenm Mosyon. Sa i kreasyon *Standing Committee*, sa en *Standing Orders Committee* anba Lartik 104, ki ganny gide anba nou *Standing Orders* 89. Onorab *LGB*, ou kapab prezant ou Mosyon.

HON SYLVANNE LEMIEL

Mersi Mr Speaker. Mosyon i lir konm swivan. *Pursuant to Article 104 of the Constitution*,

this Assembly appoints the Standing Orders Committee, to have the functions set out in Standing Order 89. Mersi.

MR DEPUTY SPEAKER

Lekel ki segonde? Onorab Vidot.

HON AUDREY VIDOT

Mosyon i ganny segonde Mr Speaker.

MR DEPUTY SPEAKER

Mersi. Onorab LGB ou kapab donn nou en bref.

HON SYLVANNE LEMIEL

Mersi Mr Speaker. Lord 89, dan *Standing Orders* 2020, i preskri sa ki swiv 1). Komite *Standing Orders* i pou konpoze avek 7 Manm ki Lasanble i apwente parmi son bann Manm depi komansman sak sesyon.

An plis, sa bann lezot fonksyon ki Lasanble i donnen li Komite *Standing Orders* i annan devwar pou konsider tou propozisyon konsernan bann regleman prosedir Lasanble, e raport avek Lasanble lo la.

Komite osi i pou elekte son prop Prezidan. So, selman parey nou konnen *Standing Orders* labitid se Speaker, ki *Chair Standing Orders Committee*. E mon met Mosyon devan bann Manm pou zot aprouve. Mersi.

MR DEPUTY SPEAKER

Mersi LGB. Mon ava pran en-Onorab Sandy Arissol, ou annan en kontribisyon? Anfen. Laparol-

HON SANDY ARISSOL

Mersi Mr Speaker. Mon ti anvi lo lapar Onorab Lemiel, pou kontiny en pti git pou bann dimoun ki pe swiv nou deor an relasyon avek *Standing Orders Committee*.

Parski tou dimoun i tann nou parfwa pe ekrir bann *Orders, Standing Orders, point of orders* dan Lasanble Nasyonal i pli zou mwen en pe sa liv ki gid nou dan travay ki nou fer koman en Lasanble.

Me selman parey letan Onorab Lemiel, in dir poudir Speaker, ki *Chair*, sa Komite. Me, annan de fwa i Speaker. Me annan de fwa i Depite Speaker, i annan de fwa i bann Manm osi. Parski mon rapel i annan letan kot Onorab Georges, li ti *Chair* 6enm Lasanble mon mazine i pa parey nou dir i sa Komite an relasyon ek son bann Manm zot ava balanse pou gete lekel ki zot santi.

Me selman mon santi pou dir *Standing Orders Committee* kekfwa i bezwen ariv son moman letan ozordi ler nou pe koze pou nou revwar li en pe, pou nou parey nou dir dan sa mwan - re

upgrade li, anmenn li azour avek norm ozordi avek travay ki nou pe fer pou nou rode ki mannyer nou kapab amelyor nou fason nou osi an relasyon avek *Standing Orders* pou nou fer nou travay en pti pe pli profesyonnel lo sa laliny ki nou pe koz lo la. Mon ti anvi zis fer la de pti kontribisyon Mr Speaker. Mersi bokou.

MR DEPUTY SPEAKER

Mersi Onorab Arissol. Nou ava prezan pas lo laprouvasyon kreasyon *Standing Orders Committee*. Tou Manm ki vot pour, kapab lev lanmen? Kont? Abstansyon? Okenn Manm ki'n *abstain*? Mersi Madanm Clerk.

Mosyon pou kreasyon *Standing Orders Committee*, 27 in vot pour, 0 ki'n vot kont, e nou annan nou 2 abstansyon. Mosyon in pase pou kreasyon *Standing Orders Committee*. Nou ava bouz-Onorab Georges.

HON BERNARD GEORGES

Mersi Mr Speaker. Mr Speaker, mon annan en *point of order* anba *Order* ki kree *Standing Orders Committee* - 90. Mon pa pe-

Wi. Annefe 89. Mon pa krwar ki nou bezwen, nou bezwen konstitye sa Komite. In fini ganny konstitye anba deza anba Lartik 104, se pou sa rezon ki mon'n *abstain*.

Akoz i deza la. I en *Standing Committee* li. Alor i deza ganny konstitye, sel keksoz bezwen fer se apwent bann Manm ki pou lo sa Komite. Mersi Mr Speaker.

MR DEPUTY SPEAKER

Mersi Onorab Georges, pou ou gidans. Le de *Chief Whip*, i ava pronons zot Manm ki pou *feature* lo sa Komite.

HON CHURCHILL GILL

Mersi Mr Speaker. Lo kote *United Seychelles* Manm ki pou lo Komite se,

Onorab Deputy Speaker
Onorab Robert David e
Onorab Keneth
Athanasse e Madanm
Speaker ki pou

4enm dimoun ki pou Chair sa Komite. Mersi.

MR DEPUTY SPEAKER

Onorab Arissol, lo kote *LDS*.

HON SANDY ARISSOL

Mersi Mr Speaker. Lo nou kote koman *LDS* pou *Standing orders Committee* nou annan,

Onorab Gervais Henrie
Onorab Wavel Woodcock e
Onorab Valdana Sultan.

Mersi Mr Speaker.

MR DEPUTY SPEAKER

Mersi Onorab Arissol. Nou ava bouz lo 3enm Mosyon, sa i pou kreasyon *Women's Parliamentary Caucus*, osi

ganny gide anba *Standing Orders* 90(2) pou bann *Select Committees*. Madanm LGB.

HON SYLVANNE LEMIEL

Mersi Mr Speaker. *In accordance with Standing Order 90(2)(f), this Assembly appoints a Women's Parliamentary Caucus, to enjoy the Terms of Reference of the Committee of the same name in the Seventh Assembly.* Mersi.

MR DEPUTY SPEAKER

Segonde?

HON AUDREY VIDOT

Mosyon i ganny segonde Mr Speaker.

MR DEPUTY SPEAKER

Mersi. Onorab?

HON SYLVANNE LEMIEL

Mersi Mr Speaker. Mr Speaker, *Caucus* Parlmanter Fanm, e son vizyon en *Caucus* Parlmanter, en *Caucus* Fanm Parlmanter ki ini pou travay ansanm san regarde afilyasyon politik pou asir legalite pour tou dimoun, sirtou bann fanm, zanfann ek bann vilnerab atraver defans, adopsyon, e swivi bann Lalwa ki sansib anver zenn ek fanm Sesel.

Pou ofer en loportinite pour bann fanm partaz, e fer sir ki bann lide i ganny melanze pou form ban

platform kolektif lo bann *policy* ek aksyon spesifik, e pou siport kanmarad lo bann size, e domenn konsernan ki komen.

Lobzektif *Caucus* se pou ranforsi lavwa bann fanm ki dan Lasanble.

Enn, se pou promouvwar solidarite parmi bann fanm an zeneral, e sirtou bann fanm Parlmanter.

Enfliyans bann *policy* ek Lalwa avek en perspektiv zenn ek fanm.

Ogmant konesans lo bann size egalite seks dan Parlman.

Ranforsi kapasite bann fanm Parlmanter koman bann Lezislater ek reprezantan efikas.

Asire ki bann *policy* ek Lalwa lo legalite seks i ganny aplike efektivman.

Fer *lobbying* pou sipor sorti kot bann lorganizasyon non gouvènmantal, e entergouvènmantal. Rol ek bi, se bann fanm i zwe en rol enportan dan tou laspe nou sosyete. E i zis ki zot lavwa i ganny tande dan bann nivo pli o politik.

Caucus pou ofer bann fanm Parlmanter en *platform* pou lit kolektivman pou zot drwa, e pou anmenn plis size konsernan fanm dan deba dan Lasanble Nasyonal. Mersi.

MR DEPUTY SPEAKER

Mersi *LGB*. Any komanter?
Onorab Arissol.

HON SANDY ARISSOL

Mr Speaker, mon anvi montre sipor pou sa Komite ki pe ganny etabli apre midi. i en Komite nou apel sa *Women Parliamentary Caucus*. E i en Komite bann madanm dan Lasanble Nasyonal.

Nou bezwen parey Onorab Lemiel, in dir, nou toultan rekonnet pou dir i annan bann madanm ki ganny elekte oubyen nominen dan Lasanble Nasyonal Sesel.

E toultan Lasanble i met lanfaz lo la. E dan nou Lasanble, dan bann *cohort* oparavan, Mon konnen i annan en kantite travay ki'n ganny fer par bann madanm Parlmanter, i annan bann vizit, i annan bann Mosyon ki zot in anmennen, e i annan bann travay ki zot in fer kolektivman sa de *Caucus* ansanm.

E pou sa mon bezwen dir bann madanm ki la, ki'n retournen ek bann madanm Parlmanter ki dan lakour pe ekout nou, pou kek rezon i pa dan Lasanble Nasyonal mon dir zot mersi pou travay ki zot in fer.

E nou swete. Mon swete mwan ki sa de nouvo *cohort* - sa nouvo *Cohort* ki'n antre avek tou lede kote lata bann madanm a kontiny dan menm

lespri pou travay ansanm pou benefis pei. E letan mon lo sa pwen i osi enportan pou nou note pou dir ozordi mazorite bann lorganizasyon enternasyonal ki envit Sesel pou vin reprezant dan bann konferans ki ganny fer pour nou et prezan dan bann konferans ki ganny fer, zot kontinyen met lanfaz lo *gender balance*.

Parfwa zot menm demann ou, fodre i annan en fanm ki ganny reprezante lo sa ki la. Alor nou, nou bezwen sa Lasanble montre sipor pou bann madanm Parlmanter ki la, e asir tou sipor pou zot, e asire ki zot kontinyen ganny reprezante, e kontinyen fer zot lavwa ganny ekoute pozitivman, e pour nou koman bann zonm Parlmanter nou kapab siport zot dan travay ki zot pe fer Mr Speaker.

Lo sa de mo mon ti a kontan prezant sipor pou sa Komite ki pe ganny etabli. Parski nou osi lo nou kote nou annan madanm zis parey lo lot kote i annan bann madanm Parlmanter. Mersi bokou Mr Speaker.

MR DEPUTY SPEAKER

Mersi Onorab Arissol. Onorab Vidot.

HON AUDREY VIDOT

Mersi Mr Speaker. Mwan osi mon ti le dir de pti mo lo an

referans avek *kokus* pour bann madanm pour Lasanble Nasyonal.

Premyerman, mon ava zwenn mon koleg Onorab Arissol, byensir pou remersye nou ansyen *Chairman Caucus* Madanm ki ti Madanm Regina Esparon, dan 7enm Lasanble avek byensir ek tou bann lezot Manm ki'n servi dan 7enm Lasanble lo *Caucus* Madanm pour Lasanble Nasyonal, zot kontribisyon byensir in vremen valab.

E byensir pou annan kontinyite, mon kapab asire dan sa enn *Caucus* ki pou la. E pou lenformasyon piblik *Caucus* Madanm byensir pe enport kantite madanm Parlman ki ganny elekte, *be it directly elected* dan en distrik oubyen proporsyonnel i otomatikman vin en Manm lo *Caucus* Madanm, e byensir i pou kontiny son travay pou ankouraz en pti pe lo lenportans ankouraz bann zenn madanm, e osi lezot madanm pour zot angaze dan *leadership*, dan politik.

E san dout mon asire ki tou lede kote latab parey dan lepase, nou kontinyen travay avek menm bi en bipartizan. E i montre pou dir nou la pou servi bann group vilnerab espesyalman bann zanfan, bann zenn ek bann madanm Seselwa. Mersi.

MR DEPUTY SPEAKER

Mersi Onorab Vidot. Nou ava prezan pas lo en vot an ankor avek *Standing Orders* 90(2) pou kreasyon *Women's Parliamentary Caucus*. Bann ki vot pour? Bann ki vot kont?

Mosyon pou kreasyon *Women's Parliamentary Caucus*, 29 in vot pour. 0 kont, e nou annan en abstansyon. Mosyon in ganny aprouve pou kreasyon Komite.

Nou ava bouz lo 4enm Mosyon annakor avek 90(2) pou kreasyon *House Committee*. Onorab LGB.

HON SYLVANNE LEMIEL

Mersi Mr Speaker. *In accordance with Standing Order 90(2)(a), this Assembly appoints a House Committee with Terms of Reference to be approved by the Assembly at a later date.* Mersi.

MR DEPUTY SPEAKER

Segonde.

HON AUDREY VIDOT

Yes. Mosyon i ganny segonde Mr Speaker.

MR DEPUTY SPEAKER

Mersi Onorab Vidot.

HON SYLVANNE LEMIEL

Mr Speaker, Komite Lasanble i mandate i en Komite li menm ki konsern avek bon

fonksyonman, e devlopman Lasanble Nasyonal.

I pou konsider bann keksoz ek bann size ki ganny mete devan li, e raport avek Lasanble ek bann lorganizasyon apropiye dan Lasanble pour bann *policy* ki ganny formile ek bann aksyon ki ganny pran, e ki dan lentere Lasanble Nasyonal.

Bann travay ek responsabilite sa Komite, se sa Komite i pou revwar, evalye oubyen fer lanket lo bann size swivan, e propoz bann rekomandasyon an gardan respe pou *Standing Orders* ek Lalwa lo privez ek imilite Lasanble Nasyonal.

Enn, bann *policy* zeneral lo konportman bann Manm ek bann size konfli lentere ki kapab afekte limaz ek repitasyon Lasanble san enkli konsiderasyon oubyen zizman lo bann ka endividuel.

Bann drwa ek privez bann Manm; byennet bann Manm enkli bann size ki deza dan Lalwa ek bann *policy* egzistan; bann servis ek fasilite pou bann Manm, envite ek viziter; striktir ek lorganizasyon Lasanble; bann prosedir, e pratik zeneral ki pa konsern travay Lasanble dan lasal.

E konpozisyon parey nou dir i kat Manm lo kote Parti Mazoriter, trwa Manm lo kote Parti Minoriter. E bann Manm

i ganny apwente dapre Lartik 104(2) dan Konstitisyon parey mon'n dir kat, trwa. Komite pou zwenn omwen en fwa par mwan oubyen kan i neser. Mersi.

MR DEPUTY SPEAKER

Mersi *LGB*. Napa okenn remark nou ava demann Lasanble pou aprouv kreasyon *House Committee*. Annakor avek Lartik 90(2). Bann ki pour? Okenn Manm ki kont? Mersi.

Vot pou kreasyon *House Committee* i konm swivan 29 in vot pour, 0 in vot kont, e nou annan en abstansyon. Komite in ganny aprouve par Lasanble. Mersi.

Nou ava bouz lo 5enm Mosyon annakor avek Lartik 90(2) pou kreasyon-

Anr wi, nou a demann le de *Caucus Leaders* pou prezant zot Manm. Onorab Gill?

HON CHURCHILL GILL

Mersi Mr Speaker. *House Committee* pour Madanm Speaker, pou *Chair*, e lezot Manm lo la kote *United Seychelles* pou annan

Onorab Deputy Speaker
Onorab *LGB* apre mwan menm Churchill Gill.

MR DEPUTY SPEAKER

Onorab Sandy Arissol.

HON SANDY ARISSOL

Mersi Mr Speaker. Lo nou kote pou *House Committee* nou annan,

Onorab Bernard Georges, mwan menm

Onorab Sandy Arissol e

Onorab Philip Monthy koman *Depite Chief Whip*. Mersi bokou.

MR DEPUTY SPEAKER

Mersi. Nou ava prezan bouz lo 5enm Mosyon, pou kreasyon anba Lartik *Standing Orders* 90(2) Kreasyon en *International Affairs Committee*. Onorab LGB, Mosyon.

HON SYLVANNE LEMIEL

Mersi Mr Speaker. *In accordance with Standing Order 90(2)(d), this Assembly appoints an International Affairs Committee, to enjoy the Terms of Reference of the Committee of the same name in the Seventh Assembly.* Mersi.

MR DEPUTY SPEAKER

Segonde.

HON AUDREY VIDOT

Mosyon i ganny segonde Mr Speaker. Mersi.

MR DEPUTY SPEAKER

Mersi. *LGB* ou *brief*.

HON SYLVANNE LEMIEL

Mersi Mr Speaker. Manda Komite Zafer Enternasyonal, se ki sa i en Komite seksyonnel Selekte, ki adres tou size ki konsern Servis Diplomatik Sesel, Tourizm, Zafer Enternasyonal ek Zafer Parlmanter Enternasyonal.

Travay ek responsabilite Komite se pou revwar, e evalye bann *policy* ek stratezi Zafer Etranzer ek *Tourism* Repiblik Sesel.

Evalye, e raporte lo manda ek fonksyonman Departman Zafer Etranzer, e Departman Tourizm avek Lasanble ansanm avek lezot size ki konsern relasyon enternasyonal, e gouvènan mondyal.

Fer *oversight* lo Bidze Departman Zafer Etranzer, e Departman Tourizm, revwar e evalye bann akor enternasyonal, *protocol*, konvansyon ek tretman, e trete avan zot ganny rektifye.

E raporte avek Lasanble lo ban rekomandasyon ek ban size ki Komite in egzaminen. Zot bezwen gard, e etabli relasyon avek ban Lorganizasyon Parlmanter enternasyonal osi. Sa i en pti pe travay ki sa Komite i fer Mr Speaker. Mersi.

MR DEPUTY SPEAKER

Mersi *LGB*. Laparol Onorab Wavel Woodcock.

HON WAVEL WOODCOCK

Mersi Mr Speaker. Mon bezwen aport mon sipor pour sa Komite, par lefe ki dan 7enm Lasanble mon ti *Vice-Chair* sa Komite, e mon bezwen osi profit sa lokazyon pou remersye tou bann Manm sa Komite dan 7enm Lasanble.

Sirtou nou *former Chairman* Onorab Waven William. I ti en Komite ki mon krwar Lasanble antye i kapab admet ki ti vreman aktiv ki'n vreman travay serye, e toultan nou rapor ti a ler, e azour pou enform bann Manm Lasanble ler nou pe diskit lo bann ratifikasyon pou ratifye bann konvansyon, bann *protocol*, bann *treaties* ek lagreman.

I en Komite enportan ki mon krwar nou pa merit *take it for granted*, aköz tou bann lagreman bilateral ouswa multilateral avan i vin devan Lasanble, i al devan sa Komite kot nou *scrutinise* sa bann *protocol*, sa bann konvansyon, sa bann *treaties*.

Aküz okenn bann lagreman ki nou pei i sinyen i annan bann lenpak, i annan bann lefe lo nou pei, i annan lefe lo nou bann Lalwa e *policy* nou pei.

E mon pou bezwen osi profit sa lokazyon pour mwan remersye Ms Emma Didon, ki ti sekreter nou Komite from 2022 ziska lafen nou term, e osi avan sete *Deputy Clerk*, ki

ti sekreter sa Komite ki'n vreman fer en travay formidab lo la.

Mon krwar i enportan pou nou annan sa *oversight* lo travay Gouvernman kot i konsern *Foreign Affairs* relasyon ki nou annan avek bann pei zanmi.

Sirtou ban pei ki ou kapab dir ki pe aport en sipor pou nou lekonomi. Relasyon Sesel avek bann pei etranze i vreman, vreman enportan.

E fodre nou fer sir nou pe vey nou Gouvernman pou gete ki i pe *maintain* sa bann relasyon avek bann pei. Zisteman nou fek war en gran, en lartik dan *big interview* ki Mr Herminie, in donnen dan le 3 Novanm dan *Today in Seychelles*.

Kot ti fer en *statement* ki kapab annan serten lenpak lenplikasyon sever lo nou pei kot ler i ti dir, regard an size proze *Assumption*. I ti dir avek *Today* ki si i pa ganny en korperasyon bann devloper i pou anvoy larme pou pran kontrol *Airport Assumption*. Kan SCAA i deza annan kontrol.

So, Sesel i en pti pei e nou annan bon relasyon avek UAE, nou annan bon relasyon avek Qatar. E avyon toulezour Qatar pe apoz Sesel e i enportan ki nou *maintain* sa bann bon relasyon avek sa bann pei.

Akoz si ou mazine si demen *Qatar* i deside aret son bann vol Sesel i pou annan en gro lenpak lo nou lekonomi, lo *tourism*.

E zisteman sa Komite i osi annan *oversight* lo *tourism*, e lo bann Minister, lo bann departman ki annan pou fer avek *tourism*.

E dan 7enm Lasanble nou ti amann *Term of Reference* sa Komite pou nou enkli *tourism*, aköz *tourism* i en sekter enportan ki kontribye bokou dan lekonomi nou pei.

Le 14 Zilyet an 2021, ane sa lamannman ti ganny fer pou enkli *tourism*, ti annan 21 Manm lo kote *LDS* ki ti siporte, ti annan 9 lo kote *US* ki ti *abstain*.

Me selman nou ti azout *tourism* koman en lot en sekter pou nou annan sa *oversight* lo la, aköz i vreman enportan pou nou pei. Alor mon pou siport sa Komite, fodre i enportan ki nou gard sa *oversight* enportan lo Gouvernman, e osi gard relasyon bilateral avek koman en Parlman ek bann lezot lorganizasyon enternasyonal. Avek sa de mo, mon dir ou mersi Mr Speaker.

MR DEPUTY SPEAKER

Mersi Onorab Woodcock. Nou ava prezan pas lo laprouvasyon ki gig nou anba Lartik *Standing Orders*

90(2)(2) pou kreasyon sa Komite.

Sa ki pour? Okenn Manm ki kont? Mersi. mosyon pou laprouvasyon kreasyon *International Affairs Committee* anba 90(2)(2) i konm swivan 29 Manm in vot pour, 0 in vot kont, e zis 1 abstansyon. Komite alor in ganny aprouve par Lasanble. Nou ava bouz lo, wi. Kreasyon Manm. Onorab Gill, lo kote *US*.

HON CHURCHILL GILL

Mersi Mr Speaker. lo kote *United Seychelles* pou *International Affairs Committee*. Manm ki pou lo la se

Onorab *Deputy Speaker*

Onorab Johan Loze

Onorab Trevor Louise e

Onorab Alvin Grandcourt.

Mersi.

MR DEPUTY SPEAKER

Mersi Onorab Gill. Onorab *Chief Whip LDS*.

HON SANDY ARISSOL

Mersi Mr Speaker. lo nou kote pou *International Affairs Committee* nou annan, Wavel Woodcock.

Onorab Woodcock, nou annan

Onorab Denise Clarisse, e

Onorab Andy Labonte.

Mersi.

MR DEPUTY SPEAKER

Mersi. Konpozisyon in note. Mon ava prezan bouz lo 6enm Komite in ganny gide anba Lartik 90(2)(c) kreasyon pou en *Defence and Security Committee*. Onorab LGB.

HON SYLVANNE LEMIEL

Mersi Mr Speaker. *In accordance with Standing Order 90(2)(d), this Assembly appoints an International Affairs Committee, to enjoy the Terms of Reference of the Committee of the same name in the Seventh Assembly.* Mersi.

MR DEPUTY SPEAKER

Segonnman?

HON AUDREY VIDOT

Mosyon i ganny segonde Mr Speaker. Mersi.

MR DEPUTY SPEAKER

Mersi Onorab Vidot. Onorab LGB ou *brief*.

HON SYLVANNE LEMIEL

Mr Speaker, manda Komite Defans ek Sekirite, se ki i annan responsabilite pou fer *oversight* lo Lafors Defans piblik Sesel. Lapolis Sesel e tou lorganizasyon Gouvernman ki annan en rol dan sekirite nasyonal. Sa i enkli bann servis lentelizans.

Bann Manm sa Komite i bezwen fer en seremoni sermantasyon oubyen en

afirmasyon sekre par *schedule* 3 dan Lalwa Servis Lentelizans Sesel 2018 ek son bann term referans. Mersi.

MR DEPUTY SPEAKER

Mersi Onorab LGB. Onorab Adelaide.

HON FRANCOIS ADELAIDE

Mersi Mr Speaker. Mr Speaker, mon pran laparol 2 minit pou mon koz en pti git lo sa Komite i osi, vi ki dan 7enm Lasanble mon krwar sa Komite i en Komite ki'n vremen debourye.

E nou'n war bokou bann rezilta, parey nou pe dir sa Komite i ti en bipartizan kot laspe politik pa ti zanmen mele, e mon krwar ki tou nou bann *staff* in *perform* a la oter, e nou'n kit en pe travay deryer. Me selman nou ekspekte sa Komite ki vini i ava kontinyen fer sa travay.

Parey nou ti dir, ozordi nou fyer ki Lafors Defans Sesel i nepli *swear allegiance* to revolisyon. Me i *swear allegiance* pou defann Konstitisyon, e sa i enportan ki nou kontinyen *maintain*.

E avan mon terminen mon le remerisi nou *Chairman* sortan ki ti Onorab Clifford Andre, ki ti pe gid nou vremen byen pou fer sa travay.

E bon mon ti servi koman *Vice-Chairman* lo sa Komite, e parey mon pe dir nou'n kit enn

de bann pti travay deryer, me selman travay i kontinyen, espere tou bann dimoun ki vin lo sa Komite zot a vremen pran sa travay o serye, pour ki nou ava vremen annan sa *oversight* lo nou Lafors Defans, lo nou Lafors Lapolis apre lo tou nou bann *agent* ki responsab sekirite nou pei.

E petet avan mon terminen zis mon ava dir detrwa pti *achievement* ki nou'n fer *in regards to* Kordgard La Digue nou ti deryer pou fer sir ki finalman La Digue ti gannyen Kordgard menm kantmenm lokasyon ti pe konplent pa bon. Me selman nou ti *stand* deryer Lafors Lapolis, e nou ti kapab realiz en proze pou La Digue. Praslin osi parey, nou'n fer en pe bann renovasyon lo bann Kordgard toultour Mahe, e sa osi bann *achievement* ki nou'n fer.

Savedir sa Komite i vremen enportan, e parey mon'n dir ankor enn fwa, tou bann dimoun ki pou partisip lo la mon demann zot pour nou debourye, e fer sir ki sa Komite i tenir son standar ki ti pe *operate* li lo la dan 7enm Lasanble. Mersi bokou.

MR DEPUTY SPEAKER

Mersi Onorab Adelaide. Onorab Sandy Arissol.

HON SANDY ARISSOL

Mersi Mr Speaker. Mon ti anvi dir de mo lo Komite Defans, me selman an mem tan mon krwar i enportan pou bann dimoun ki pe ekout nou deor konpran sa travay Komite ki Manm Lasanble nou angaze ladan.

Apart nou travay Lezislasyon ki nou fer isi dan Lasanble Nasyonal, i osi annan sa bout travay ki nou fer atraver bann Komite ki ganny etabli zisteman par nou Konstitisyon, e osi par nou *Standing Orders* ki nou pe diskite en pe lo la.

E Komite Defans i enn bann Komite ki parey nou ti eksplike dan nou *induction* i annan sa konponan avek Defans ki nou pa kapab diskite parey nou dir - tou son Bidze isi anndan devan medya, e kot bann keksoz teknik sekirite i ganny sorti.

Se pour sa rezon nou annan Komite Defans kot nou koman en Lasanble nou kapab *summoned* bann zofisye, e zot vini atraver en *meeting* ki nou fer, byensir avek bann *secretariat* an plas, pou nou asize pour nou balans en pe avek zot, get zot Bidze, e pou nou asire pou dir sa ki nou, nou pe donn zot i osi ganny depanse egzakteman parey nou, nou fer avek tou bann lezot Minister e antite ki pran en larzan avek Gouvernman.

Se pour sa rezon nou tou bann Manm menm sa *photographer* ki vin tir portre kot nou i bezwen fer sa sermantasyon, parski nou pa oule bann keksoz ki nou koze anndan dan sa Komite i sorti parey zisteman pou tou lezot Komite.

E i osi annan sa konponan Mr Speaker, kot nou'n osi sorti lo sa nivo Lasanble, e nou al rann vizit sa *SDF*. Parski nou ganny en sans enterakte avek son bann zofisye, e nou ganny sans vwar osi bann lekipman zot kondisyon kot zot pe travay.

E kot nou Lasanble nou santi nou kapab tap en laport pou demann en pti pe plis larzan pou serten keksoz oubyen kot nou vwar pou dir vre finans ki nou ti donn zot dan Bidze presedan in ganny servi dan tel fason. Parski nou osi ganny sans al lo *site* pou nou kapab verifye sa, e asire.

En fason ki letan nou vin dan Lasanble Nasyonal tou lede *Caucus* anvi ki annan Manm lo tou lede kote, pour nou asire avek nou *Caucus* pou dir nou bezwen vey laliny nou kestyon pou nou pa ganny dir par sa zofisye poudir sa enn pou rezon sekirite i pa kapab devwale i pa kapab dir, pou nou asir ki nou tonm dakor lo tou lede pou dir sa ki zot pe dir ek nou isi devan letan zot vin dan Lasanble -

espesyalman pou Bidze i korek e tou bann lenformasyon in ganny donner par bann Manm lo tou lede kote latab ki zisteman asiz lo sa Komite ki *Defence Security and Intelligence Committee* Lasanble Nasyonal in met an pals. Mon a dir ou mersi bokou Mr Speaker.

MR DEPUTY SPEAKER

Mersi Onorab Arissol. Mon a donn laparol Onorab Roucou.

HON MICHEL ROUCOU

Mersi Mr Chair. Bonn apre midi a tous. Mr Chair, mon osi mon pou partaz en pti pe mon leksperyans koman en Manm lo Komite Defans dan 6enm Lasanble - 7enm Lasanble.

Annefe koman en nouvo Manm pour mwan ti en leksperyans vreman inoubliyab, aköz ou'n ganny sans pou ou travay avek plizyer koleg lo tou lede kote latab.

Kot ti annan Onorab Clifford Andre, koman *Chairman*, Onorab Adelaide, koman *Deputy Chairman*. Onorab Sandy Arissol, Onorab Churchill Gill, Onorab Audrey Vidot, Onorab Porice, e mwan menm mon. E osi nou ti annan bann travayer Lasanble ki ti avek nou, Ms Donna avek Ms Gillian ki'n travay avek nou.

Mr Chair, Komite Defans li i en Komite ki en pti pe pli diferan avek tou bann Komite dan Lasanble li menm li. Akoz i annan bann serten letan kot ler nou zwenn avek diferan bann lotorite ki annan pou fer avek lafors dan pei, kot nou pa pas lo TV aköz bann serten lenformasyon ki annan bann domenn konfidansyel ladan.

E apre osi i annan vizit ki'n ganny fer lo plizyer *site* kot i en pti pe sansib la osi tou, kot nou'n kapab ganny sans travay avek plizyer lazans parey nou annan Lapolis lentelizans li menm li, Imigrasyon, AVSEC Sekirite *airport*, SFRSA, SDF li menm li.

Kot la nou'n kapab aprofondir en pti pe lo bann keksoz ki annan pou fer ek sekirite pei - *border control*, e ki mannyer ban louvraz i ganny demare dan sa bann diferan departman lorganizasyon li menm li, mot zot fer sir pou dir nou pei li menm li i an sekirite.

E parey bokou mon bann koleg ki'n dir oparavan, mon le remerisi bann departman ki'n la avek nou aköz mon krwar pa si mon pou lo sa Komite ankor, mon pou bouz lo en lot Komite pou al ganny en pti pe plis leksperyans dan en lot domenn.

E mon panse pou dir se ki bann travay ki'n ganny fer Lasanble in war li menm li. E

osi nou'n ganny sans Mr Speaker, pour nou al vizit nou bann lezot *partner* dan en lot pei ankor, pou nou aprofondir ki mannyer sa Komite Defans dan pei laba kot nou ti ale li menm li ki mannyer i marse, e ki mannyer zot bann keksoz ki annan pou fer avek defans zot pei parey prizon li menm li, ki mannyer bann keksoz i fonksyonnen.

E an menm tan mon le dir mersi avek ban Manm ki'n la avek nou. Mwan koman en nouvo Manm, zot in ganny sans montre mon en pti pe lo kote Komite ki mannyer sa i marse, e kot mon kapab aprofondir en pti pe plis lo kote Komite.

E mon konnen pou dir ban nouvo Manm ki'n fek zwenn Lasanble la, zot pou kapab war bokou dan en lot fason depan lo ki Komite ki zot ganny mete. Mersi.

MR DEPUTY SPEAKER

Mersi Onorab Roucou. Si napa okenn entervenans nou ava prezan pas lo laprouvasyon Komite Defans ek Sekirite ki ganny gide anba *Standing Orders* 90(2)(c)

Tou Manm ki an faver? Okenn ki kont? Mosyon pou laprouvasyon *Defence and Security Committee*, 30 Manm in vot pour, 0 in vot kont, e nou annan 1 abstansyon. Mosyon in ganny aprouve par

Lasanble. Nou a prezan konpozisyon Komite. Onorab Gill.

HON CHURCHILL GILL

Mersi Mr Speaker. Lo kote *United Seychelles* bann Manm ki pou lo sa Komite se

Onorab Audrey Vidot

Onorab Wilbert Herminie

Onorab Jean Toussaint

Onorab Nelsia Balisa
Lepathy.

MR DEPUTY SPEAKER

Mersi Onorab Gill. Onorab *Chief Whip* Arissol.

HON SANDY ARISSOL

Mersi Mr Speaker. Lo nou kote pou Komite Defans nou pou annan

Onorab Francois Adelaide

Onorab Gervais Henrie e

avek Onorab Dominic Savy. Mersi.

MR DEPUTY SPEAKER

Mersi. Nou ava bouz prezan lo 7enm Mosyon anliny avek Lartik 104(1) nou Konstitisyon, e *Standing Orders* 88 Lasanble i etabli en *Finance and Publics Accounts Committee*.

Etandonnen ki sa Komite in deza prevwar anba Konstitisyon nou pa bezwen pran en vot lo la. Me selman nou ava don Madanm *LGB*, pou prezant son Komite, e son *brief*.

HON SYLVANNE LEMIEL

Mersi Mr Speaker. Anliny avek Lartik 104(1)(a) Konstitisyon ek *Standing Order* 88, Lasanble Nasyonal i etabli *the Finance and Public Accounts Committee*. Mersi.

MR DEPUTY SPEAKER

Segonde? Pa bezwen segonde. Okenn Manm ki le entervenir en bref lo sa Mosyon? Onorab Arissol.

HON SANDY ARISSOL

Mr Speaker, mersi. Koman en Manm *FPAC* mon ti a bezwen osi dir ek bann Manm poudir i en Komite enteresan *FPAC*, nou Sesel nou apel li *FPAC*, dan lezot pei sirtou atraver Lasosyasyon *SADCOPAC* ki nou lo la zot apel *PAC - Public Accounts Committee*. E nou, nou apel pou nou *FPAC*.

I en Komite, li i sel Komite ki *Standing Orders* i fer provizyon ki i dir ek ou *the whole- the Committee shall elect its own Chairperson who shall customarily be the Leader of the Opposition*.

So, i reste *customarily* ki *Leader* Lopozisyon ki *Chair* sa Komite, e an menm tan i annan lezot Manm lo tou lede kote latib ki vini ki vin lo sa Komite.

Se sa Komite i donn nou posibilite pou nou kapab *oversee* finans Gouvernman, e

pou nou sa ki nou'n fer dan lepace se nou'n osi angaze avek bann antite Gouvernman, bann Minister kot nou'n vizite nou'n ganny sans kapab get zot finans get zot Bidze, e gete kote nou koman FPAC nou kapab fer serten propozisyon.

Aprè FPAC sa ki nou'n fer se nou'n travay an kolaborasyon avek Oditer Zeneral son Lofis avek son bann staff. Parski nou angaze en kantite avek son lofis, parski rapor Oditer Zeneral ki sorti i lobligasyon FPAC pou nou asize ansanm avek led byensir Madanm Deputy Clerk, ki Madanm Alexandria, ki li sa dimoun ki responsab pou ed lo nou Komite pou asire ki sa rol secretariat i ganny zwe avek lezot son bann staff.

Kot nou, nou ganny sans pas lo rapor Oditer Zeneral kot nou fer bann *Public Hearing* ki al live lo radyo, televizyon isi lo YouTube.

E osi i annan sa ki nou fer indoor kot nou pa envit medya, be nou ganny sans enterakte avek bann antite Minister, bann MDAs Gouvernman osi bann lezot lazans ki nou santi i pran en finansman avek Gouvernman, e pou nou vwar ki mannyer zot travay in ale, an relasyon avek finansman Gouvernman pou nou asire ki larzan ki nou koman en Lasanble nou vote

pou nou asire pou dir i pe ganny byen depanse. Mersi Mr Speaker.

MR DEPUTY SPEAKER

Mersi Onorab Arissol. Onorab Gill?

HON CHURCHILL GILL

Mersi Mr Speaker. Mr Speaker, an premye mon le remersye *Chairman*, ansyen *Chairman* ki ti, ki ozordi i VP ki ti *Chair* sa Komite an menm tan tou bann Manm ki ti lo sa Komite.

E osi *staff secretariat*, ki ti a kote nou pou fer sa travay. Nou'n fer bokou travay, e bokou rapor in ganny fer. E mon swete ki nouvo group menm lelan travay i ava ganny fer pou nou kapab asire ki bann laspe finansyel Gouvernman i pe ganny byen zere. Mersi.

MR DEPUTY SPEAKER

Mersi Onorab Gill. Avek sa nou a demann le de *Chief Whip* pou zot pronons zot Manm ki pou lo Komite. Onorab Gill.

HON CHURCHILL GILL

Mersi Mr Speaker. Kote *United Seychelles* i annan mwan menm mwan,

Churchill Gill

Onorab Cecile Larsen

Onorab Conrad Gabriel e

Onorab Jerry Sopha.

Mersi.

MR DEPUY SPEAKER

Mersi. Onorab Sandy Arissol?

HON SANDY ARISSOL

Mersi Mr Speaker. Lo nou kote pou *FPAC* nou pou annan, Onorab Bernard Georges, mwan menm koman Onorab Arissol, e Onorab Georges Romain. Mersi.

MR DEPUTY SPEAKER

Mersi. Anvi ki sa Komite i deza etabli anba Konstitisyon, son laprouvasyon in fini pase. Nou ava bouz lo 8enm Mosyon anliny avek, avek Lartik 90(2) kot i fer kreasyon *Select Committee* pou *Committee of Government Assurance*. Onorab *LGB*.

HON SYLVANNE LEMIEL

Mersi Mr Speaker. Sa Lasanble i demande ki en Komite Lasanble Nasyonal anba tit *Committee of Government Assurance*, i ganny etabli e ki son Term Referans ki deza egziste e ki'n anfors dan 7enm Lasanble Nasyonal i ganny mentenir.

MR DEPUTY SPEAKER

Segonnman.

HON AUDREY VIDOT

Mosyon i ganny segonde Mr Speaker. Mersi.

MR DEPUTY SPEAKER

Mersi Onorab Vidot. Nou ava ganny *brief* Onorab *LGB*.

HON SYLVANNE LEMIEL

Mersi Mr Speaker. Komite lo bann Lasirans Gouvernman se ki bann fonksyonman prensipal sa Komite, se pou *examine* bann lasirans, promes e langazman ki Prezidan, Minis bann *CEO* ek bann Prezidan bann *Board* i fer isi dan Lasanble Nasyonal.

E pou li raport lo ki kantite sa bann lasirans in ganny met an aplikasyon, e si in ganny met an aplikasyon sa i fer dan en letan minim ki nesese pou sa bi.

Egzers bann lezot fonksyon ki pa kouver dan paragaf (a). Savedir pou raport lo bann lakantite lasirans ki Speaker Lasanble Nasyonal i kapab atribye Komite osi detanzantan bann travay ki i santi i devret ganny fer koman lasirans.

Mr Speaker, petet an azout an avek sa term referans. Mon ti a kontan azoute ki mwan ki ti *Chairperson* sa Komite li menm, e pandan 7enm Lasanble.

E sa Komite in en Komite ki'n travay vreman dir, in fer bokou travay mon kapab dir pandan sa dernyen 5an.

E bann Manm osi ki ti lo la i annan ki nepli avek nou

ozordi, zot pa dan sa Lasanble, sa i Onorab Bastienne, Onorab Loizeau, e Onorab Labrosse ki zot pa avek nou dan Lasanble 8enm Lasanble.

Mon ti a kontan profite pour mwan remersye zot en kantite pou bann kontribisyon ki zot ti fer letan zot ti lo sa Komite, zot ti vreman aktiv, zot ti vreman bann Manm aktiv, e vreman bann Manm ki ti anmenn bon kontribisyon e partisip byen dan sa Komite.

E pour sa kot zot ete dan nenport ki demars zot pe fer tou le trwa *past* Onorab mon dir zot *bonne* sans, e mersi pou sa bann kontribisyon ki zot ti fer dan 7enm Lasanble lo Komite COGA.

E avek nou osi ti annan Onorab Monthy, *sorry* Onorab Monthy, mon pe bliy ou non. Ti annan Onorab Monthy, Onorab Rocky Uranie, ki ti lo sa Komite ki zot osi zot in anmenn en kontribisyon, zot ti anmenn en kontribisyon ki tre, tre valab lo sa Komite.

E pou note ki *Vice-Chair* ti Onorab Loizeau, lo sa Komite ki li osi in donn son kontribisyon lo la. So, avek sa de pti mo, mon a dir ou mersi Mr Speaker.

MR DEPUTY SPEAKER

Mersi Onorab *LGB*. Mon a donn laparol Onorab Monthy.

HON PHILIP MONTHY

Mersi Mr Speaker. Mon ti le zis dir detrwa pti mo osi lo Komite COGA vi ki mon ti en Manm. Parey Onorab *LGB*, lo lot kote in dir nou Komite ti enn ki'n vreman aktiv.

Nou'n fer en kantite travay, travay i deroul par rapor sa bann lasirans parey in ganny dir ki ganny prononse isi dan Lasanble par bann Minis, bann *CEO*, bann O Zofisye Gouvernman.

E nou, nou fer sir koman en Komite ki sa bann prononsman, sa bann langazman ki'n ganny fer dan Lasanble i ganny realize.

E si i annan okenn lenstans ki nou remarke ki sa pe tarde, kekfw a i annan serten *deadline* ki ti'n ganny donnen i pa pe ganny respekte nou, nou rod leksplikasyon aköz sa i le ka.

E kot i nesaser fer *Public Hearing* osi tou, ki nou'n fer. E i enportan a sa pwen osi pou fer resorti ki vi ki la i en nouvo Lasanble, i 8enm Lasanble tou bann lasirans presedan ki'n ganny prononse dan 7enm Lasanble i tonbe.

E donk, lo nou travay la i komans lo Komite COGA travay i komans avek bann nouvo lasirans ki pou ganny prononse isi dan sa Lasanble ler nou komans travay. Me non pa bann lasirans ki ti deza la dan 7enm Lasanble.

E mon pou profite parey Onorab Lemiel, in fer. Mon pou remersye li dabor koman *Chairperson* in fer en travay ekselan, e si mon pa tronpe nou sel Komite ki ti fer en legzibisyon osi isi kot Lasanble Nasyonal.

E nou'n fer bokou vizit lo diferan zil, vizit plizyer proze. Mon pou osi remersye bann ansyen koleg Onorab Loizeau, ki ti *Vice-Chair*, Onorab Deshiela Bastienne, Onorab Richard Labrosse, osi Onorab Uranie, ki nou ti annan en lo sa Komite nou'n annan en lantant, en lanmitye si mon kapab dir, e en fason travay, e mon espere ki sa i kontinyen avek sa nouvo Komite pou sa term. Mersi.

MR DEPUTY SPEAKER

Mersi Onorab Monthy. Laparol Onorab Uranie.

HON ROCKY URANIE

Mersi Mr Speaker. Mon osi mon ti form par sa Komite parey in ganny mansyonnen. Mon pa pou fer long, petet annou pa bliy osi bann sekreter ki ti travay avek nou, ti travay tre, tre dir.

Parey Ms Thelma, ki ti la Ms Gerry, Madanm Thelermont, zot in travay a kote nou tre pres, e zot in vremen fer en bon travay.

Sirtou, letan pe fer bann montaz, parey bann

legzibisyon e osi ekri bann rapor. So, mersi Mr Speaker.

MR DEPUTY SPEAKER

Mersi Onorab Uranie. Nou ava prezan pas lo laprouvasyon anliny avek nou *Standing Orders* 90(2) Lasanble pe ganny demande pou aprouv Komite of *Governance and Assurances*.

Tou Manm ki vot pour? Okenn Manm ki vot kont? Mosyon pou kreasyon Komite on *Government Assurances*, 30 Manm in vot pour, 0 in vot kont, e nou annan zis 1 abstansyon. Mosyon in ganny aprouve par Lasanble. Nou ava bouz prezan lo 9enm. Onorab Gill. Kreasyon.

HON CHURCHILL GILL

Wi. Mersi Mr Speaker. Konpozisyon Komite Manm kote *United Seychelles*

Onorab Rocky Uranie

Onorab Wilbert Herminie

Onorab Claudette Louise

Onorab Sandra Sultan.

Mersi.

MR DEPUTY SPEAKER

Mersi. Onorab *Chief Whip* LDS?

HON SANDY ARISSOL

Mersi Mr Chair. Lo nou kote pou *Government Assurances* Komite nou pou annan

Onorab Philip Monthy, nou pou annan

Onorab Denise Clarisse e
Onorab Francois Adelaide.
Mersi bokou.

MR DEPUTY SPEAKER

Mersi Onorab Arissol. Mon
aprezan bouz lo 9enm
Mosyon. Mosyon i annakor
avek Lartik *Standing Orders*
90(1) pou kreasyon *Media,*
Youths, Sports and Cultural
Committee. Onorab LGB.

HON SYLVANNE LEMIEL

Mersi Mr Speaker. *In*
accordance with Standing
Order 90(1), this Assembly
appoints a Media, Youth,
Sports and Culture Committee
and the Terms of Reference of
the Committee of the same
name in the Seventh Assembly.
Mersi.

MR DEPUTY SPEAKER

Segonnman?

HON AUDREY VIDOT

Mosyon i ganny segonde Mr
Speaker. Mersi.

MR DEPUTY SPEAKER

Mersi Onorab Vidot. Brief
Onorab LGB.

HON SYLVANNE LEMIEL

Mersi Mr Speaker. Komite
Medya, Zenn, *Sport* e Kiltir son
bi prensipal i se pou li menm
ki nou *shorten* li par en
MYSCC.

Se pou asire ki i annan
swivi, e analiz lo bann *policy*
ladministrasyon ek Bidze
bann Departman Medya,
Zenn, *Sports* e Kiltir dan
Gouvernman.

Zot *examine* bann size ki
tonm anba *portfolio*
ministeryel Medya, Zenn,
Sport e Kiltir. Mersi.

MR DEPUTY SPEAKER

Mersi Onorab LGB. Nou
aprezan donn laparol Onorab
Wavel Woodcock.

HON WAVEL WOODCOCK

Mersi Mr Speaker. Mon
apresye ki nou pe konsider en
tel Komite ankor dan nou
8enm Lasanble en *Select*
Sessional Committee.

Mon santi pou dir sa
Komite i en Komite ki vreman
enportan i ti en Komite ki ti
vreman aktiv dan 6enm
Lasanble, e osi anba
Chairmanship Onorab Henrie,
apre 6enm Lasanble. I ti en
Komite ki'n vreman aktiv, mon
ki ti *Chair* sa Komite.

Annefe mon pou profit sa
lokazyon pou remersye nou
Vice-Chair, sa letan Onorab
Philip Arissol, nou ti annan
nou bann lezot Manm sa
Komite lo tou lede kote latab.

Akoz i en Komite
nonpartisan Onorab Tamboo,
Onorab Conrad Gabriel,
Onorab Georges Romain,
Valdana Sultan, tou bann

Manm e sirtou nou bann sekreter sa Komite Mr Quatre, en dimoun ki'n vreman, vreman siport sa Komite en kantite apre ansanm li osi Onorab Bijoux, ki ti *join* nou apre.

So, i en Komite ki vreman enportan aköz nou pe *deal* avek 4 sektor ki vreman enportan swa 4 pilye.

Parey nou konsider medya koman en pilye enportan pou nou la demokrasi kot nou pe *deal* avek *freedom of press*, nou pe koz lo drwa lekspresyon, nou pe koz lo *media coverage* dan en fason enparsyal dan nou pei. I bann keksoz ki nou bezwen kontinyelman met lanfaz lo la.

Nou en Komite ki'n vreman aktiv, nou'n fer plizyer vizit, plizyer rankont dan tou le 3 sektor. Nou'n fer bann vizit partou lo Mahe, Praslin e La Digue. Nou'n zwen avek bann diferan pilye bann PS, CEO bann Minis enportan dan tou le 4 sektor.

Annefe, se nou Lasanble se nou 7enm Lasanble ki ti deside pou amann, amann *Term of Reference* sa Komite pou nou enkli *Sport*.

Akoz nou santi ki i ti bezwen annan en *oversight* lo *Sport*. Aköz nou ti realize pou dir bann lenfrastruktir *Sport* partou lo Mahe, Praslin, La Digue i merit annan bann

travay ki ganny fer, nou ti bezwen plis bann fasilite.

E alor anvi ki CJSOI ti pe vini apre pli tar *Beach Soccer World Cup*. Nou'n swiv travay lo tou bann fasilite Roche Caiman, annefe kot nou'n swiv travay depi lo komansman son leta ki ti ladan Roche Caiman *Sports Complex, Palais de Sport, Court Tennis, Laplenn*.

E zeneralman tou bann fasilite nou'n swiv, nou'n fer kat, senk plizyer vizit partou. E nou'n pouse pou plizyer bann proze enportan.

Annefe ki'n vin en realite ki ozordi ou'n war nivo nou bann fasilite in vreman *improve*, e i annan en kantite bann lezot proze ki nou'n pouse ki nou ti met lanfaz lo la ki pou ganny fer ki ti annan komitman ladministrasyon avan.

Menm bann komitman bidzeter. Parey pou La-Digue *Sport Complex, Indoor Gymnasium* Anse Royale, Proze *Palais de Sport* Praslin ki dayer i annan en *total financing* R7.5 milyon pou 2025 ziska 2027. Nou osi annan *DOJO*.

E plizyer bann lezot fasilite komitman ki'n ganny fer dan bann Lasanble avan pou benefisye bann zenn ki nou ti a kontan ki sa ladministrasyon ki la i pa *cancel* sa bann proze ouswa zot aret sa bann proze.

Me zot kontinyen sa bann proze ki pou benefisye Anse Royale, ki pou benefisye La Digue. Ki pou benefisye Praslin, Grand Anse avek Baie Sainte Anne. Konmsi i bon pou annan sa kontinite.

E mwan mon pe set laplas lo sa Komite pou les en dimoun pli zenn lo nou kote lata pou antre lo la, ki *Chief Whip* i ava anonse apre, aköz mon santi nou bezwen osi bann dimoun en pe pli zenn pou antre lo la.

So, i en Komite ki vreman, vreman, vreman enportan aköz nou pe *deal* avek bann sekter ki vreman enportan ki pou annan en lenpak lo nou lazenes, ki pou annan en lenpak lo medya, ki pou annan en lenpak lo kiltir e osi lo nou zenn osi.

Parey mon'n dir nou bezwen kontinyen ankouraz bann zenn donn zot sa sipor, e sa Lasanble i bezwen kontinyen annan sa langazman e komitman pou nou travay pou nou siport bann zenn dan nou pei. Avek sa de mo mon dir ou Mersi Mr Speaker.

MR DEPUTY SPEAKER

Mersi Onorab Woodcock, mon a don laparol Onorab Romain.

HON GEORGES ROMAIN

Mersi Mr Speaker. Mr Speaker, mon krwar Onorab

Woodcock, in tous en bon pe lo sa Komite. Mon osi koman en Manm ki'n ganny sans deservi sa Komite mon'n aprann bokou lo sa Komite, i en Komite ki vreman enteresan espesyalman bann nouvo Manm ki pe vini.

E parey in fer resorti sa Komite i vreman gran i kouver en kantite. E bann bout osi ki nou'n touse parey nou'n ganny sans fer bann antretyen ek bann manrmay lekol STA kot nou ti al vizit zot, ekout en pti pe zot bann problem ki zot fer fas avek.

Ki ti vreman enteresan, ou konn zot bann sityasyon ki zot pe pas ladan. E menm nou'n ganny sans swiv SBC nouvo SBC House. Kot ti annan osi enn de problem ki ti annan laba kot nou'n ganny sans enterakte avek son CEO.

Byensir lo kote bann fasilite sportif ki Onorab Woodcock, in tous lo la kot nou'n ganny sans fer en swivi vreman pros, kot nou'n konn tou bann defayans ki ti annan, e parey nou'n vwar sa travay in ganny terminen kot ozordi nou war tou sa fasilite in ganny en bon renovasyon lo la.

E alors pour mwan dir tou- espesyalman bann nouvo Manm, ki sa i en Komite ki vreman enteresan, e i en Komite ki si ou ganny en sans deservi li mon pou dir zot pa mank sa loportinite aköz ou

ganny sans enterakte avek bokou bann sityasyon ki pe pase dan pei atraver zenn, kiltir, *sport* ek medya. Mersi Mr Speaker.

MR DEPUTY SPEAKER

Mersi Onorab Romain. Laparol Onorab Arissol.

HON SANDY ARISSOL

Mersi Mr Speaker. Letan nou pe koz bann Komite an relasyon avek *Standing Orders* i annan osi sa bout dan nou *Standing Orders 90(1)* ki koz lo *Rules of Procedures for Committees*, ki dir “*The National Assembly Rules of Procedures for Committees shall apply to the functioning of all Standing and Select Committee.*”

Kekfwa mon santi Mr Speaker, letan ozordi nou sa 8enm *Cohort* nou pe pas lo bann Komite Lasanble ki son *Standing* ki *Select Committee* i ava enportan pou sak Komite pour nou kapab tonm dakor oubyen revwar bann *Terms of Reference* sak bann Komite.

Pour nou asire ki bann Komite nou pa pe debord nou responsabilite, nou pa pe al an deor nou *Terms of Reference* nou pe reste, e nou pe osi azour e kwa ki sa Komite li menm li i devret pe fer pou ki lezot Komite pa santi ganny kon promiz dan travay ki en lot Komite pe fer.

So, ankor enn fwa mwan mon krwar pou dir la i sa bann moman letan, letan nou pe etabli ban Komite nou pe met bann Manm lo la, i ava osi enportan *as en whole, as* koman Lasanble, e pou nou asire ki nou pa pe debord *Standing Orders* osi pou nou revwar e ton dakor lo bann *Rules of Procedures* e bann *Terms of Reference* tou bann Komite ki nou ozordi nou pe vot lo la koman en Lasanble. Mersi Mr Speaker.

MR DEPUTY SPEAKER

Mersi Onorab Arissol, i anliny. Onorab Gabriel.

HON CONRAD GABRIEL

Mersi Mr Chair. Mon a dir bonn apre midi toulmonn. Mon pran laparol koman en Manm *MYSCC Media, Youth, Sports, Culture Committee*.

Dabor, mon a remersi nou Chair Onorab Woodcock, e lezot *staff secretariat* ki'n *involve* dan fonksyonman sa Komite. nou'n fer en bon parkour ansanm, mon krwar i annan en bon pe keksoz dan nou rapor ki nou'n mete, i dir pou li menm.

Nou'n swiv bokou proze, e nou'n ede pou akonpli plizyer keksoz *on time*, lo *limit*, e mon'n aprann bokou an zeneral. I annan serten Manm ki'n pas lo sa Komite osi ki mon a remersye zot. Onorab

Herminie Wilbert, Rachel Onorab Spiro, Onorab Tamboo, osi ti pas lo la sa ki vin an tet la.

I annan plizyer lezot Manm petet ki'n *in and out*, mannyer *team* ti ete in kas kase detanzaot. Be selman an zeneral nou'n fer en bon travay.

Mon kapab dir zot nou'n fer bokou, e sa Komite ki pou *set up* la, mon swete zot ava fer pli mye ankor. Mon a dir ou mersi.

MR DEPUTY SPEAKER

Mersi Onorab Gabriel. Anliny avek *Standing Orders* 90(1) pou kreasyon *Selectional Committees Media Youth Sports and Culture Committee*.

Mon demann Lasanble pou aprouve. Bann ki pour? Okenn Manm ki kont? Mosyon pou kreasyon *Media Youth Sport and Culture Committee*, 27 Manm in vot pour, 0 in vot kont, e nou annan 1 abstansyon. Lasanble in aprouv Komite MYSCC. Prezan nou a demann konpozisyon. Onorab Gill, lo kote US.

HON CHURCHILL GILL

Mersi Mr Speaker. Lo kote *United Seychelles* bann Manm ki pou lo sa Komite

Onorab Conrad Gabriel

Onorab Rocky Uranie

Onorab Nelsia Balissa
Lepathy

Onorab Jean Toussaint.
Mersi.

MR DEPUTY SPEAKER

Onorab *Chief Whip* LDS.

HON SANDY ARISSOL

Mersi Mr Speaker, pou *Media Youth Culture Sports Committee* pou *Media* nou annan Collin Tirant, pou *Youth* nou annan Sathya Naidu Onorab, e pou *Culture and Sport* nou annan nou Onorab Georges Romain. Mersi bokou.

MR DEPUTY SPEAKER

Mersi Onorab *Chief Whip* LDS. Sa ti nou dernyen Mosyon pou kreasyon Komite, e mon osi lo non Lasanble Nasyonal mon ti a kontan remersye tou bann Manm Lasanble ki ti form par bann Komite pou 7enm Lasanble.

Zot travay ki zot in fer in vreman remarkab, e osi mon remersi *secretariat* son *staff* aköz sa bann Komite i pa fonksyon li tousel zis avek Manm. Me i annan sipor bann *clerk*, bann sekreter sa bann Komite.

E zot osi nou dir mersi, e osi *secretariat* an zeneral. Aköz plizyer bann Komite in fer bann program *outreach*. I annan bann lozistik ki bann lezot *staff* i *involve* avek pou kapab fer sa arive. Sa i enn.

E dezyenmman, i annan bann lezot Komite atraver *SBC* letan nou ti zwenn, ki pou lemoman i annan serten diskisyon parey Onorab Arissol, in site taler, pou annan nesesite pou revwar serten *TOR* sa bann Komite pou anpese ki i annan bann *overlapping* ouswa diplikasyon travay ki pe ganny fer.

E sa bann *leaders* osi pou ganny *involve* dan bann desizyon, e osi nou konstate pou annan en *Chair of Chair Committee* ki zwenn ki osi tou kot tou bann *Chair* i asiz ansanm pou adres bann size kot i konsern bann *Terms of Reference*, e deroulman bann Komite. So, avek sa- Wi Onorab Arissol ?

HON SANDY ARISSOL

Mon ti anvi zisteman letan nou lo Komite, zis en kestyon prosedir parski letan nou prezant bann Mosyon. Nou fer bann vote, e Mosyon i ganny aprouve, mon pa war ou tap sa marto, eski nou Mosyon in ganny aprouve menm ou byen in ganny, i pa ganny konte? Mersi bokou. Zis en prosedir. Mersi.

MR DEPUTY SPEAKER

Tou bann Mosyon pou bann Komite in ganny aprouve. E anliny avek Lalwa bann *Rules of Procedures* Lasanble, *secretariat staff* atraver anba

gidans Clerk i pou annan bann *summon*, bann premye *meeting*, e la zot ava zwenn pou zot fer zot bann eleksyon *Chairperson* ek *Vice-Chair* sa bann Komite.

Sa ti nou dernyen azanda dizour ozordi, Lasanble i pou *adjourn* e pou annan en kominikasyon ki pou ganny fer anba gidans *ABC for the next sitting*. Lasanble ava *adjourn*, ziska prosen lanons *sitting* Lasanble. Mersi.

(ADJOURNMENT)